

21

مجموعه زمره



المجود في الهداية
في أحكام الدين

جزء ثانٍ


(قسم اول)

نكاح و تفرعاته دائر احكامى حاويدر



فتواخانه نظر تدقیقندن کچورلدکن صکره معارف نظارت
جليله سنک ۵۵۳ نومرو وفی ۲۰ جادی الاولی سنه ۱۳۱۳
تاریخی رخصتنامه رسمیه طبع اولمش وهرحق صاحب اثره
عائد بولمشدر

درسمادت



۱۳۱۳

موفقیت و ایة حضرت خلافتنا هیده تیسر نماى حصول اولمش
وقسم ثانیده در دست اولغله حسن اتمامى الطاف جلیله
سبحانیه دن مستدعا بولمشدر { ومنه التوفیق }

السید احمد زهدی
ابن السید الحاج محمد رفعت
عفی عنهما




المجموعة الزهدية

في الاحكام الدينية

بسم الله الرحمن الرحيم

الحمد لله الذى احل لنا النكاح * وحرّم علينا السيفاح *
والصلوة والسلام على نبينا محمد سيد الملاح * وعلى آله
وصحبه الذين هم اصحاب الصلاح والصلاح *



مجموعه زهدیه نك جزو اولی کبی جزو ثانیه نك
اشبور نجی قسم نك دخی بعنايته تعالى ترتیب واکمالی سایه

مقدمه

عابدینک اشتغالاری عبادات و بقاری معاملات ایله اولدیغندن معاملاتدن نکاحک دیگرلری اوزرینه تقدیمی عبادته اقرب بولمیسندندر .

نکاحده تسویه امور عیاله و تربیه اولاده قیام و اعفاف النفس عن الحرام مثلاً و مشغولیت مشروعه و مقبوله و مزیت مرغوبه و ارادر بناء علیه نکاحه توسل و ابتدار و بونک استلزام ایده جکی اسباب معیشت و نفقه بی و لوازم صحت و تربیه بی استحضار نوافل عبادات ایچون تحلی و انزوا دن افضلدر حتی متزوجک فقر حالی اولسه بیله نکاح . نیت خالصه ایله اولدینی تقدیرده استعین بالله ﴿ اَنْ يَكُونُوا فُقَرَاءَ يُغْنِمَهُمُ اللَّهُ مِنْ فَضْلِهِ وَاللَّهُ وَاسِعٌ عَلِيمٌ ﴾ نص منیفی و ﴿ التَّمَسُّوا الرِّزْقَ بِالنِّكَاحِ ﴾ حدیث شریفی اقتضاسنجه اکثر یا وسعت رزق و نعمتی مستلزمدر .

امام قهستانی نکاحک عبادتدن تأخیرینک وجهی عبادته نسبتله مرکب ایله بسیط کی اولمایدردیدی چونکه نکاح . من وجه عبادت و من وجه معامله در ﴿ خلاصه عن الطحاوی و غیره ﴾

نکاحده اوج دواعی مختلفه اجتماع ایتشدرد بونلرک بری داعیه شرع . و دیگری داعیه عقل . و آخری داعیه طبع در . داعیه شرعیه استعین بالله ﴿ فَانْكِحُوا مَا طَابَ لَكُمْ مِنَ النِّسَاءِ ﴾

مَثْنِي وَثَلَاثَ وَرُبَاعَ ﴿ و ﴿ وَانْكِحُوا الْاَيَامِي مِنْكُمْ وَالصَّالِحِينَ مِنْ عِبَادِكُمْ وَاِمَائِكُمْ ﴾ آیتین جایلتینی و صحیح بخاری و مسلم ایله احیاء علوم و شر حنده مندرج بولنان ﴿ تَزَوَّجُوا فَاَنْي مَكَاثِرُ بَكُمْ الْاُمِّ وَلَا تَكُونُوا كَرَهْبَانِيَّةِ النَّصَارَى ﴾ و ﴿ تَنَاحُوا تَكْثُرُوا فَاَنْي اَبَاهِي بَكُمْ الْاُمِّ يَوْمَ الْقِيَامَةِ حَتَّى بِالسَّقَطِ ﴾ و ﴿ النِّكَاحُ سُنَّتِي مَنْ رَغِبَ عَنْ سُنَّتِي فَقَدْ رَغِبَ عَنِّي ﴾ و ﴿ النِّكَاحُ سُنَّتِي مَنْ احَبَّ فَطَرَتِي فَلَيْسَتْ بِيَسُنَّتِي ﴾ و ﴿ مَنْ كَانَ مُوسِرًا لَانَ يَنْكِحْ ثُمَّ لَمْ يَنْكِحْ فَلَيْسَ مِنِّي ﴾ و ﴿ يَامَعْشَرَ الشَّبَابِ مَنْ اسْتَطَاعَ مِنْكُمُ الْبَاءَةَ فَلْيَتَزَوَّجْ فَاتَهُ اغْصُ لِلْبَصْرِ وَاَحْصِنِ لِلْفَرْجِ وَمَنْ لَمْ يَسْتَطِعْ فَعَلَيْهِ بِالْصَوْمِ فَاتَهُ لَهُ وَجَاءَ ﴾ احادیث شریفه و امثالیدر

داعیه عقلیه . هر عاقل لیب و کامل ادیب ایچون بی نوعنک تکثر و تزايد اعداد و نفوسنی و کندوسنک ارتحالندن صکره ممکن مرتبه دنیاده بقای نام و شانی امل و آرزو ایلمک طبیعی اولوب بوده تناسل و توالد طریقله سهل الحصول اولسنه نظراً نکاحه میل و رغبت و بو وسیله جمیه ایله تکثیر ابنای جنسنه خدمت و ظهور ایده جک اولاد و احفادینه مهر و محبت ایتک السانیت مقتضیاتندن بولمایدرد .

داعیه طبیعی . دخی مباضعات (۱) و مضاجعات (۲) نفسانییه تمایل و مجبوریت مقتضای طبیعت اولغله بونک امر مشروع نکاح

(۱) مباضعات . مجامعت (۲) مضاجعات . میل و توجه کوسر مک . همفراش اولق

ایله اجر اسنده محسنات و مثوبات عظیمه نك و جودی رهین رتبه
بدهت اولمیدر ﴿ماخص عن الموقوفات و غيرها﴾

﴿اعلنوا هذا النكاح واجعلوه في المساجد﴾ حدیث شریفی
موجبجه نكاحی اعلان و اشرف ایام اسبوع اولان جمعه کونی
عاقده رشیدك معرفتی و شهود لازمه نك حضور و دلالتی ایله
مسجدده اجرا و عقد اوزرینه خطبه بی تقدیمه اعتنا مندوبدر .
مثلاً ﴿الحمد لله الذي احل لنا النكاح و حرم علينا السفاح .
و الصلوة و السلام على سيدنا محمد سيد الملاح الذي ازال ظلام
الشرك بنوره الوضاح . اما بعد فان الله تعالى ورسوله امرنا بالنكاح
وهو سنة الاسلام فقال في كلامه العزيز وهو افصح الكلام ﴿
﴿يا ايها الناس اتقوا ربكم الذي خلقكم من نفس واحدة و خلق
منها زوجها و بث منهما رجالا كثيرا و نساء و اتقوا الله الذي
تسائلون به و الارحام﴾ و قال رسول الله صلى الله تعالى عليه وسلم
﴿تناكحوا تكثروا فاني مكاثر بكم الامم يوم القيامة﴾
دينلد كدن صكره عقده بدأ و شروع اولنور .

رسول اكرم صلى الله تعالى عليه وسلم افندمن حضر تارينك
خطبه بليغه نبويه لري اولمق اوزره حصن حصين صاحبك روايت
ايلديكي خطبه شريفه تبركا پيرايه صحيفه قلندي .

﴿الحمد لله حمده و نستعينه و نستغفره و نعوذ بالله من شرور انفسنا

و سيئات اعمالنا من يهده الله فلا مضل له و من يضلل فلا هادي له
و اشهد ان لا اله الا الله وحده لا شريك له و اشهد ان محمدا عبده
و رسوله ﴿يا ايها الناس اتقوا ربكم الذي خلقكم من نفس
واحدة و خلق منها زوجها و بث منهما رجالا كثيرا و نساء و اتقوا الله الذي
تسائلون به و الارحام ان الله كان عليكم رقيبا﴾ ﴿يا ايها الذين آمنوا
اتقوا الله حق تقاته و لا تموتن الا و انتم مسلمون﴾ ﴿يا ايها الذين
آمنوا اتقوا الله و قولوا قولا سديدا يصالح لكم اعمالكم و يغفر لكم ذنوبكم
و من يطع الله ورسوله فقد فاز فوزا عظيما﴾ تعفف (١) نيت
خالصانه سيله تناكح ضمننده استدانه ايتك و مرأه سنا و حسبا و عزرا
و مالا ر جلك مادوننده و اخلاقا و آدابا و ورعا و عفة و جالا ار ككك
فوقنده بولمق دخي مندوباتنددر ﴿در مختار طحطاوى و غيرها﴾

﴿برنجی کتاب﴾

احكام نكاحه متعلق اولوب سكر بابى حاویدر .

﴿برنجی باب﴾

نكاحك تعريفاتيله بعض مسائل شاملدرد .

نكاح . فقهای عظام حضراتى عندنده ملك متعه ایچون شرعا

(١) تعفف . عفت یعنی محارمدن نفسى صیانت ايتك

موضوع اولان یعنی نکاح هیچ بر مانع شرعی اولیان مرأه دن رجالت استمتاعك حلتی قصداً افاده ایلیان بر عقد در .

اشبو تعریفدن مشرکه نك و برینك رجولیتی و دیگرینك انونیتی تظاهر ایتماش اولان خنثای مشکلك و نسادن نسباً و یا صهر یا خود رضاعاً علی التأبید محرم اوللرك نکاحلرینك عدم جوازی متین اولور و مقصود ملك رقبه اولدیفنددن تسری (۱) ایچون جاریه اشتراسی مثلاً انتفاعی حل ضمنی بی افاده ایدن عقد دخی خارج قالور . ملخص عن در مختار . طحطاوی . درر .

صدر الشریعه نك بیاننه گوره متعاقدين بیننده علل اربع موجود اولوب بونلر علت مادیه اولان ایجاب و قبول . علت فاعلیه اولان موجبله قابل . علت صوریه اولان عقد حاصل . علت غاییه بولنان ملك استمتاع دن عبارتدر . درر . مجمع الااهر .

ملك متعهیه زوجك مالکیتدن مقصد . مجرد اعضای زوجهدن زوجك استمتاعه مالک اولمسیدر . کأن حکماً زوج . زوجة نك عیننه مالک او اش اولور ایسه ده حقیقه عیننه مالک اولمش اولماز .

زیرا حقیقه عیننه مالک او اش اولسه شبهه ایله وطی اولنان منکوحه نك عقری زوجك اولور ایدی حالبوکه بونده بدله زوجة مالک اولوب زوجك مالکیتی انحق استمتاعك تحایلی حقنده در یوقسه حق زوجیه متعاقه اولیان احکامده زوجك مالکیتی یوقدر . نکاح . اهل اصول ولغت نزدنده وطی ده حقیقت . وعقدده مجازدر . بوتقدیرجه نکاحك شرعاً و افعاً معنای بر اولور .

(۱) تسری . استفراش ایتك

نکاح . عقد ایله وطنه صادق اولان ضم . معنایسه موضوعدر دیانلره گوره معناده اشتراك معنوی بولمق لازم گنور . در مختار . طحطاوی .

نفسك نسایه شدت رغبت و اشتیاقی حالنده زنا ارتکابی متیقن ایسه کندوبی ایدن محافظه و تحصن (۱) ایچون مهر و نفقهیه قدرتك وجودیه نکاح . فرض اولور .

اعتدال و مهر و نفقهیه اقتدار صورتنده نکاح سنت مؤکده در . حالین مذکورینده ترك نکاح موجب اثمدر .

جور و غدر خوفنده یعنی حقوق زوجیتی حقیله و لایقیله اجراده قصور و قنور وقوعی تیقن حالنده نکاح تحریماً مکروهدر . در مختار . ملتقی .

نکاح . کندولریله تصرف شرعینك النسا و ایجادی قصد اولنان طرفیندن برینك حدثك تحقق وقوعنه زیاده دلالت ایدن لفظ ماضی بی استعمال ایدرك ایجابی و دیگرینك قبولی ایله منعقد و مرتبط اولور .

احدهادن برینك یعنی بالذات مرأه نك « زَوَّجْتُ نَفْسِي » ویا ولیسی اولان پدرینك « زَوَّجْتُ ابْنِي » یا خود وکیلنك « زَوَّجْتُ مُوَكَّلَتِي مِنْكَ » و آخرك یعنی بالذات رجلك « قَبِلْتُ لِنَفْسِي » ویا ولیسی اولان باباسنك « قَبِلْتُ لِابْنِي » یا خود وکیلنك « قَبِلْتُ لِمُوَكَّلَتِي » دیملری گبی . در مختار . درر .

(۱) تحصن . تحفظ و احتراز ایتك

انعقاد . کند و سبيله عقد شرعی و جمله ایکی کلامك یکدیگرینه
ارتباطیدر که بوده ذکر اولسان ایجاب و قبولدن عبارت اولوب شو
مقامده ایجابدن . احد عاقدیندن یعنی گرك بالذات مرأه ورجلدن
ویا وکیلاری جانبندن اولاً صادر وایجابہ صالح اولان لفظ تام .
و قبولدن . هر فغیسندن اولور ایسه اولسون ثانیاً وقوعبولان کلام .
مقصوددر ﴿جمع الانهر﴾ طحطاوی ﴿نکاح﴾ لفظ ماضی ایله منعقد اوله جنی گبی بری ماضی به و دیگری
استقباله ویا حاله موضوع ایکی لفظله ده مجلس واحده انعقاد ایدر .
رجلک «زَوْجَتِي» یاخود «زَوْجِي» و «كُونِي امْرَأَتِي» ویا
وکیلک «كُونِي امْرَأَةً مُؤَكَّلِي» وولینک «كُونِي امْرَأَةً ابْنِي» مثلاً
تحت استقبالده داخل بولنان کلامرینه جواباً بالذات مرأه ویا وکیل
ویا ولی طرفلرندن «زَوْجْتُ» ویا «قَبِلْتُ» یاخود «بِالسَّمْعِ وَالطَّاعَةِ»
دینلمسی گبی .

استقباله مخصوص اولان «زَوْجَتِي» یاخود «زَوْجِي» ویا
«كُونِي امْرَأَتِي» جملهلری امر صیغه سیدر . زیرا امرک مدلولی انجق
کندوبی تلفظ ایستادن صکره تحقیق ایلر بو ایسه تکلم زمانه نسبتله
مستقبلدر .

حاله موضوع اولان صیغه قائلک استقبالی نیت ایتیهرك همزه
ویاتاء یاخود نون ایله بدأ و تکلم ایلدیگی مضارع صیغه سیدر مثلاً
رجلک «اتَزَوَّجُكَ» ویا «أَنَا مُتَزَوِّجُكَ» ویا «تُزَوِّجُنِي نَفْسُكَ»
قوللرینه مرأهك «زَوْجَتُ نَفْسِي» جوابی اعطا ایتسيله عقد .
حاصل اولور .

«أَنَا مُتَزَوِّجُكَ» ده کی متزوج . ذات قام بها الحدث و تحقیق
فی وقت التَّكَلُّمِ معاسنه موضوع اسم فاعل اولوب التزاماً حاله
دلالت ایلر .

استفهام طریقيله برینه معلومه اولان بر مرأه ایچون «هَلْ أَعْطَيْتَنِيهَا»
یعنی سن او قادینی بگما ویردگمی دینلدهکده مخاطب ویردم جوابی
اعطا ایلدیگی و مجلس . نکاح . مجلسی اولدینی صورتده عقد
تحقق ایدر ﴿در مختار﴾ طحطاوی ﴿درر﴾

برکیمسه ایکی رجل حضورنده غیر متأهله بر مرأه به «یا عَرَسِي»
دیو ندا ایدوبده مزبوره جوابنده «لَبَّيْكَ» دیسه نکاح منعقد
اوله جنی مذهب مختار اوله رق در مختارده کوستراش و حاجی «لَبَّيْكَ»
لفظی «أَجَبْتُكَ اجَابَةً بَعْدَ اجَابَةٍ» معناسنی متضمن بولندیغندن
قبول . ماضی وایجاب . جمله اسمیه وشو حالده «یا عَرَسِي» «أَنْتَ عَرَسِي»
دیمکدرکه «أَنَا مُتَزَوِّجُكَ» منزله سنده اولور دیمش ایسه ده ذکر
اولنان صورت . خلاف ظاهر روایت اولدیغنه بناءً نکاحك عدم
انعقادی قول صواب اولق اوزره بحر و نهر ایله دیگر بعض کتب
فقهیه ده تصریح و بیان اولمشدر ﴿طحطاوی﴾ در مختار ﴿

لفظ واحد ایله ده عقد جائزدر مثلاً صغیر ویا صغیرهك و لی
واحدی یاخود طرفندن وکیل حاضر اولان صغیره ایله صغیری
اشارت ایدرك «زَوْجْتُ هَذِهِ مِنْ هَذَا» دیدیکی صورتده عقد
حاصل اولور ﴿جوهره﴾ مسائل محررهك جمله سنده نکاحك
مقصود وشهودك حاضر وموجود اولسی مشروطدر .

عاقبت نکاح و قبولدن بر شی تدکار ایتمه رک یالکز مهر دن بر مقدار اوزرینه حصول رضایله انی قبض و تعاطی ایلملری منللو فعل ایله نکاح . منعقد اوله میه جغندن ایجاب و قبولک وجه مشروع اوزره ذکر و شهودک حضوری لازمدر .

حاضر بالمجلس اولان ایکی کشیدن برینک « تَزَوَّجْتُکَ » دیه رک کتب و آخرینک « قَبِلْتُ » دیو تحریر ایلملریله ده عقد حاصل اولمیوب بلکه مجلسدن غائب اولان کیمسه نک امر . افضلیه اولیه رق مکتوبک مضمونی شاهدلره اعلام شرطیله اولور که حتی ایجاب و قبوله شهادتلی واقع اوله . چونکه شاهدینک غائب حقنیده کی مکتوبک مضمونی سماعلری حاضر حقنیده وقوعبولان استماعلری کبیدر .

اما امر لفظیله اولور سه یالکز مرأه نک کلامی استماع ایله اکتفا اولنور و بوده ایجاب و قبول مقامنه قائم اولور .

فتاوی هندیده مسطور اولدینی اوزره بر قادین . تزوج ایچون « بکا فلان ارکک مکتوب کوندرمش اولدیغندن سز شاهد اولیکز بن نفسی اکتا تزویج ایتدم » دیسه نکاح صحیح اولور زیر شاهدلر مزبور نک ایجاب عقد ایله اولان کلامی و مزبور نک انلره سماع سببیه خاطبک یعنی تزوجه طالب اولان کیمسه نک کفتری استماع ایتمش اولدیله .

بر رجل تزویج ایچون بر مرأیه برینی ارسال ایدوب مزبور ده شخص مرسلک کلامی استماع ایدن شاهدین حضورنده قبول ایلسه مجلس . معنأ متحد اولدیغه بناء نکاح . جائز اولور در مختار . درر . طحطاوی

« شو مرأه بنم زوجه مدر و بن بونک زوجی یم » و بالعکس « بورجل بنم زوجدر و بن انک زوجه سی یم » منللو اقرارلر ایله قول مختار اوزره نکاح . منعقد اوله ماز . چونکه اقرار ذاتنده ثابت اولان شیئی اظهار اولوب مجدداً انشا و ایجاد دکلدر . لکن اقرار . محضر شهودده واقع اولور سه انشاعد اولنهرق نکاح . منعقد اولور وهو الاصح .

قول اصحه گوره بر ذاتده حل و حرمتی موجب اولان شی اجتماع ایده جگندن بوندن حرمتی ترجیح ایچون زوجک « تَزَوَّجْتُکَ » یعنی سنک نصفکی تزویج ایتدم دیسه سیله نکاح حاصل اولمیوب بلکه کلیسنه و یا کلدن معدود اولان رأس و رقبه و ظهر و بطن منللو اعضایه اضافه ایدلمک لازم اولدینی قول اشبه اوله رق ذخیره ده محرردر . اما طلاق بونک خلافتیه در که زوج نک ذکر اولنان عضولرندن برینه اضافتله طلاق واقع اولماز وهو الاصح . ایجاب . تسمیه مهره وصل اولنسه ایجاب . تمام اولور ایسه ده طرف آخردن قبل التسمیه قبول . وقوعبولسه قبول . صحیح اوله ماز . زیرا کندوسنده اولنی تغیر ایدن حال بولندینی وقته کلامک اولی آخرینه توقف ایدر .

مثلاً بر قادین برار کگه « نفسی سگایوزالتون مهر ایله تزویج ایتدم » دیمک ایستدیگی صره ده یوزالتونی ذکر ایتزدن مقدم ارکک جانبندن قبول وقوعبولش اولسه نکاح انعقاد ایتمز در مختار . رد مختار . طحطاوی

ایجاب و قبول ایله اولان عقد . نکاح و تزویج لفظلریله صریحاً .

وعین کامله نك (۱) فی الحال تملیکنه وضع اولنان هبه و صدقه و تملیک و عطیه و سلم و استیجار و قرض و صلح و صرفه و تملیک رقبه به دلالت ایدر هر افظ ایله کنایه . نیتک و یا قرینه نك و فتحدن نقلاً ابن عابدینک تحقیقنه گوره مع قرینه نیتک و جودی و شهودك نکاح اولدیغنه حقوق علماری شرطیله صحیح اولور .

رجالک « نَكَحْتُ مِنْكَ » و یا « زَوَّجْتُكَ » کلامنه مرأه طرفندن « قَبِلْتُ » جوابنک اعطاسی یا خود مرأه نك « وَهَبْتُ نَفْسِي مِنْكَ » و یا « تَصَدَّقْتُ » و یا « تَمَلَّكْتُ بِنَفْسِي عَلَيْكَ » و « بَعْتُ نَفْسِي مِنْكَ » و امثالی سوزلرینه رجل جانبندن « قَبِلْتُ » و یا « اشتریتُ لِنَفْسِي مِنْكَ » و اشباهی جواب قبول ویرلمسی گبی . اما تملیک افاده ایتمیان اجاره و اجازه و اعاره و اباحه و وصیت مطلقه و رهن و ودیعه و اقاله و کتابت و بونلرک مانندی الفاظک استعمالیله نکاح . منعقد اولماز . بناءً علیه قادینک « اجرتك » و « اعرتك » و « ابحتك نفسي » و « اوصیت بضع جاریتی بعد موتی » مثللو کلاملرینه ارککک « قَبِلْتُ مِنْكَ » و « استأجرت » و « استعرت مِنْكَ » و کذا « قَبِلْتُ مِنْكَ » دیمه سی صحت نکاحی استلزام ایلمز . لیکن کندولر یله مُلک . ثابت اولمیان الفاظ محرره و امثالی ایله شبهه نکاح واقع اولور سه ده مجامعت سببیه حد لازم گلمز و مرأه مهر مسمی ایله مهر مثلك اقلنی اخذ ایدر .

(۱) کامله قیدی شرکت و بعضیتی افاده ایدن الفاظدن احتراز ایچوندرکه انرا یله نکاح . منعقد اولماز « زَوَّجْتُكَ نَصَفَ جَارِيَتِي » دیمک گبی

قصه صحیح اولیه رق خطاء صادر اولان الفاظ مصححه ایله ده نکاح منعقد اولماز . تزوجت . دینیله جک یرده « تجوزت » دیمک گبی (۱) چونکه بومثللو خطا و غلط اولان لفظلر نه حقیقت و نه ده مجاز اولدیغندن غیر معتبر اولدینی تلویحده مسطوردر .

اما طلاقك تلاق و تلاك و طلاك مثللو الفاظ محرره ایله صدوری قضاء طلاق وقوعنی ایجاب ایده جگی اوائل اشباهده محرر در در مختار . درر . ملتقی و غیرهم .

عاقدين حاضر اولدقلری صورته مخیره ده (۲) اولدینی گبی مجلسك امتدادی حالنده بیله اتحادی و كذلك « نکاحی قبول ایتم مهری قبول ایتم » مثللو ایجاب قبوله و یا قبول ایجابیه مخالف کلامك عدم و جودی ایجاب و قبولك شرائطندندر .

حلی ایله هندیه ده بیان اولندیغنی وجهله صورت مشروحه ده ایجابك جزوی بولنان مهر . ذکر اولندیغنه و جزؤك نفی ایسه کاك نفی مستلزم بولندیغنه مبنی نکاح صحیح اولماز . اگر نکاح . قبول ایدیلوبده مهر دن سکوت اولنور ایسه بین العاقدين نکاح . منعقد اولور . حلی ده ذکر اولندیغنی اوزره غائب حقنده کتابت صورتیله بر مجلسده ایجاب و دیگر مجلسده قبول وقوع بولوبده اتحاد مجلس اولسه عقد صحیحدر .

(۱) لسان عربی بی بیلانه گوره مسئله بویله در . بیلیانه و حتی غلط اوله رق اوله بله یانه و طوغریسنی تلفظه دیلی دو نیمیانه کوره تعبیرات محرره ایله نکاحك انعقادینی ابن عابدین بیان ایتمش و در مختارده دخی فتاوی ابوالسعوددن نقلاً بونی مؤید سوزلر کورلشدر (۲) مخیره اب وجدینک غیری واسطه ایله تزویج اولنوب بالغه اولدقده صاحبه خیار بولنان صغیره در

اتحاد مجلسدن مقصود . عاقدین حاضریندن برینک قبل وقوع القبول مجلسده بولماق و یا اختلاف مجلسی موجب اولور برایشله مشغول اولماق گئی احوالک موجود اولماسندن عبارتدر در مختار . طحطاوی . رد مختار .

مسئدان نقصان ایتک شرعاً صحیحدر . مثلاً زوج « بیک غروشه تزوج ایتدم » دیوب زوج « بش یوز غروشه قبول ایلدم » دیسه زوج بیک قبول و بش یوزی خط (۱) ایتش اوله جفتدن مسمی صحیح اولور که بوده مجلس عقدده زوج . طرفدن مهر اوزرینه وقوع بولان زیاده بی زوجنه ک قبول ایلماسنک صحیح کیدر . مثلاً زوج « بیک غروشه نفسمی سکا تزویج ایتدم » دیوبده زوج « ایکی بیک غروشه قبول ایلدم » دیسه مهر . بیک اولوب اگر زوجت زیاده ایلدیگی مقداری ینه او مجلسده زوج قبول ایدر ایسه بوسورتده قول مفتی به اوزره مهر ایکی بیک اولور . حللی نقلاً عن البحر .

ایجاب و قبولک فرضاً « بن قزیمی یارین سکا نکاح ایتدم » و یا « اگر زید یارین کلور ایسه بن قزیمی سکا تزویج ایلدم » دینلهرک بر شینه اضافه و تعلیق اولنماسی و ایکی قزی اولان کیمسه برینی اسمی ذکر و تصریح ایتیه رک بر شخصه عقد ایتک گئی منکوحه نک مجهوله اولماسی دخی شرائط ایجاب و قبولدندر . لکن بزایه ده ذکر اولندیغی اوزره ایکی قزدن بری متزوجه ایسه عقد . فارغیه یعنی غیر متأهلهیه منصرف اوله جفتدن صحیح اولور . مسامه نک نکاحنده قول اصحه گوره متعاقدینک رضالری تحقق

(۱) خط . نقصان ایتک

ایلمک ایچون هربری آخرک کلامی ایشتماری و مذهب مختار اوزره نکاح اولدیغی فهم ایدر عاقل و بالغ ایکی مسلم حر و یا بر مسلم حرایله ایکی مسلمه حره شاهدلرک حاضر بولنملری شرطدر . ذمیه نک مسامه نکاحنده شاهدین . مزبوره نک دیننه مخالف اولسه یعنی ذمیه موسوی و شاهدین عیسوی بولنسلر بیله ایکی ذمینک شهادتیه عقد حاصل اولور . در مختار . رد مختار . قدوری . درر .

« لا نکاح الا بشهود » حدیث شریفی موجبجه بر کیمسه گرک شهرده گرک شهرک غیری محله بلا شهود بر مرأه بی کندویه عقد ایلد کدن صکره شاهد بولهرق اناره خبر ویرسه نکاح صحیح اولماز . مگر که شاهدلرک حضورنده مجدداً لازمه عقدی اجرا ایلله طحطاوی .

صغیره نک بدری بر رجلی مزبوره بی تزویجه توکیل ایدوب بعده باباسی مجلس عقدده حاضر اولدیغی حالده وکیل . برار کککک و یا ایکی قادینک حضور بیه صغیره بی برینه تزویج ایتسه اب . حکماً عاقد اولدیغنه منی نکاح صحیح اولور . اگر صغیره نک بدری مجلسده حاضر بولماز ایسه وکیل . مؤککک عبارتیه سی نقل ایدن معبر حکمنده اولدیغندن عقد . جائز اولماز .

بر مسلم . عاقله و بالغه اولان کریمه سنی یا لکیز بر شاهد . محضرنده بر مسلمه تزویج ایتسه مزبوره مجلسده حاضره ایسه کندوسی عاقد اوله جفتدن عقد . جائز اولور . اگر مجلسده حاضره دگل ایسه عقد نافذ اولیوب اجازتنه موقوف قالور .

اما قز صغیره و یا مجنونه ایسه مجلسده حاضره بولنسه بیله عقدک

کندوسنه نقلی ممکن اولدیغندن وولی ده شاهد اوله میه جفتندن عقد جائز اولماز.

هندیه ده گوستردیگی اوزره بر مرأه کندوسنی بر رجله تزویج ایتک ایچون برینی توکیل ایدوب مؤکله مجلس عقدده بولندی حالده وکیل. ایکی قادین حضورنده نکاح ایتسه انعقاد ایدر در مختار. طحطاوی

بر کیمسه بالغ کوله سنی کندی ایله دیگر بری حضورنده تزویج ایلک قول ظاهر اوزره جائز دگلدر. لکن تأهل ایچون افندیسی کوله سنه اذن ویرسه ده عبد. سیدایله بر آخر رجل محضرنده بر مرأه بی تزویج ایلسه صحیح اولور چونکه کوله افندیسنک اذنیله عقدده مباشرت ایتد کده افندیسی آخر کیمسه ایله شاهد اولور. اما سیدک مباشرتی صورتنده عبد. شاهد اوله ماز در مختار. طحطاوی

بر رجل بر کیمسه به مجلس عقدک خارجنده «قزینی بگاویا او غلمه تزویج ایلد کمی» دیسه و او کیمسه ده «تزویج ایتدم» جوابی ویرسه رجل قبول ایلدم دیمد کجه. عقد اولیوب استخبار اولدیغندن نکاح. منعقد اولماز در مختار. رد مختار

مرأه مجلسده حاضره اولدیغنی حالده وکیل. مزبور نه باباسی اسمنده غلط ایتسه غیابده جهالت اولدیغندن عقد. صحیح اولماز. كذلك بر کیمسه بر قزی اولوبده حاضره بالمجلس دگل ایکن حین عقدده اسمنده غلط ایتسه عقد صحیح اوله ماز. مگر که هر ایکی صورتده مرأه حاضره اولوبده کندوسنه اشارت اوله.

غیر متزوجه ایکی کریمه سی اولان کیمسه بیوک قزینی تزویج ایتدیگی قصد ایلشمشکن غلط اوله رق کوچک قزینک اسمنی تذکار ایتسه نکاح. کوچک کریمه سی ایچون انعقاد ایدر در مختار نقلاً عن الخانیه

نکاح اراده ایدن کیمسه بعض احبابی گور یحیاک ایچون بر قزه گوندرو بده قزک باباسی و یا ولیسی انلرک حضورنده مزبور نه بی عقد ایتسه متکلم. خاطب و باقیلر شاهد اولمق اوزره نکاح. تحقق ایدر. و به یفتی در مختار نقلاً عن الفتح

بر کیمسه قز باباسنه. کریمه نک طلاق خصوصنده امری سنک یدنده اولمق شرطیله بگا نکاح ایت دیسه تفویض. قبل النکاح اولدیغندن. پدر ایچون امر اوله ماز.

کذلك متزوج. مرأه به امر طلاق سنک یدنده اولمق اوزره سنی تزویج ایلدم دیسه امام محمد عندنده نکاح جائز و طلاق باطل اوله جفتندن مرأه نک یدنده امر قالماز.

فقیه ابواللیث حضر تار یله صاحب بحرک بیاننه گوره مرأه کندوسنی تزویج ایده چک اولان رجله محضر شهودده «اراده ایتدیکم وقتده طلاق امری بنم المده بولمق شرطیله نفسمی سگا تزویج ایلدم» دیهرک ابتدا ایتسه ورجلده «او صورتله قبول ایتدم» جوابی ویرسه نکاح. جائز و امر طلاق مرأه نک یدنده واقع اولور (۱) در مختار. طحطاوی. ابن عابدین

بر کیمسه فلان مرأه بی. شو قدر مهر ایله بگا تزویج ایت. دیو توکیل ایلدیگی رجل کندولگندن مهری بر مقدار تزویج ایتسه عقد. نافذ اولماز. بوجه محرر زیاده ایدیلاان مقداردن زوجک معلوماتی اولیه رق زفاف وقوعه بولاسه مؤکاک اجازت و یا فسخ بیننده خیاری باقی اولور. اگر فسخی اختیار ایدر ایتسه

(۱) مع مافیة ضرورت صحیحة مشروعه به مستند اولیه رق ذکر اولدیغنی وجهله طلاق خصوصنده زوجیه تفویض اولنه جق اولان امرک سوء استعماله او غرادلشی احتمال قویسته مبنی احتیاط تحتنده اولان او مثللو عقده عدم توسل دها زیاده موافق امر توکل اولور

مهر مسمی مهر مثلدن اقل اولدینی حالدہ مرأه راضیه اولش بولندیغندن مهر مسمی و مهر مثل . مهر مسادن اقل بولاندینی صورتده تسمیه عقد موقوف ضمانتده بولندیغندن و عقد موقوف ایسه عقد فاسدگی اولدیغندن مهر مثل لازم گلور .
برکیمسه برقادینی الله تعالی و رسولی شاهد اولسونلر دیرک تزوج ایتماک ایستسه اصلاً و قطعاً جائز اولماز ﴿ما یخص عن در مختار . طحطاوی . درر﴾

بر رجل بر مرأه بی بولندیغنی محلدن خارجه جیقارماق و یا انک اوزرینه تاهل ایتماک شرطیله فرضا بیك غروش مهر ایله تزوج ایتمه رجل . شرطه وفا ایلدیگی حالدہ مرأه ایچون ذکر اولان مهر مسمی و وفا ایلمدیگی تقدیره مهر مسمی . مهر مثله مساوی و یا مهر مثلدن زیاده ایسه کذلک مسمی لازم گلور و اگر مهر مسمی . مهر مثلدن نقصان ایسه مهر مثله ابلاغ اولنور ﴿قدوری . جوهره﴾

قادین . کندوسنه زوج اوله جق ارککک کندی اوزرینه جاریه طوتماق شرطنه تعلیقاً نکاحه وکیل تعیین ایلدیگی کیمسه شرط مزبوری تقید ایتمکمزین تزویج ایلدیگنی یاخود قادینک تعیین ایلدیگی رجالت غیری به کندوسنی وکیلک تزویج ایتدیگنی مزبوره استماع ایلیه رک رد ایلمه هرایکی صورتده عقد باطل اولور ﴿عبد الرحیم﴾

حین عقدده مرأه طرفندن زوج اوله جق رجله خطاباً « سن اوزریمه تتری ایلدیگک حالدہ بکا مثلاً بیك التون نذرک اولق اوزره بی تزوج ایدر ایسه ک سکا نفسمی تزویج ایلدم » دینیلوب رجله محضر شهودده « اولصورته قبول وسنی تزوج ایتدم » جوابی ویرسه نکاح . صحیح اولور ﴿بهجة﴾
برکیمسه شهود لازمه حضورنده خدمتکاری اولان زیده .

قزم هند صغیره بی سکا تزویج ایتدم دیوب زید بن دخی تزوج ایلدم دیسه صغیره زیدک منکو حسی اولور .

محضر شهودده عاقدیندن احدها آخردن بعدالطلب « ویردم الدم » لفظلرندن مقصدلری انشا اولدینی حالدہ نکاح . انعقاد ایدره صغیره بی باباسی مرض موتنده وجه مشروع اوزره براره تزویج ایلمه جائزدر ﴿عبد الرحیم﴾

باکر دیو تزوج ایدیلاں مرأه نیب ظهور ایتمه نکاح صحیحدر ﴿ابن نجیم﴾

جنون مطابق (۱) ایله مجنون اولان کیمسه به ولیسی جانبندن محضر شهودده مهر مثالیله برقادین تزویج ایلمه نکاح . منعقد اولور ﴿نتیجه﴾

مجنون مطابق منکو حسی قاضی تفریقہ قادر اوله نماز ﴿عبد الرحیم﴾

مجنونه اولان مرأه نک کندوسنی آخره تزویج صحیح اولماز ﴿علی افندی﴾

رجل . مرأه نک رضاسی اولمقسرین اتی تزوج و مرأه رجالت رضاسی اولمدیغنی حالدہ نفسنی اگا تزویج ایتماک امام ابی یوسف حضر تلرنجه رضایه موقوفاً جائز ایسه ده امامین همامین حضراتی عندلرنده مجلس عقدده قبول . شرط اولدیغندن تجویز اولنماشددر . عمجه سنک اوغلی عنک قزینی صغیره ایسه بلا استیدان و کیره ایسه بالاستیدان کندوسنه تزویج ایلمک جائزدر ﴿قدوری . جوهره﴾
برقادین . زوج مطلقنه « الله ایله عهدم اولسون بردها سکا

(۱) جنون مطابق . برکیمسه نک جمیع اوقاتی استیعاب ایلیان جنت دیمکدره .

نفسی تزویج ایتیم « دیوب بعده ینه تزویج ایسه نکاح » صحیح
و کفارت لازم اولور . ﴿ نتیجه ﴾

برینک مطاقه سی اولان قادین وقت تطایقدن اعتبار آیتش بش
گون مرورنده اوج حیض گورمکه عدم منقضیه اولدی دهرک
نفسی براره شهود لازمه حضورنده تزویج ایله کدن صکره زمان
تزویجدن اوتوز گون کچدکده مستین الخلقه (۱) برجنین میت
(۲) القا ایسه نکاح . صحیح اولماز .

برکیمسه صغیر اوغلانه ایکی قزی اولان بر شخصک قزلرندن
برینی تزویج ایتک ایستیبده باباسی قزلرندن برینی تعیین واسم
تیین ایتیمه رک محضر شهودده « قزیمی اوغلتک فلانه نکاحله ویردم »
دیوب اوغلانک پدریده « اوغلم ایچون قبول ایتدم » جوابی
اعطا ایسه نکاح . انعقاد ایلمز .

بر مسلم جاریه سنی آزاد ایلمکسزین بر مقدار اچقه نک مهر .
تسمیه سیله کندویه عقد ایدوب بعده اعتاق ایتسه اصول مشروعه
اوزره تجدید عقد ایلمکسزین عقد ماسبقه بنا ایدرک مزبوره ایله
معامله زوجیه بی اجرایه قادر اوله ماز ﴿ بهجة ﴾

برکیمسه ام ولدینی (۳) اعتاق ایتکسزین شهود محضرنده
آخره تزویج ایسه عقد جائز اولور ﴿ نتیجه ﴾

ذات حیض اولوب حامل اولمادینی حالدیه اعتاق اولنان ام ولد اوج
حیض گورمکسزین کندویی براره تزویج ایده مز ﴿ علی افندی ﴾

(۱) مستین الخلقه « جمیع اعضای کامل و متمین اولان » (۲) جنین
هنوز رحم مادرده بولنان چوجق

(۳) ام ولد « حملی ویا دوغردینی ولدی افندیستک بندندردیو اقرار
ایتدیکی جاریه دینورکه حکیده مدبره گبیدر فقط ام ولد جمیع مالدن
ومدبره نک مالدن آزاد اولور

برکیمسه جاریه مدبره سنی (۴) ویا ام ولدینی آزاد
ایلمکسزین کندوسنه عقد ایسه صحیح اولماز ﴿ علی افندی ﴾
زید . ام ولدینی آخره تزویج ایله کدن و نکاح تمام اولدقدن
صکره پشیان اولسه عقدی فسخ ایله مز ﴿ فیضیه ﴾
بررجل . محضر شهودده جاریه مندی کوله م زیده تزویج
ایلم دیسه نکاح . منعقد اولور ﴿ فیضیه ﴾

توشیحندن نقلاً نهرده بیان اولدینی اوزره حامل اولان
جاریه سنی ویا ام ولدینی افندیسی حانه بعد الوقوف ولدک کندوشندن
اولدینی قبل الاقرار آخره تزویج ایسه جائز و بوضو رتده
دلالة نسبی نفی . واقع اولور . اما حمله واقف اولمزدن اول تزویج
ایتسه نسبی نفی ایتش اولماز .

صغیره نک درجه ده مساوی ایکی ولیسی اولوبده بری بر بلده ده
ودیگری آخر بر شهرده صغیره بی بشقه بشقه آدمیره عقد ایتسه لر
هانکیستک اول عقد ایله یگی بیلمدیگی صورتده نکاحلرک
ایکسیده فسخ اولنور ﴿ ابن نجیم ﴾

مرأة کیره طرفندن رضاسیله پدری . ورجل جانبندن
آخری بالوکاله اصول مشروعه سی وجهله اجرای عقد ایسه لر
نکاح . تحقق ایلر .

(۴) مدبره « لغتده عاقبت امره نظر معنانه اولان تدبیردن مأخوذ
اوله رق (بن وفات ایله یکم وقت آزاد اول) کبی سوزلرله عتی افندیستک مونه
تلیق اولنان جاریه دینورکه بوجه اوزره تدبیر مطلق ایله تدبیر اولنان جاریه
حقتده بیع و هبه و رهن وارث مثللو معاملات تملکیه جریان ایده مز .
اما تدبیر مقیده یعنی (بو یولچیلنده ویا بو خسته لقندن وفات ایدر ایسه م
آزاد اول) گبی سوزلرایله وقوع بولان تدبیر . معاملات مذکوریه مانع
اوله ماز « کوله به مدبر دینیلور

بر کیمسه مرض موتنده ام ولدینی اعتاق و مهر مثلیه کندوسی تزوج ایتد کدن صکره فوت اولسه مزبوره ترکه متوفادن مهرینی و حصه ارثیه سنی آلور .

بر کیمسه مرض موتنده جاریه سنی اعتاق و مهر مثلیه کندویه نکاح و دخول ایتد کدن صکره فوت اولوب جاریه نك قیمته و مهر مزبورینه ثلث مال مساعد اولسه جاریه بلا سیایه (۱) آزاد اوله جفتدن نکاح . صحیح اولوب مزبوره ترکه دن حصه زوجیتی و مهرینی آلور ﴿ عبد الرحیم ملخصاً ﴾

افندی سنك اذنی اولقسزین کوله و جاریه نك نکاحی جائز اولماز . بونلر بلا اذن تزوج ایدر لر ایسه افندی یارینك اجازتنه موقوف قالور . اگر مجیز اولور ایسه عقد جائز و مجیز اولماز ایسه باطل اولور . اذن مولی ایله تزوج ایدن عبدك عقدی صحیح و زوجه سنك مهری رقبه سنده دین اولغله سیدی ویرمز ایسه عبد . مهر ایچون بیع اولور .

افندی سی جاریه سنی برینه تزوج ایلد کدن صکره کندی خدمتنده قوللانمیه رق زوجنك خانه سننده تخلیه ایتك لازم اولدیغندن مولاسی ایستر ایسه استخدام ایدر و وقت بولدجه انگله برلشمسی ایچون زوجنه امر ایلر .

سیدی جاریه سنی برینه نکاح ایدوب بعده آزاد ایسه معتقه یه خیار . ثابت اوله جفتدن زوجی حر و یا عبد اولسون مزبوره دیلر سه او نکاح اوزره دوام و ایستر ایسه فسخه قیام ایدر

(۱) سیمايت . کوله و یا جاریه کندی رقبه سنی تخلیص ایچون کسب ایتك معناسنه درکه اولصورته استسما اولنان کوله و جاریه نك مکلف اولدینی مبلغی حصوله کتورمك ایچون چالشمسیدر .

مکاتبه (۱) حقنده دخی معامله بویه در . اذن مولی اولقسزین تزوج ایلد کدن صکره اعتاق اولنان امه نك بعد الاذن نکاحی صحیح ایسه ده خیار . معتبر اولماز ﴿ قدوری . جوهره ملخصاً ﴾

بر کیمسه نامزدینه نشان . نامه بعض اشیا و یروب یدنده موجود ایکن تزوجدن فارغ اولسه و یردیگی شیلری استردادده قادر اولوزر . زیدك نامزدینه و یردیگی نشان . ضایع و نامزدیده فوت اولسه ترکه سنندن تضمین ایتدیره مز .

زوج و زوجه دن هربری آخره اشیا گوندروب بعده طلاق . واقع اولدقده زوج . ارسال ایلدیگی شیلری عاریت ایدی ادعاسیله گیرویه آلسه زوجہ دخی و یردیگی اشیا یی اخذ ایلمگه قادر اولور ﴿ بهجة ﴾

زوج . زوجه سنه گوندردیگی اثوابی بعد التطلیق مهری مقابلنده ایدی دیو دعوا و زوجہ دخی هبه ایلمشیددی دیهرک ادعا ایلیوبده مدعالرینه بینهلری اولسه سوز زوجك اولور . نامزد مدر دیو مرأه نکاحه جبر اولنه ماز .

نامزد اولغله احدها آخره وارث اوله ماز ﴿ نتیجه ﴾ نامزدی بولنان مرأه دن فراغت ایدن رجل . مزبوره نك قزینی و یا اوغلنك نامزدی اولان قادینی تزوج ایسه صحیح اولور . زید نامزدی اولان هنده قبل العقد قزقر نداشتم اول دید کدن صکره انگله تأهل ایتسه جائزدر ﴿ علی افندی . عبد الرحیم ﴾ بر کیمسه نك نامزدی اولان مرأه نفسی آخره تزوج ایسه .

(۱) مکاتبه . حالاً تصرفی و مستقبل رقبه سی جهتدن کندوسنه حریت و برلش اولان جاریه یه دینورکه عقد کتابتله تعین اولنان بدلی نه زمان تماماً تأدییه ایدر سه اولوقت بسبتون آزاد اولور . کوله یه مکاتب دینیلور .

نشان دیو ارسال ایلدیگی اشیا بی موجود اولدی بی حالد او کیسه
استرداده مقتدر اولور .

نکاحدن اول نکاحه مانع اولسون ایچون قزک اب وافر باسنه
ویردیگی نقد و اشیا بی زوج . گرویه اله بیلور .

زید . نامزدی هنده نشان نامه یله گوندردیگی اشیا بی گرویه
آلسه هندی دخی آنک مقابلی ارسال ایلمش اولدی بی شیاری موجود
ایسه استرداد ایار .

نامزدی بر دیگر بی تزوج ایلد کده نشان طریقیله احدها نک
آخره مقدا گوندردیگی اشیا تلف اولمش اولسه ضمان لازم
گلمز ﴿ عبدالرحیم ﴾

—•—•—•—

ایکینجی باب

محرماته دائر

نکاحک اسباب تحریمه سندن بری قرابتدر . ﴿ تنویر الابصار ﴾
در مختار ﴿

بناء علیه متزوجک یعنی زوج مراد ایدن ارکک و یا قادی نک
فروعی اولان قزلی و اولادینک قزلی و اصولی بولسان
باباری و آنالری و آنالری آنالری و ابوینک فرعلری و ارکک و قز
قرنداشلری نک قزلی و بونلرک قزلی و اجداد و جداتنک فروعی
اولان بر بطندن منفصله تیزه و خاله لری حرامدر ﴿ رد مختار ﴾

تفصیلاتی قریباً ذکر اولنه چی و جهله اسباب مبسوطه دن بریده
مصاهر تدر ﴿ تنویر ﴾ بوده مدخول بها اولان نساک اصول
و فروعی و رجالک اصول و فروعنک حلیله لری گبی ﴿ حللی و غیره ﴾

بریده استعید بالله ﴿ و امهاتکم الاتی ارضعنکم و اخواتکم

من الرضاعة ﴾ نص جایلی و ﴿ الرضاعة محرم ما محرم الولادة ﴾

حدیث شریفی ایجابجه نسب جهتنده کی حرمت مثلاً رضاع جهتندن
دخی اولان حرمتدر . بونک بعض مستثنیات اولدیغندن رضاع بختنده
اتیان اولنور ﴿ تنویر . طحطاوی ﴾

دیگری محارمدن اولان ایکی قزقرنداشک بی بی نکاحاً و یا مالک
یمین ایله و طناً و یا درتدن زیاده ده اجنبیات بینلری نکاحاً جمعدر
﴿ حاجی . ملتقی ﴾

بریده ملک درکه سیده نک مملوکنه و جاریه نک مالکنه نکاحی
و بر دیگر یدیه شرک درکه استعید بالله ﴿ و لاتنکحوا المشركات حتی

یؤمنن ﴾ نص جایلی اقتضاسی اوزره دین سماویسی اولیان و خالق

کونین و مافیهما اولان واجب الوجود حضرتلری منکر بولسان
دهریه و کوب و صنم و آتش پرست اولان صابیه و مجوسیه مثلاً

شرکه ایله مرته نک عقدی گبی ﴿ درر . حاجی . بحر . رد مختار ﴾
بری دخی طلاق رجعی و باینده حره نک عدتی ایچنده اولسه بیله

﴿ لاتنکح الامة علی الحره ﴾ حدیث شریفی دلالتیه حره

منکوحه اوزرینه جاریه بی نکاحاً ادخال و یا ایکیسی بردن عقده
واحد ایله عقد ایلکمدر که هرایکسیده غیر جائزدر .

شاید ایکیسی بردن بر عقد ایله تزوج ایدیلورسه بوصورته
حره نک نکاحی صحیح . و جاریه نک کی باطل اولور .

اما جاریه نک دیگر جاریه اوزرینه و یا عقده واحد ایله

ایکسنتک معاً نکاحی جائز در ۴ هندیه . درر . طحطاوی . مجمع
الانهر . ابوالسعود ۴

طلاق بایک و ثلاثه نکاحی ایچنده جاریه نکاحی عندالامامین
صحیح اولدینی گبی ۴ تَنْكَاحُ الْخُرَّةِ عَلَى الْأُمَّةِ ۴ حدیث
شریفی موجبجه حره نکاح جاریه اوزرینه نکاحاً تقدیم اولمسی
وحره ایله تأهله قدرت اولقله برابر امة مسامه وکتاییه نکاح
حره دن مقدم تزوج ایدلمسی دخی بالاتفاق تجویز اولمشدر
۴ درر . ماتقی ۴

برکیمسه تحت نکاحنده اولان حره اوزرینه امه بی تزوج
ایدوب بعده بونک عدم جوازینه عالم اولدقده حره بی تطایق
ایله جاریه نکاحی صحته منقلب اوله میه جفندن بعدانقضاء العدة
تجدید نکاحه لزوم و احتیاج اولدینی فتاوی فیضیه ده محرر درر .
طلاق ثلاثه ایله تطایق اولان و بشقه سنک منکوحه و یاخود
معتده سی مثللو نکاح و یا عدت سببیه غیرک حق تعاق ایلیانلر دخی
باب رجعتده بیان اولنه جنی اوزره محرمات محرره یه داخلدرلر
۴ درمختار . طحطاوی ۴

ذکر اولندینی و جهله رجل و مرأه دن تزوج قصد ایدن هر بر
مسلمه . عالی و یا سافل اولسونلر آنفاً تعداد اولنان اسول و فروعی
استعید بالله ۴ حُرْمَتُ عَلَیْکُمْ اَهْلَانُکُمْ وَ بَنَاتُکُمْ وَ اخْوَانُکُمْ وَ عَمَّاتُکُمْ
وَ خَالَاتُکُمْ وَ بَنَاتُ الْاَخِ وَ بَنَاتُ الْاُخْتِ ۴ الایة نظم جلیلی ایله
تحریم بیورلدی ۴ درمختار . طحطاوی ۴

کذا لا یوین و یا لاحدها ارکک قزندانک قزی و قز قزندانسی
وانک قزی و بابا و آناسنک قز قزندانلری که تیزه و خاله لری . گرک
نکاح گرک زنا جهتمدن بولسونلر . متزوجه حرام اولدی .

مثلاً برکیمسه نکاحاً قز قزندانک زنادن قزی و یا زناه
قز قزندانک نکاحدن قزی یاخود زنادن اولان قز قزندانک یسه
زنادن قزی اولسه و یا نکاحدن اولان باباسنک و یا آناسنک زنادن
قز قزندانلری و یا عکسی اولسه یاخود زنادن اولان باباسنک
و یا آناسنک یسه زنادن قز قزندانلری بولسه بوضور تلرک جهله سنده
نکاح اگا حرامدر ۴ طحطاوی . رد مختار ۴

ذکر اولنان آیت کریمه ده . جد و جدنه نکاح لا یوین و یا لاب
و یا لام اولان تیزه و خاله لری و اصول و فروعنک ماعداسی اولان
اقر با محرماته ادخال و استعید بالله ۴ وَاَحْلَ لَکُمْ مَا وَّرَاءَ ذَلِکُمْ ۴
الایة مضمون شریفیه متزوجک لام خاله سنک خاله سی و لاب
تیزه سنک تیزه سی . عموجه سنک و خاله سنک و دایی و تیزه سنک
قز لری کبی حلال قلندی ۴ درمختار . طحطاوی ۴

خاله خاله سنده الثیقین خاله والده طرفندن ایسه اوزاغی حرام
اولدینی کبی تیزه تیزه سنده الثیقین تیزه بابا طرفندن اولورسه انکده
اوزاغی حرام اولماز اما بابا خاله سیله آنا تیزه سی نقدر عالی کیتسه
حرام اولور ۴ رد مختار ۴

آنفاً ذکر اولندینی و جهله خاله اگر لا یوین یاخود لاب ایسه
او خاله نکاح خاله سی حرامدر چونکه خاله سی پدرینک لا یوین یا لاب
قز قزندانسی اولدینی حالده انک خاله سی پدرینک باباسی اولان
جدینک قز قزندانلر که بوده محرماتنددر .

لکن خاله لام ایسه اولوقت خاله سنک خاله سی حرام دگلدر
زیرا خاله نکاح والدی باباسنک آناسنک زوجی اوله یوره بوقدیرجه

لَا مَخَالَهَ نَكَاحِ خَالَهٖ سِوَا ابَا اَنَاسِنِكَ زَوْجِنِكَ هَمْشِيرَهٗ سِوَا اَوْلَادِیْغَنْدِنِ
اولی بالطریق حلالدر .

تیزه اگر لا بوین و یا لام ایسه او تیزه نك تیزه سی حرام اولوب
لاب اولدینی صورتده حلالدر چونکه ان یقین اولان تیزه سنك
آناسی متزوجك آناسنك باباسنك زوجہ سی اولوب آناسنك آناسی
اولدیغندن انك قز قزندانسی متزوجك آناسنك باباسنك زوجہ سنك
قز قزندانسی اوله یور بناء علیہ جدك زوجہ سنك قز قزندانسی
متزوجہ حرام اولماز طحطاوی

اوچنچی باب

حرمت مصاهره نك تفصیلاتی حاویدر

کشی به زوجة موطوءة سنك قزی و موطوءة اولمسه بیله
منکوحه سنك آناسی حرام اولدینی گبی آنا و بابا طرفندن اولان
جداتی ده مجرد عقد سببیه حرامدر .

کشینك جاریة مستفرشه سنك دخی قزی حلال دگادر
زیرا امهاتی وطی . بناتی و قز لری نکاح . آنالری تحریم ایتك
قاعده مقررہ شرعیہ سی حکم مزبوری انتاج ایله .

اما کندی جاریه سنك آناسی انجق جاریه بی وطی و دواعیسی
اولان بالشهوة مس و یا داخل فرجه نظر سببیه حرام اولور .

استعین بالله وَ رَبَّائِکُمُ الْاَلَا فِیْ حُجُورِکُمْ مِنْ نِسَائِکُمُ الْاَلَا فِیْ
دخاتم یهن الایة نص شریفی موجبجه ربیه و ربیب یعنی اوگی

قزی و اوگی اوغلنك قز لری دخی بالاجماع محرمانه داخل اولدیلر .

استعین بالله وَلَا تَنْکِحُوا مَا نَكَحَ آبَاؤُکُمْ مِنَ النِّسَاءِ

وَ حَالَائِلُ اَبْنَائِکُمُ الَّذِینَ مِنْ اَصْلَابِکُمْ آیتین جلیلتینی
اقتضاسجه متزوجك عالیا آباء و اجداد گبی اصلنك و نازلان ابناء ایله
ابناء اولاد گبی فرعنك زوجہ لریده کندوسسنه . دخول
وقوع بولسون و یا بولسون حرامدر .

آیت شریفه ده کی (اصلاب) ممنوع اولان تبی اعتبارینی
اسقاط ایچون اولوب یوقسه رضاعاً اوغلنك حرمنی احلاله محمول
دگادر در مختار . طحطاوی . رد مختار

نسباً و مصاهره تحریمی سبق ایدلر مثلاً و رضاعاً دخی متزوجك
اصول و فروعی و ابوینك فروعی و بونلرك فرعلری و اجداد
و جداتنك صابی فرعلری و زوجہ سنك فروع و اصولی و زوجنك
فروع و اصولی و اصول و فروعنك حلالی حرامدر . بونك
استثنالری باب رضاعده بیان اولنور .

بر کیمسه باباسنك جاریة موطوءة سی مالکاً اشترایتسه استمتاعی
کندوبه حرام و عکسی تقدیرده یعنی جاریه بی پدرینك وطی
ایلمدیگی معلوم اولدینی و یا شک ایلدیکی صورتده حلال اولور
زیرا عدم مجامعتی یقیناً بیلک نادر و متعسر اولغله علمدن مقصد
غلبه ظنه شامل اولان علم اولدیغنه و شک ایسه حل یقینی ازاله
ایتمه جگنه نظر آ صورت مذکورده ده وطنك حتی لازم کلور تنویر .
در مختار . طحطاوی . حای . رد مختار

زوجة موطوءة سنك قزی و منکوحه سنك آناسی صهریت
سببیه زوجہ حرام اولدینی گبی مزنیه سنك آناسی و لام و لاب
جده لریده مصاهره اعتباریه تحریم اولندی کما مر .

حرمت مصاهره زنا ایله دخی ثابتدر بناء علیه زانینک من نیهیه
و من نیهنک زانی به نسباً و رضاعاً دخی اصول و فروعلری حرامدر .
لفظ زنادن و طی حرام . مقصود اولمله بوده نکاح فاسد
و یا شرای فاسد ایله معقوده اولان زوجه و جاریه نك و مكاتبه
و امه مشرکه و مجوسیه نك و حیض و نفاس حالنده بولنان منكوحه
و جاریه نك و ظاهر (۱) ایندیگی زوجه سنك حرام اولان و طهارینه
و زوجك حال احرام و یا صیامده و قوعبولان و طی حرامنده
شاملدر .

ارکگی بالشهوة مس و یا ذکرینه نظر ایدن مرأه نك عالیا و سافلا
اصول و فروعی ارکگه و قادینی شهوتله مس و یا داخل فرجه ولو
جامدن یا خود ایچنده بولندینی صودن نظر ایدن رجلك كذلك
عالیا و سافلا اصول و فروعی قادینه حرامدر .
چونکه مس و نظر بالشهوة دواعی مجامعتدن اولدیغندن

(۱) ظاهر . زوج . منكوحه سنك كلاً وجودینی و یا اعضاسندن کلی
افاده ایدن رأس و رقبه و امثالی محارندن یا خود نصف و ثلثگی جزو شایمندن
برخی . نسب و رضاع جهندن کند و سنك مؤبداً محارمندن اولان مرأه نك
ظاهر . بطن . فخذگی زوج ایچون نظر ایتمك حرام بولنان برعضوینه تشبیه
ایلسکرکه اشپو تشبیه . منكوحه بی كلاً و یا جزو طلاقك مضاف اولدینی
شیئی تشبیه اولدیغندن حکمی . كفارت ایلیجهیه قدر زوجك حائز نکاح
اولان زوجه سندن استمتاعك حرمتی استلزام ایله .

مثلاً زوج . طرفندن منكوحه سنه خطاباً . سن بكا والده مك ظهري
گیسك دینك كله و یا . سنك رأسك بكا مادر مك فخذی گیدر دینك
كندن معبریه اولان عضوه یا خود نصفك و یا ثلثك بكا همشیره مك بطنی و یا
سنك ظاهر ك بكا تیره مك ظهري گیدر دینك دخی جزو شایمه دلالت ایله .
ظاهر ك ظهورنده استعید بالله وَالَّذِينَ يُظَاهِرُونَ مِن نِّسَائِهِمْ ثُمَّ

حرمت مصاهره بی ایجاب خصوصنده دخول گیدر ۛ من مس
امراً بالشهوة حرمت علیه امها و ابنتها ۛ و ۛ من نظر الى فرج
امراً لم یحل له امها و ابنتها ۛ حدیث شریفاری بونله دلیلدر .
مستریل (۱) اولان صاچك مادونی که جهت رأسه ملاصق
بولنان قسمیدر گر ك بونی گر ك وصول حرارتی مانع اوله میان حائلك
وجودی تقدیرنده بیله حلالی اولمیان نسانك اعضا و جوار حندن
برخی بالشهوة مس ایتمك و خلاصه نك تصحیحنه گوره شق فرجه
كذلك شهوتله نظر ایلمك دخی نبوت حرمت مصاهره بی موجب
اولان احوالندر .

شهوته اعتبار مس و نظر و قتنده اولوب اندن صکره پیدا اولان
شهوت . غیر معتبردر بوبابده شهوتك حدی آلتك تحرك و انتشاری
و یا اولجه واقع اولان حر ك تك مس و نظر سبیلله از دیایددر . و به یقنی .

يَعُوذُونَ لِمَا قَالُوا فَتَحْرِيرُ رَقَبَةٍ مِنْ قَبْلِ أَنْ يَتَمَاسَا ۖ آيَات حلیله سی اقتضا سنجه
كفارت واجب اولدیغندن قدرت وار ایسه عتق رقبه ایتمك و بوق ایسه
شهرین متابعین اورج طومق یا خود الشمس فقیری اطعام ایلمك صورتیه
كفارت اولنور و كفارت ایلیجه دكین ذكر اولندینی اوزره منكوحه سنه
وطی و بونك دواعیسی اولان مس و تقبیل معامله سی زوج اوزرینه حرام اولور .
اگر زوج قبل الكفارة و طی و دواعیسی معامله سنده بولنور ایسه
ذكر اولنان كفارتندن بشقه بر كفارت دها واجب اولیوب انجی جناب حقه
استغفار ایتمك ایجاب ایله . قبل الكفارة استمتاع و دواعیسنده بولندینی صورنده
سعید بی جبر ایکی . و امام نخعی اوج . كفارت اولنمی و زوج و زجه نك
حج ایلمی لازم اولدیغنی بیان ایدیورلر خلاصه عن درر . ملتی . مجمع الانهر
ظاهر ك وقوعنه سبب اولان تشبیهانندن بغایت توق و تحذر اولنمی
و كتب فقهیه ده ظاهر ك باب مخصوصی اولدیغندن تفصیلاننه اطلاع آرزو
اولندینی حالده بونله مراجعت ایلمی اخطار اولنور

(۱) مستریل . اشأنی صار قش اولان

فرجه نظارده تحرك آلتك عدم اشتراطی ده جوهره ده مفتی به
اوله رق کوسترلمسینه نظراً هرایکی قولك معتبر اولدینی اکلایله یور .
مس ویا نظارله حرمت مصاهره نك ثبوتی انزال واقع اولدینی
صورته اولوب اگر حین مس ویا نظارده انزال وقوع ولور ایسه
حرمت تحققی اتمیه چکنه دائر این کمال وغیر یاری طرفندن فتوی
ویرلمش وعدم انزالده مطلوب . مجامعت ووقوع انزالده مقصود
مجرد شهوت اولدینك تبیین ایلمسینی عات اوله رق حای و دیگر لری
بیان و اشارت ایلمش ایدر چونکه عدم انزال وطی مفضی اولوب
انزال ایسه جماعت مقصود اولدینغه دال اولغله حرمت ثابت اولمور .
انزال حرمتی موجب اولماز دیمکدن مقصد . ابتداء بالشهوة
مسده حقیقت مستور اولدینندن اشبو حقیقت تبیین ایدنجیه قدر
مسك حکمی موقوف اولغله انزالك وقوعیله مقصدك جماع اولموب
مجرد شهوت اولدینی تظاهری ایدر حرمتك ثابت اولماسیدر .
اما انزالك عدم وقوعنده بوجه محرر مقصودك وطی اولمسی
اکلایله حرمت ثبوت بوله یور بناء علیه بوبابده مس ایله
حرمت ثابت اولورده انزال ایله ساقط اولور معناسی مقصود
اولموب بلکه حقیقتك تظاهری مطلوبدر زیرا حرمت . مصاهره
ثابت اولدقن صکره اصلاً ساقط اولماز ﴿ رد مختار ﴾
امراهده و شیخ کیر و عنین (۱) و محبوبده (۲) شهوت .
تحركات قلبیه دن ویا انك تزایدندن عبارتدر .

(۱) عنین . بوراده مطلقاً جماعه مقتدر اولیان کیسه مقصوددر زیرا
عنین ایکی نوع اولوب بری باکره مقارنت ایده میوب ثیب ایله مجامعت ایدر
و دیگر ی هرایکیسینه جماعه قدر تیاب اوله ماز (۲) محبوب . ذکر ی
وخصتینی مقطوع اولان

خشای مشکلك نسایه تابع اولدینغی ابن عابدین بیل ایدیور .
اشتهاء حکمی تحتنده بولنان عجز بدلقایه وجه مشروح اوزره
وقوع بولان مس و نظر دخی مزبورده ولده محل اولغله امرأة
مشتهاء گئی حرمت مصاهره بی موجبدر .

آینه دن ویا ایچنده بولمدينی صودن انعکاس ایله داخل فرجی
کورینان قادینك اصول و فروعی ناظره حرام اولماز زیرا مرئی
اولان اصلی اولموب بلکه انعکاس صور تیله مثالیدر .

سن مشتهاء . بالاتفاق طقوز یاشی واندن یوقاریسی اولدینی
وینارین بوندن دون یاشده بولنان صغیره . غیر مشتهاء بولمدينی
جهتله انی مس ویا نظار یاخود وطی ایله انزال واقع اولسون
ویا اولسون حرمت مصاهره ثبوت بولماز .

ایمدی برر جل . مشتهاء اولیان صغیره بی تزوج و دخوله صکره
تطبیق ایدوبده عدتی بعد الانقضا مزبورده دیگراره وارسه اندن
حاصل اولان قزی اولکی اهلی اولان رجل مذکور تزوج ایتك
جائز . چونکه حرمت مصاهره نك شرطی اولان اشتها بی صغیره
غیر حائزدر . اما آنای مجرد عقد سببیه محرمه در .

شهوتله مس و نظارده عمد و نسیان واکراه و خطا و صاحب
سراجك بیاننه کوره نوم . حالاری بیننده برفرق یوقدر .

بناءً علی ذلك زوج . جماع قصدیله و زوجة سنی ایفاظ ایدیور
ظنیله خطاء ایله زوجة سنك مشتهاء اولان قزینی وینه او قصد ایله
زوجہ زوجی ظن ایدرک زوجنك مرهق او غانی وجود شهوتله
یاخود شهوتك ازدیادیه مس ایله ام . ابدأً زوجنه حرام اولور
در مختار . طحطاوی . رد مختار ﴿

داماد قائم والده سنی فم وذقن (۱) وخذ (۲) ورأس
و یا سایر اعضا سنک برندن تقبیل ایتسه عدم شهوت ثابت اولمدجه
زوجہ سی اکا حرام اولور . وهو الصحيح .

کذلک قائم والده دامادینی شهوتله مس و یا تقبیل اید و بده انزال
واقع اولسه کریمه سی دامادینه حرام اوله جنی بهجده محرر دره
اُمّ زوجہ نك محل معهودینی مسده وجود شهوت طبعی اولمقله
بوندن ماعدا اعضا سنک برینی زوج . مس ایلمکله حال شهوت
معلوم اولمدجه زوجہ سی حرام اولماز زیرا قبله (۳) ده اصل
اولان شهوت اولوب مسده ایتسه علم . کفایت ایدر .

معانقه و قرص (۴) وعض (۵) دخی شهوتسز اولدینی
بیانمدکجه مرأه اجنبیه ایچون بیله حرمت مصاهره ده تقبیل حکمی
حائز و وجود شهوت احد هادن یالکیز برنده بولمق کافیدر .

مسئله محرره ده مراهق و سکران . بالغ و صاچی گیدر
بناء علیه سرمست اولان بر کیمسه مشتہاء بولنان قزینی اویسه قزک
آناسی اکا حرام اوله جنی قنبه ده مسطور دره در مختار . طحطاوی .
رد مختار

زید اوغلنک مو طونه سی اولان جاریه بی شهوتله مس و یا تقبیل
ایلسه مزبورہ نك وطی هر ایکسینده مؤبداً حرام اولور .
زوج . زوجہ سنک مشتہاء بولنان سود قزینی کذلک
بالشهوة مس و یا بوس اید و بده انزال اولسه حرمت مصاهره
ثبوت بولور .

(۱) ذقن . چکمه (۲) خد . یناق (۳) قبله . او بک (۴) قرص
چمیدیکله مک (۵) عنس . ایصر مق

بر کیمسه حرمتک قزینک و یا اوغلنک مشتہاء اولان قزینی
شهوتله مس ایتسه کندوسینه حایله سنک حرمتی تحقق ایدر
بهجة الفتاوی

حرمت مصاهره ایله نکاح مرتفع اولوب یالکیز افساده منقاب
اوله جفندن متارکه دن و انقضای عدتن اول زوجہ نك آخر بریله
تزوجی جائز و حلال اولیه جنی گبی زوجہ بی زوجک وطی دخی
زنا اولماز بلکه شبهه ایله قریبان اولد یفندن حد . مندفع اولور
در مختار و غیره

پدری طرفندن فرج بنته شهوتله نظر وقوع بولسه و یا برشیدن
طولانی حاصل اولان خوف و فزعه مبنی مشتہاء بولنان قزی
بابا سنک فراشینه عریان اوله رق دخول و مس ایلمکله پدرنده
حرکت ظاهر اولسه بابا سنه قزک آناسی حرام اولور خانیه
بر کیمسه زوجہ سی دوشه گبی ظنیله قزینک فراشینه کیر و بده
بدننه طوقه قسزین دونوب چیقسه بومرتبه ایله قزک آناسی .
زوجہ حرام اولماز علی افندی

گرنک قادین گرنک ارکک طرفندن اولان تقبیلک شهوتله
وقوعی قادینک ادعای صورتنده زوج . انکار ایده جک اولورسه
ظاهر حال کندوسنی تکذیب ایتدکجه زوج تصدیق اولور
رد مختار

شهوتله اولان لمس و تقبیلده کی اقراره و یا نفس لمس و یا تقبیل
یا حود رجاک ذکرینه و مرأه نك فرجه بالشهوة وقوع بولان
نفس نظره و کذلک بونردده واقع اولان اقراره قول مختارده شهادت .
مقبوله در زیرا شهوت . آتی منتشر اولانلر حقلرنده معلوم اولوب
انتشاره مالک اولیان امرأه ایله عنین و محبوب و مرد سالخورده

مثلاً لورده ایسه (تلون سیم و ریشه اعضا گبی) بعض آثار و علائم
ایله فی الجملة اطلاع حاصل اوله بیلان حالاتنددر تنویر .
در مختار . طحطاوی

در دنجی باب

محارم یعنی جمع عدم جوازی تفصیلاتی مشتملدر

محرماتده اجمالاً ذکر اولندینی اوزره نکاحاً و عدهٔ نسب
ورضاع جهنندن محارم یعنی جمع . حرامدر . عدت هر قدر
طلاق بایندن اولور ایسه ده ینه حکم بر در .

عدت مذکور طلاق رجعیدن وام ولدك اعتناقدن (۱)
و نکاح فاسدك تفریقندن اولان عده ده شاملدر .

کذلک و طناً ملک یمین ایله هانکیسی مذکر فرض اولسه

دیگری ابدأ حلال اولیان ایکی قادین یعنی ایکی عمته (۲) و ایکی
خالته (۳) میانلرینی جمع . دخی حرامدر . بر مرأه ایله آنک عمته

ویا خالته سی و یا خود نسباً و رضاعاً آنا ایله قزی بینلرینی جمع گبی .
اشیو حکمک دایلی . صحیح مسلم و ابوداود و ترمذی و نسائی ده

روایت اولنان لا تُنْكَحُ الْمَرْأَةُ عَلَى عَمَّتِهَا وَلَا عَلَى خَالَاتِهَا وَلَا عَلَى

ابْنَةِ أَخِيهَا وَلَا عَلَى ابْنَةِ أَخِيهَا فَإِنَّكُمْ إِذَا فَعَلْتُمْ ذَلِكَ قَطَعْتُمْ أَرْحَامَكُمْ

حدیث شریفدر .

(۱) بواکی مسئله ده امامینک حضرت امامه مخالفتلری وارددر

(۲) یکدیگرینک والده سنی زوج ایتمش بولنان ایکی کیمسه نک صلبندن
کلان ایکی قز بررینک عمته سی اولور

(۳) احدیما آخرک قزینی زوج ایتمش بولنان ایکی کیمسه نک صلبی
قزلری بررینک خالته سی اولور در مختار

مثلاً ایکی رجلدن هر بری دیگرینک والده سنی زوج ایدوبده
برر قزلری وجوده کلسه بواکی قزک هر بری آخرک عمته سی .
یا خود ایکی کیمسه یکدیگرینک کریمه لرینی زوج ایلوبده هر برندن
برر بنت حاصل اولسه بونارک هر بری آخرینک خالته سی اولور لر
بناءً علیه مزبور تانک مابینی نکاحاً و عدهٔ و ملک یمینله و طناً
جمع ایدیله من .

لکن بر قادین ایله زوج سابقنک قزی بینلرینی جمع ایله
نکاح جائزدر .

چونکه زوج سابقنک قزی مذکر فرض اولوب مثلاً اوزو و جک

اوغلی اولسه مزبوره قادینی (باباسنک موطونه سی اولوب آنالهی
بولندیغندن) زوج ایدیله من

اتماً بالعکس قادین . مذکر فرض ایدلسه زوج سابقنک قزینی

(رجل اجنبینک قزی اولمش اوله جفندن) کندوسنه المغه
جواز وارددر .

یا خود بر امرأه ایله اوغانک زوجیه سی ایدلرینی جمع ایتمک

کذلک جائزدر زیرا امرأه مزبوره مذکر فرض اولسه

کندویه اوغانک زوجیه سی زوج حرام اولور ایسه ده لکن

اوغانک حریمی مذکر فرض ایدلسه کندوسنه اجنبیه اوله جفندن
زوجی مجازدر .

مقدماً جاریدنی بعده انک سیده سنی تزوجه بینلرینی جمع .

تجویر اولمش ایسه ده ایکیسی بر عقد ایله زوج ایدیلورسه جمع .

جائز اولیوب بلکه سابقده بیان اولندینی اوزره حره نکاحی

صحیح و امه نک کی باطل اولور . مکرکه هر بری بشقه بشقه

عقد ایدلمش اوله . لکن محرماتده ذکر ایدلدیکی وجهله سیده نک

نکاحی اگر مقدم واقع اولمش ایسه جاریه نك عقدی غیر صحیحدر
در مختار . طحطاوی

زوج . منکوحه سنك اوگی آناسنی زوجه سی اوزرینه زوج
ایدوب انكله جمع ایسه جائزدر .

كذلك زوجه نك متوفا بابا سنك ام ولدنی زوج . زوجه
اوزرینه زوج ایدرك كندوسيله جمع ایلمك صحیحدر .

دخول و خلوت وقوعندن اول تطایق اولنان مرأیه عدت .
لازم اولدیغندن طلاقدن برگون صکره مزبور نك قز قزنداننی
زوجه جواز وارددر ﴿ بهجة ﴾

زوج . زوجه سنك آناسنك قز قزنداننی نکاحاً زوجه سیله
جمع ایدمنز ﴿ ابن نجیم ﴾

برکیمسه حرمنك لآب ار قزنداننك لأم قز قزنداننی زوج
و حرمیله جمع ایدر ﴿ علی افندی ﴾

وطی اولنان جاریه نك قز قزنداننی نکاح صحیح ایله زوج
ایدیلوریه صحیحدر .

چونكه مزبوره جاریه نك وطی استخدام قیلندن اولق مناسبتیه
همشیره سی نکاح . اهلندن صادر و محلنده واقع اولمش اولو .

شوقدرکه احد هادن جاریه نك بیبی و عتی و هبه سی و کتابی
و وفاتی منللو اسباب تحریمه دن بری وقوعبولدجه منکوحه یه
واخت منکوحه نك طلاق و موتی واقع اولدجه جاریه یه وطی
حلال اولماز زیرا بونلردن برینه مجامعتك حلال اولمی آخرك
ایتماعی حرام اولمسینه متوقف وبوباید منکوحه هر نقدر
موطونه دكسه ده نکاح . وطی حکمنی جائزدر .

ابن كلك بیاننه گوره دواعی جماعدن اولان شهوتله لمس
ومس وقبله گی حالرك ملوکی حقننده اولجه وقوعی وطی .

حکمنی جائز اولدیغندن بوصورتنده جاریه . منکوحه نك و منکوحه .
جاریه نك حرمتنی مستلزمدر ﴿ در مختار . طحطاوی ﴾

شویله که برکیمسه جاریه سی تقییل و یا شهوتله لمس و یا لمس
ایدوبده بعده انك همشیره سی زوج ایسه انلردن بری ذکر
سبق ایدن اسباب تحریمه دن بریله حرام اولدجه ایکیسنگده
وطی حلال اولماز ﴿ رد مختار ﴾

برکیمسه ایکی قز قزنداننی یا خود هانکیسی مذکر فرض
اولسه دیگری آخرینه حلال اولیان ایکی قادینی برلکده عقد
واحد ایله نکاح ایسه و یا هر برینی بشقه بشقه عقد ایله زوج
ایدوبده هانکیسنك نکاحی اول اولدیغنی اونوتسه (۱) هر ایکی
صورتنده زوجك انلردن آیرلمسی لازم گلور .

اگر زوج . انلردن مفارقت ایتمز ایسه معلومی اولدقه
دفعاً للمعصیه بونلرك بینلری حاکم الشرع طرفندن تفریق ایدیلور
واشبو تفریق . زوج جانبندن وقوعبولان طلاق گی طلاق
صاییلور . حتی زوج . صکره دن انكله زوج ایلمش اولسه بیله
مزبور تاندن هر برینك طلاقندن بر طلقه تناقص ایدر .

نسیان مسئله سنده واقع اولان تفریقده اگر دخول وقوع
بولماش ایسه نصف مهر لازم گلور . چونکه بوباید سابقه نك
نکاحی صحیح و لاحق نك کی غیر صحیح اولوب نکاحی صحیح اولان
(۱) اگر اونونماش ایسه اولکیسی علی التبعین صحیح و ایکنجیسنك
عقدی باطل اوله جفندن ایکنجیسی تفریق اولنور و عقد باطله دخول . واقع
اولدجه مهر ترتب ایتمز ﴿ رد مختار ﴾

سابقه نك قبل الدخول مفارقتی ایجاب ایلسه ایکسینه بر نصف مهر ترتب ایدر و بو تفریق . مجرد وقوع جهله مبنی تعیین ایلمسی سبيله زوجهلرک . ایکسینه ده مهرک نصفی اقتضا ایلر .

اما عقد واحدله ایکسینک معاً تزوجی حالده نکاحلر باطل اولدیغندن تفریق . قبل الدخول ایسه اصلاً نه مهر ونه ده عدت لازم گلور . اگر تفریق . دخولدن صکره ایسه هر ایکسینه مهر مثلك ومهر مسمانک اقلی عائد . وانلره عدت لازم اولور .

برمهرک تنصیف ایلمسی . مثلاً هر برینک مهری بیکر غروش اولمق صورتنده نصفی اولان بش یوز ایکسینه منقسماً ویرلمسی گبی مهرلرک جنساً و قدراً متساوی بوللمسی و حین عقدده تسمیه ایدلمش اولمسی و فرقتک برمنوال مذکور دخولدن مقدم بوللمسی و هر ایکسینکده بلاینه کندوسنک نکاحی دیگرندن اول اولدیغنی ادعا ایلملری صورتنده در .

اما مزبور تان عقدلرینک هانکسی اول اولدیغنی تعیین ایده مدکلری صورتده . مقضی لهک جهالتی تحت قضایه مانع اولدیغندن . برشيله حکم اولنه ماز .

اگر یالکیز بری نکاحنک آخرندن سابق اولدیغنه دائر بینه اقامه ایلر ایسه انک نکاحی صحیح و دیگرینک کی باطل اولور . مهرلر . قدراً و جنساً مختلف و معلوم اولورسه . مثلاً حاجی نك بیانی وجهله قدراً برینک مهری بیک و دیگرینک ایکی بیک غروش سیم و جنساً برینک مهری بیک غروش فضه و آخرینک بیک غروش ذهب اچقه و یا قدراً و جنساً احدهانک مهری بیک غروش گموش و آخرینک ایکی بیک غروش التون اچقه اولسه هر برینه مهر معینک ربی عائد اولور .

مهرلری علی حدقه بعینهما معلوم اولماز ایسه اقل مسمینک نصفی مناصفة تقسیم اولور .

شویله که زوجهلردن برینک مهری بیک و دیگرینک الی یوز غروش اولوب فقط قنغیسنک بیک و هانکسینک الی یوز اولدیغنی بیلنمسه اقل مسمین اولان الی یوز غروشک نصفی بولنان اوج یوز غروش بالتنصیف هر برینه یوز الیشر غروش اوله رق اعطا ایدیلور که بوده اقل مسمینک ربی دیمک اولور .

مزبور تان دن هیچ بری ایچون تسمیه مهر اولنماش اولدیغنی تقدیرده ایکسینه برمتعه لازم گلور که کندولرینه نصف مهر بدله بر (درع و خمار و ملحفه) ویریلور .

اگر برینک تسمیه مهری بولانوبده دیگرینک بولنماز ایسه . تسمیه مهری بولنان امرأه مسمانک ربی و بولنمایان امرأه برمتعه نك نصفی لازم گلور .

فرقت دخولدن صکره وقوع بولمش ایسه دخول ایله مهر تقرر ایلمش اوله جغندن هر بری ایچون تام برر مهر مترتب اولور . ذکر اولنان مسئلهدن بروجه آتی درت صورت اشکل ایدر که بولارده مزبور تانک مسمانلری یا متحد و یا مختلف و هر ایکی صورتده مهر منلاری کذلک یا متحد یا خود مختلف اولمقدن عبارت اولوب مزبورهلردن برینک نکاحی ایسه صحیح و دیگرینک کی فاسد بولنمغله نکاحی صحیح اولانه مهر کامل و فاسد اولانه مهر مثل . لازم ایکن ذات صحیح ایله ذات فاسد مجهول اولدیغندن متیقن اولان مقدار صور اربعده بیلنلرندده تقسیم اولمقی ایجاب ایدر .

شویله که اگر مسمین ایله مهرین متحد اولورسه احد مسمین ایله احد مهرین . و یالکیز مسمین متحد بولورسه احد مسمین

ایله اقل مهرین . و كذلك یالکیز مسمین مختلف اولور سه اقل مسمین واحد مهرین . و اگر مسمین ایله مهرین مختلف بولور سه اقل مسمین ایله اقل مهرین . اعطا اولور یعنی بولردن هربری جمع ایله مناصفه تقسیم ایدیلور ﴿ ابن عابدین ﴾

اما بولردن یالکیز برینه دخول و قوعبولش ایسه مدخول بهایه مسمانک نصفایه مهر مثل و مسمان افانک نصفی واجب اولور . زیرا مدخول بها سابقه ایسه تمام مسمانی . متأخره ایسه مهر مثل ایله مسمانک اقای اله جفندن تقدم و تأخر . مجهول اولدینی ایچون هر برینک نصفی آلور .

مدخول بهانک غیری اولان امرأهیه مسمانک ربی لازم گوره چونکه سابقهیه کندی مسمانک نصفی و متأخرهیه اصلاً برشی واجب اولدیغندن نصف مهر . بالتصیف یالکیز ربی اعطافلور . مسئله مذکورده زوج . زوجتاندن هانکیسنک نکاحی سابق اولدینی بیلمیه رک دخول ایلدیگی اقرار ایلک شرطدره زیرا بیله رک داخل اولور سه مدخول بهانک تحت نکاحنه حکم اولور و تمام مهر لازم گلور و ارتق دیگرینک متأخره اولدینی ظاهر و بنساء عایه نکاحی باطل اولدینی بیله انگله بینلری تفریق ایدیلور و دخول واقع اولمش اولدجه نکاح باطله برشی ترتب ایتمز ﴿ در مختار . درر . طحطاوی . رد مختار ﴾

برکیمسه محل آخرده اولان زوجه سنی فوت اولدی ظنیله آنک قز قزنداشنی تزوج ایلدکن صکره زوجه صاغ اوله رق ظهور ایتسه نکاح ثانی فاسد اولغله زوجه ثانیه تفریق اولدقدده عدتی منقضیه اولنجیه قدر اسکی زوجه سنی وطی ایده میوب آنک عدتی منقضی اولدقدده تجدید عقد ایلکمکمزین زوجه اولی ایله معامله ازدواجیهده بولمق جائزدر ﴿ فتاوی فیضیه ﴾

محرماتده ماصفا ذکر اولدینی اوزره افندیسی جاریه سنی و کوله سیدد سنی قبل العتق نکاح ایتک . مملوکیت . مالکیت منافی اولدیغندن جائز اولماز . زیرا نکاحک مشروعیتی بین المتناکحین بعض منافع و ثمرات مشترکه ناک حصوله مبتدیر .

مثلاً زوجه نفسی تسلیم و اطاعت و وطنه تمکین و خانه سنده قرار و اقامت و غیریدن کندوی حفظ و صیانت و داخل بیتده اولان امور و خدماتی ایفا و رؤیت . زوجهیه . و نفقه . مسکن . کسوه . مهر . قسم (۱) گبی شیر زوجه واجب اولغله بولرک مالک ایله مملوک . میانلرنده حسن تیتری غیر قابل و خصوصاً سید ذاتاً جاریه سنک متعه سنه صاحب بولدیغندن نکاح . تحصیل حاصل اولور . بحر و غیرینک بیانه گوره بوبابده کی عدم جواز یعنی حرمت . سید ایچون مستلزم عقوبت دیمک اولمیوب بلکه ذمت سیدده مهرک نبوتی و بعدالاعتاق نکاحک بقای و طلاقک وقوعی و تسویه قسمک وجوبی و بلا دعوی ولدک کندوسندن ثبوت نسبی مثلاًو نکاحه ترتب ایدن شیرک سید اوزرینه مرتب اولماسندن عبارتدر مع مافیه جاریه دیو اشترا اولنان مرأه ناک حره و یا بری طرفندن معتقه بولمسی یا خود عتقیله اوزرینه یمین اولنوب خالفک حاث مقوله دن اولمسی گبی احتمالاته قارشو حرامدن اجتناباً احتیاط ایدرک مالک . مملوک سنی (درت منکوحه سی اولدینی حالده) نکاح ایلک احسندر .

(۱) قسم . متعدد زوجه سی اولنر مصاحبت و موانست ایچون یاننده کیجه له مکده زوجه لرینی هب برطونمق یعنی برینک یاننده دیگرندن زیاده قالامقدر . گرک بوقسم خصوصنده گرک ما کولات و ملبوساتده قاعده عدل و مساواته رعایت ایتک ارککه واجیدر . قادینک اسکسی ویکسی و گنجی و اختیاری بوبابده مساویدر . مجامعت خصوصی نشاطه عائد اولدیغندن انده مساوات لازم دگلدر

کتابیهی یعنی بر کتاب منزله و بر نبی مرسله ایمانی اولان
مرآه بی نکاح ایله تزوج ایتک تنزیهاً مکروه اولمقله برابر تجویز
اولمیش و بونک حریبه و ذمیبه و حره و امیه شمولی بولمیشدر.

حر ایچون حرائر و امه دن نهایت درده قدر صورت
مشروعده نکاح. و جواریدن اقتضای درجهده تسری
جائزدر.

مدبر و یامکاتب اولسون کوله بی نکاحک غیر بیسی ممتنع اولمقله
اصلاً یعنی مالکی اذن و یرسه بیله شرعاً تسری حلال دگلسهده
مولاسنک رخصتی اولمقسزین طلاقه مقتدر اولدیغندن افندیسنک
اذنیله حر و امه دن فقط ایکی به قدر نکاح. صلاحیتی واردر (آزاد
اولوبده زمره احراره داخل اولدقدن صکره عبدک حر. حقوقی
احراز ایلمسی طبعیدر)

امام اعظم و محمد حضر تدرنجه زنادن حاصل اولان مرآه نك
زانینک غیر بی به نکاحی صحیح ایسهده وضع حمل ایدنجیه دک وطی
و دواعیسی حرامدر (۱)

امازانی زنا و احبال (۲) ایلدیگی مزنیه سی نکاح ایتسه
وطی اتفاقاً حلال و ولد و نفقه کندویه عائد و لازم اولور.

زوج مشروعندن حامل بولنان قادینی زوجنک تطبیق و یا
وفاتی اوزرینه نکاحلامق جائز دکادر. زیرا حملک نسبی کنندی
پدرندن ثابت اولمشدر. پدر گرک حربی گرک قادینک افندیسی
اولسون. افندی. نسبی مقرایسه حمل. زنادن نشأت ایتماش دیمک
اولدیغندن قادینک وضعی وقوع بولمقله نکاحی صحیح اولماسز
در مختار. رد مختار. قدوری و غیرهم

(۱) زنادن اولان حملک کندوسندن برجناتی اولدیغنی ایچون
استقامتی تجویز اولقامشدر (۲) احبال. حامل ایتک

مبانه اولان دردنجی مطاقه نك عدتی ایچنده بشنجی اوله رق
برقادینک نکاحی صحیح اولماز.

مثلاً بر کیمسه نك درت حلیله سی اولوبده برینی طلاق باین ایله
تطبیق ایتسه (۱) مادام العدة خامسه بی عقد ایده من زیرا عدت
خروج ایتکسزین بشنجی بی نکاح ایتک زوجات خمس جمع دیمکدر.
کذلک تطبیق اولنسان مرآه نك عدتی ایچنده قز قزندانسی
تزوج جواز یوقدر.

اتما مرآه نك وفاتی حالده ایرتسی کونی بیله قز قزندانسی
تزوج جائزدر.

حامل ایکن اسیر ایدلمش اولان امه نك نسبی زوجندن
ثابت اولمقله وضع حمل ایلمدکجه نکاحی عندالامامین غیر صحیح اولوب
فقط امام اعظم حضر تدرنجه نکاحه جواز و ارایسهده حمله احتراماً
وطی حرامدر (کرک بومسئلهده کرک غیرک زناسندن حامل ایکن
تزوج اولنسان مرآه نك وطی حقنده کی) حرمت. ابو داود
و ترمذین روایت اولنسان $\text{لَا يَحِلُّ لِمَرْءٍ يُؤْمِنُ بِاللَّهِ}$
 $\text{وَالْيَوْمِ الْآخِرِ أَنْ يَسْقِيَ مَاءَهُ زَرْعَ غَيْرِهِ}$ حدیث شریفی ایله
مستدل و مثبتدر $\text{﴿ماتق.﴾$ مجمع الانهر و غیرها
زوجیله معاً دار حربدن سی اولنسان امه نك وطی مالکینه
غیر حلالدر.

کذلک برابرنده قزی اولدیغنی حالده دار حربدن سی ایدیلا
جاری به صاحب اولان کیمسه مزبور به مقارنت ایتدکن صکره
بونک قزیله استمتاع ایتک جائز دکادر ﴿عبدالرحیم﴾

(۱) طلاق. رجعی دخی اولسه حکم شرعی بینه بوبله ایسهده
اولوبته بناء سکوت اولمشدر

حاملت نسبی ثابت اولمش اولان حاملت حملی گرک نکاح صحیح
ویا فاسدن گرک شبهه ایله وطیدن اولسون نکاحی غیر صحیحدره
حاملت سیدندن اولدیغی ثبوت بولان جاریه حامله حقنده
دخی حکم بویله در .

یعنی سید . حاملت کندوسندن اولدیغی اقرار ایدوبده بعده
امه حامل ایکن آخره نکاح ایله افندیسنک فراشی هنوز باقی
اولدیغنه وایکی فراشی جمع ایسه صحیح اولدیغنه بناء نکاح . باطلدره
فراش اوچ نوع اولوب بری قوی . دیگرى وسط .
بریده ضعیفدر .

قوی اولان منکوحه نك فراشیدرک بلا اقرار ولدك نسبی
ثابت اوله رق . ولد . لعان دن (۱) بشقه بر شبله نفی اولماز .
وسط اولان ام ولدك فراشی اولوب بلا اقرار ولد . ثبوت
بولور ایسه ده ایکن مولاسی طرفدن چوجق بندن دگلدر
دینامکله بلا لعان ولد . نفی اولنور .

(۱) لعان . مفاعله بایندن مصدر اولوب افتده لعن یعنی رحمت الیه بدن
طرد وایجاد معنائندره شرعه . زنا فعل واهمتندن بریته وعقیفه اولان
منکوحه سنه زوجی طرفدن زنا اسناد ایدلکده درت دفعه یمین ایله مؤکد
وبشجیبی لعنته مقرون اوله رق نفسی اوزرینه شهادت الیکدره استعید بالله
والتین برمون ازواجهم ولم یکن لهم شهداء الا انفسهم فشهاده احدیهم
اربع شهادات بالله انه لمن الصادقین والخامسة ان لعنة الله علیه ان کان
من الکاذبین ویدروا عنها العذاب ان تشهد اربع شهادات بالله انه لمن الکاذبین
والخامسة ان غضب الله علیها ان کان من الصادقین آیت جلیله سی لعانک
دلیلدر . زوجک اسناد ایلدیکی زنادن طولابی زوجہ طرفدن زنادن
تبریة نفس ایچون نزد قاضیده دعوی ایدیلوبده زوج . عزو ایلدیکی زنایی

ضعیف اولان امه نك فراشیدرک بلا دعوة ولدك نسبی تحقق
ایتمز . مانقی . مجمع الانهر وغیرها
نکاحی بر شرطه (مثلا پدرم رضا ویررسه سنی تزوج ایتدم)
دیمک گبی وجودی متوقع اولان معدومه تعلیق . یاخود (باریسی
گون ویا یاریندن صگره کی گون سنی تزوج ایلدم) دیمک مثلاً
استقباله اضافه ایلمک صحیح اوله ماز .

اوزریمه نفقه لازم اولماق ویا بکا خدمت ایتک شرطیله
نکاحی قبول ایتدم دینلسه شرط . باطل اولور سه ده نکاح . باطل
اولماز .

بر رجل اوغلی ایچون برینک قزینه طالب اولسه ده قزک
پدری (سندن اول مزبوردهی فلانه تزویج ایتدم) دیسه و طالب
کندوسنی تکذیب ایلمسی اوزرینه پدر (اگر بن قزیمی فلانه
نکاح ایتدمسه سنک اوغله تزویج ایلدم) جوابی ویردکده رجل
بعدالقبول پدرک کذب تبیین ایسه تعلیق . موجود اولدیغنه منی
نکاح . منعقد اولور .

زوجہ حقنده درت شاهد اقامه سیله اثبات ایدمدهی تقدیرده زوج اوزرینه
لعان لازم کلور .

شویله که اول زوج . حضور حاکمه زوجہ سنی ارأه ایدرک درت دفعه
(أشهد بالله که بن بوقادین ایچون سولیدیگم زناده صادق) دیوب بشجیبسنده
(اگر کاذب ایسه جناب حقک لعنتی بنم اوزریمه اولسون) دیر واشبوعینلر
اونک حقنده حد قذف مقامنه قائم اولور .

شاید زوج . یمیندن استکاف ایله نفسی تکذیب ایدرسه کندوسنه
حد قذف اقامه اولنور .

زوج . یمیندن ایا ونکول ایتیبده برمنوال محرر لعانی اجرا ایلدیکی
صورتده لعان . ثانیاً زوجیه توجه ایدر .

مالك يمين ايله موطونه اولان مملوكك نكاحي صحيح اولديغندن زوجي عند الامامين استحباً با و زوجاً باستبراً ايلمز ايسه ده افنديسته . قبل التزويج قول صحيح اوزره استبرا واجبدر . امام محمد كوره ماء مالك ايله شغل . احتمالندن ناشي تنزه واستبرا زوجيه واجبدر . افنديستك عدم استبراسي زوجك معلومي اولديغي حالده اكا استبرانك استحباني و بلكه ده و جوني محل تردد دگلدر .

زنا ايله موطونه اولان مرأني عقد ايلمك صحيح واني بلا استبرا وطي جائزدر . استعيذ بالله ﴿ الزانية لا ينكحها الا زان او مشرك ﴾ نص شرايفي ﴿ فانكحوا ما طاب لكم ﴾ امر جابلي ايله منسو خدر ﴿ در مختار . طحطاوي . رد مختار ﴾

بوصورنده حاكم زوجه بيده كذلك يمينلر ايله مؤكده شهادتله چكدر كه وهر دفعه سنده زوجه اشارت ابتدريه رك دوت كره (اشهد بالله كه بو آدم بگا عزو ايلديكي زنا خصوصنده يلا نجيدير) ديدروب بشچيسته (اگر صادق ايسه اللهك غضبته اوغرايم) دير و بويمينلر زوجه ايچون حد زنا مقامنه قائم اولور و اراق جانب حاكمدن يمينلر تفريق ايديلور . لعانده زوجيتك قائم و نكاحك فاسد اوليوب صحيح اولسي و زوجانك مسلم اوزرينه شهادته اهل اولان حر . مسلم . عاقل . بالغ . ناطق . اولملري و قذفه محدود بولناملري شرطدره زيرا عبد . غير مسلم . مجنون . صغير . اخرس . و قذفه محدود اولنلر شهادته اهل اولدقلرندن بونلر حقتنده لعان جاري اولماز . لعانك حكمي طلقه بانه اولديغندن زوجيتك ميانلري طرف حاكمدن تفريق اولنلرندن اول بيله اولسه بعد التلاعن . وطي و امتناع و حق بونك دواعيسي دخی حرامدر .

لعان . زوجه عفيفه سنك ولدني زوج . كندوسندن نسباً نفى المسيله ده وقوعه كالوركه بوده زوجيني زنا ايله اتهام اولديغندن معامله عين شرط و حكمي حائردر ﴿ خلاصة عن در مختار . درر . ملتقى ﴾

لعانك تفصيلاتي حاوي كتب فقهيه ده باب مخصوص وارددر . زوجه سني (روسي) و ولدني (بيچ) و امثالي لفظلر ايله شتم ايلمكدن زوجك بفايت توقي المسى وجيبه دندر .

بر كيمسه بر قادينيه مثلاً (شو كوله كي بگا ويرمك شرطيله سني تزوج ايدرم) ديسه و مزبورده ده نكاح . قيديله قبول ايله شروط فاسده ايله نكاح . باطل اولديغندن مهر مثيله عقد . صحيح اولوب انحق شرط مذكور فاسد اولغله عيبدن طولاني برشي ترتب ايلمز ﴿ بهجة نقلاً عن الذخيرة ﴾

نكاح متعه و موقت . باطلدر ﴿ در مختار وغيره ﴾

نكاح متعه . بر قادينيه بر مال مقابلنده بش اون كون يا خود على الاطلاق سنكه تمتع اولهيم دينلوبده اوده راضيه اوله رق انكه بر مدت استمتاع اولنقدن و نكاح موقت . ايكي شاهدك حضوريله برخاتوني اون بش يكرمي كون ويا برماه ايچون موقتاً نكاح ايلمكدن عبارتدر كه هرايكيسيمده صحيح دگلدر .

بعض كتبنده نكاح متعه و موقت بينلرنده برفرق اولمديني كوسترلمش و بعضلريده خلافي ادعا ايلمش اولوب از جمله هدايه نك عباره سندن ايكي صورته فرق منقهم اولمشدر . شويلاه كه نكاح متعه ده جهت اشتقاقدن متعديه مشارك بر افظك وجودي و موقنده شاهدنيك شهودي و فقط تزوج يا خود نكاحك و مدت معينه نك ذكرى واقع و بنا برين مشابهت تامه توهمي مندفعدر ﴿ ملتقى . مجمع الانهر ﴾

زوجي ديار آخرده اولان زوجهيه بر رجل عادل كلوب (زوجك فوت اولدي يا خود سني تطايق ايلدي) ديو خبر و ير سه و مزبورده ده اينانسه بعد انقضاء العدة حضور حاكمه حاجت اولمقسزين نفسي ديگر براره تزويج ايدم بيلور .

زوجم فوت اولدي و يا بني تطايق ايلدي ديه رك كندوسي ديگر بر رجل ايله تأهل ايلمش و اندن چوجق طوغور مش اولان

خاتونك زوجي ظهور ايدوب يندلرني تفريق ايتديرسه بعد
انقضاء العدة تجديد نكاح ايتكميزين مزبوره ايله معامله زوجيه ي
اجرا ايدر ﴿علي افندي﴾ شو حاليده زوج ثابتنك عقدي
قاسد اولمقله ولدا كا عائد اولور .

زوج فوت اولدي ديو نفسي غيري براره تزويج ايدن
قادينك زوج غايي خبر الدقده بالوكاله مزبوره ي تفريق ايلمكه
ويا اسير اولان زيدك زوجيه سي كندوي آخره تزويج ايله زيد
مرفوم كلكده بالاصاله مزبوره ي كذلك آرمغه قادر اولورلر
﴿ابن نجيم﴾ علي افندي ﴿

زوج اولديني بيانميه رك تزويج ووطي اولسان مرأه نك
مؤخرأ زوجي ظهور ايله تفريق اولسدقده عدت لازم گور
﴿ابن نجيم﴾

زوج ثابتن حامل اولان قادينك زوج اولي ظهور ايدوبده
زوج ثابتن تفريق ايتديرسه قبل الوضع وطي ايدمه ﴿نتيجه﴾
صغيره نك حاكمدن بشقه ولسي اولمديني حاليده مهر مثليه
كفوينه تزويج ايلد كدن سكره ولسي ظهور ايتسه تفريق ايتديره مز
خلوت صحيجه بوانوب فقط وطي وقوع بولمقميزين بر مرأه
تطليق اولسه وعدم وطئه مزبوره ايله زوجي بيننده تصادق
واقع اولسه بعد العدة زوجة مطلقه نك ديكر زوجندن اولان
قزيني زوج سابقك زوج ايلمسي جائزدر ﴿ابن نجيم﴾

كتابي اولان زوج وزوجه شرف اسلام ايله مشرف اولسه لر
تجديد نكاح ايجاب ايتمز ﴿علي افندي﴾

زوجة كتابيه نك يالكر زوجي مسلم اولسه نكاحلري باقي
اولمقله كذلك تجديد لازم گلمز ﴿قدوري﴾

هند نصرانيه شرف اسلامه مشرفه اولدقدن سكره زوجي
زيد اسلام عرض اولندقده زيد برقاج كون اسلامه كليب بعده
حاكم هندی زيددن تفريق ايتمز دن مقدم زيد شرف اسلامه مشرف
اولسه حالازيد . تجديد نكاح ايتدن هند ايله ازدواج معامله منه
قادر اولوز ﴿عبدالرحيم﴾

بر مسلم . حرييه كتابيه ي دار حريده تزويج ايدوب ايكي سي
برلكنده دار اسلامه داخل اولسه لر تجديد عقده كذلك لزوم
اولماز ﴿بهجة﴾

زوجي اسلامه كلوبده تحت نكاحنده بولنان زوجة مجوسيه يه
اسلام عرض اولندقده قبول ايدر ايسه اولكي كبي حرمي اولوب
امتناع ايلر ايسه يينلري تفريق اولنور ﴿قدوري﴾

ذميه اولان زوج اسلامه كلوبده ذمي بولنان زوجي كندوي
ديننده قالسه اكا اسلام تكليف اولندقده قبول ايدر سه كالاول
زوجيه سي اولوب امتناع ايلر ايسه اره لري تفريق اولنور .

اشبو تفريق عند الامامين طلاق باين اولور وامام ابني يوسفه
كورده بغير طلاق . فرقت وقوع بولور ﴿قدوري﴾ جوهره ﴿
صورت محرره اوزره يينلرنده فرقت وقوع بولان مسامه
مهتديه نفسي برمسلمه تزويج ايتك ايتدكده عدت لازم گور
﴿عبدالرحيم﴾

برمسلمك زوجة مطلقه سي ويا كندوسنك فوتيله متروكه سي
اولان نصرانيه . انقضاء عدتن سكره ايتترسه كندوسني بر ذمي يه

تزويج ايدمه بيلور ﴿عبدالرحيم﴾ علي افندي ﴿

بر ذمي ايكي ذميه قزق رنداشي تزويج ايدوبده بعده اسلامه گلسه

وقتی که ایکی عقد ایله نکاح ایتمش ایسه امامین حضرت تارنجه اولکینک عقدی صحیح وایکنجینک باطل و امام محمد گوره ایکیسی بیننده خیار . واقعدر ﴿ بدایع ﴾

دار حربه مسلم اولان قادین اوج حیض گور مدیکه زوج حریسندن مفارق اولمش اولماز .

اگر اوج حیض گورر ایسه او حالد زوجندن مبانه و حیض گورر مقوله دن دگل ایسه اوج آی سرورنده مفارق اولور .
فرقتک اوج حیضه توقی مسئله سنده قادینک مدخول بها اولوب اولماسنک فرقی یوقدره . بو حیض عدت دیمک اولدینی ایچون بونده مدخول بها اولان ایله اولیان مساوی بولمق طبعیدر .

امراه نک مدخول بها اولوب اولماسنده شو فرق واردر که فرقت . قبل الدخول اولدیفنه نظراً اکا عدت لازم گلمیوب بعد الدخول اولدیفنه گوره دخی عندالامام ینه عدت اقتضا ایتمز . امامین عندنده فرقتک بعد الدخول اولسی صورتنده قادینه اوج حیض . عدت بکلمک لازم گلور .

امراه نک دار حربه اسلامی وقوعبولسی اوزرینه زوجندن هان مفارق اولیوب اوج حیض گورمک یاخود اوج آی بکلمک لازم اولسنک فائده سی شودر که زوجی دخی اومت ظرفنده مسلم اوله حق اولورسه نکاحاری صحیح و باقی اولور . بعده اوج حیضک گذرانیه حاصل اولان فرقت . عندالامامین طلاق ایسه ده امام ابی یوسفه گوره طلاق دگل . فسخر . اگر مسلم اولان زوج ایسه واقع اولان فرقت . فسخرن عبارتدر جوهره و غیرها ﴿

حربی اولان احد زوجین . دار حربه مسلم اولدینی حالد دار اسلامه واصل اولسه ینلرنده طلاق باین وقوعبولور . اگر بری اسیر اولسه ینه بینونت حصولبولور .

اما هرایکسیده اسیر اولسه لر اختلاف دین و دار . واقع اولدیفندن باین اولماز .

دیار اجنبیه دن اسلام مالکته هجرت ایدن امرأه بی مسلمک تزوج ایلمسی عندالامام جائز اولوب عدت لازم گلمز .

لکن مزبوره حامل ایسه وضع حمل ابدنجه قدر وطی اولماز . زوجیندن بری نعوذ بالله تعالی اسلامدن خروج ایله مرتد اولسه بلا طلاق میانه لرنده فرقت واقع اولور .

ارتداد ایدن زوج اولوبده خلوت صحیحه وقوعبولمش ایسه تمام مهر . و خلوت صحیحه اولماش ایسه نصف مهر . و زوجیه مرتده اولدیسسه قبل الدخول اولدینی تقدیرده مهر . ایجاب ایجاب بعد الدخول ایسه مهر تام لازم گلور . و هرایکسی برابر ارتداد ایلدکدن صکره اسلامه عودت ایسه لر نکاحاری باقی قالور .

زوج و زوجهدن بری اسلامه گوب دیگری ذمی قالدقده ولد صغیری وار ایسه ابونک خیرلوسنه تابع اولدیفندن مسلم صاییلور .

احد ابون کتانی و آخری مجوسی . ویاجوسی صکره دن کتانی اولسه ولد صغیری کتانی اولور .

احد زوجیندن بری دار اسلامده مسلم اولسه دار حربه بولنان ولدی مسلم عد اولماز ﴿ قدوری . جوهره ﴾

زوجده ثیابت و عمی و عقل زائل و اعاب سائل (۱) گبی

عیب ظهور ایتسه زوج ایچون خیاری تفریق یوقدر .
زوجده جنون . وجذام . (۲) و برص (۳) مثلاً و عیب
فاحش ظاهر اولسه امام اعظم و امام ابی یوسف حضرت تارنجه
زوجیه خیاری فرقت ثابت اولماز ایسه ده امام محمد عندنده
خیاری وارد .

زوج . عنین بولوبده جماعه غیره مقدر اولسه حاکم طرفندن
برسنه مهلت ویریور اگر بومدنده زوج منکوحه سی و طی
ایده یلورسه فیها وایده من ایسه زوج طلع ایله یکی حالده
بیناری تفریق ایدیلور .

صورت مذکوره ایله وقوع بولان فرقت . طلاق باین
اولدیفندن خلوت صحیحه واقع اولدیسسه زوج . تمام مهرینی
آلور و اوزرینه عدت لازم اولور .

زوج . محبوب اولوبده کذلک زوجیه سی ایسترایسه تأجیل
و تأخیر اولمق سزین میانه لرینی تفریق . و خصی (۴) اولدینی
صورتده عنین مثلاً برسنه تأجیل اولور .

جاریه نك زوجی عنین اولسه خیاری تفریق . امام ابی یوسف
عندنده افندیسنك و امام محمد نزدنده جاریه نك اولور . قدوری .
جوهره

برر جالك ایکیسیده باکر و یا نیت یا خود بری بکر و دیگری
نیت اوله رق ایکی زوجیه سی اولسه قسم خصوصنده نفقه و کسوه لرینی
عدل و مساوات اوزره ترتیب و اجرا ایلمك اگا واجیدر .
زوجیه نك بری حره و آخری جاریه اولورسه نفقه و البسه ده
حره یه ثلثان و جاریه یه ثلث تقسیم اولور .

(۲) جذام . مسکین علی (۳) برص . جلده عارض اولان لکه

(۴) خصی . طوانی

حال سفرده زوجه لر ایچون قسمده حق اولدیفندن زوج .
دیله یگی زوجه ایله مسافرت ایده یلور ایسه ده بینلرنده قرعه
اجرایسه قنغیسنه اصابت ایلر ایسه انگله برلکده سفرده بولمق
اولوتی حائز . و زوجتاندن بری ترك مساواته راضیه اولور ایسه
زوج . تسویه ایتمك و مؤخرأ زوجة راضیه تركندن رجوع
ایله ترك مساواتی مطالبه ایتمك جائیدر . قدوری

عدل و تسویه محرره مجامعده لازم دگلسه ده بیتوتنده الزم
و حره مؤمنه ایله حره کتابیه مساوی فی القسم در . جوهره

—x—

بشنجی باب

(ولایت دائردر)

ولی . لغتده محب و نصیر معناسنده . ارباب اصول دینك
عرفنده حق سبحانه و تعالی حضرت لرینی اسماء و صفات جلیله سیله
بقدر الامکان عارف و عالم و عبادات و طاعات الهیه یه مداوم
و معاصیدن مجتنب و محترز اولان و شهوات و لذات نفسانییه
منهمك اولمیان ذوات عالی همدرد .

اصطلاح شرعده مذهب اصح اوزره سی الاختیار و متهتك
(۱) ناموس و عار اولمیان فاسق دخی اولسه میرانه اهل اولان
بالغ عاقلدر .

فاسق متهتك . ولیسی اولدینی صغیره یی کفوینك غیریه
و یا نقصان مهر ایله برینه تزویج ایدرسه نافذ اولماز .

(۱) متهتك . ناموسی یا عمل اولمش اولان

صی و مجنون و معتوه و عبث و مذهب مختار اوزره مطاقا
(یعنی بابای صی ایچون وصی نصب ایتسون و یا ایتسون) و صینک
ولایتی ثابت دکلدر *

ولایتک معنای فقهیسی قبول ایتسون و یا ایتسون کلامی
غیر اوزرینه تنفیذدر *

امام سیدویه رحمة الله علیه • ولایت واولک فتحیه مصدر
و کسریله اسمدر دیدی جمعی اولیادر *

ولایت • قرابت (۱) و ملک (۲) و ولاء (۳) و امامت
(۴) ایله ثابت اولور *

نکاحده ولایت ایکی نوعدر بری بکر دخی اولسه بالغه مکلفه
اوزرینه مندوب و مستحب اولان ولایتدر که کندوسنی و قاحیه
یعنی حجابسنزلفه نسبتدن صیانة امر نکاحی و لیسنه تفویض ایلمکدر •
زیرا امام مسلم و ترمذی و نسائی و امام مالک حضرت ائمه
سائردهن متفقاروایت اولنان $\text{اَلَا يَمُحُّ اَحَقُّ بِنَفْسِهَا مِنْ وَاَيْهَا}$ •
حدیث شریفی یعنی بکر و یا ثیب اولسون زوجی اولیان امرأة بالغه
کندی نفسنه و لیسندن زیاده احقدر مال جلیلی اقتضاسنجه
مکلفه ولایت شرط اولیوب بلکه استحباب قیاندلدر *

شوحالده امام مسلم و ترمذی و سائردهن مروی اولان

(۱) قرابت • ده عصبات و ارحام دخی داخلدر (۲) ملک • سیدک
عبد و امه گئی ملکی حقنده اولان ولایتدر (۳) ولاء • ولایت عتاق
و مولی الموالاة دیمکدر (۴) امامت • جانب عالی خلافتدن منصوب و مأذون
اولان حاکم بالنبایة اجرای معامله ولایت ایدر •

$\text{اَيُّمَا امْرَأَةٍ نَكَحَتْ نَفْسَهَا بِغَيْرِ اِذْنٍ وَلِيِّهَا فَنِكَاحُهَا بَاطِلٌ فَكَأَحُهَا}$
باطل فَنِكَاحُهَا بَاطِلٌ • حدیث شریفی تزویجی اذن ولی به متوقف
بولنان کوله و جاریه و صغیره و معتوه نك عقدلریله کفوینک غیری به
اولان نکاحه و ابو داود و غیریدن نقل اولنان لَا نِكَاحَ
 اِلَّا بِوَلِيٍّ • حدیث شریفک حکمی نفی کماله محمول اولدیغندن
بین الاحادیث گورینان تعارض مندفع اولور و مع مافیه ذکر اولنان
حدیثین اخیرین ضعیف و یا حسن اولدقلرندن و حدیث اولک
سندی ایسه قوی اولقله برابر حکمتنده اتفاق بولندیغندن انلره
ترجیح اولنور • بحر • ابن عابدین • غیرها •

دیگری ولایت اجباردر که ثبیده اولسه صغیره و معتوه
و مرقوقه نك راضیه اولسه لر بیله نکاحلری تنفیذدن عبارتدر •
بناءً علیه ولایت • صغیر و صغیره و مجنون و مجنونه و رقیق
و رقیقه نك نکاحلری تحتک شرطی ایسه ده حدیث اول اقتضاسنجه
حرّة مکلفه نك صحت عقدی ایچون شرط دکلدر •

بو تقدیرجه مالنده بنفسه حق تصرفی اولانک نفسنده دخی
حق تصرفی اوله جفی قاعده سنه بناءً حرّة مکلفه نك نفاذ نکاحنده
رضای ولی غیر • شروطدر •

گرچه صی • مأذون دخی مالنده متصرف ایسه ده بونک
تصرفی کندی ولایتی حسیله اولیوب و لیسنک انضمام ولایتی ایله
اولدیغندن قاعده مذکورده نك بو کذا شمولی یوقدر •
بناءً علی هذا صیینک مالنده طوغریدن طوغری به کندینک

حق تصرفی اولاد بنی گبی نفسنده دخی حق تصرفی اوله میه جفتدن
انک نفاذ نکاحی رضای ولی به وابسته در .

محجوره اولان حره بالغه مانده تصرف ایده مامکله برابر
بغیر اذن ولی . نفسی تزویج ایده بیلور . زیرا امام اعظم حضرت تارنج
حر بالغ . حجر (۱) اولماز وعند الامامین حجر اولور .

بناء عایه امام مشار الیه عندنده حر بالغ محجور اوله مدیفتدن
مانده متصرف اولاد بنی گبی نفسنده دخی تصرفه مالک اولور که
قاعده محرره نک مفضا ایده بو اولوب امامینک قوی ایه
شوقاعده به مخالفدر .

اما امه ومدبره ومکاتبه وام ولدک عقدلری مطابقا اذن ولی به
محتاجدر .

عصبه بنفسه اولان ولی عمی زاده گبی غیر محرم اولسه بیله
قول اصح اوزره مرأه کفوینک غیری به نکاح اولندقدده حمل
ظاهر اولنجیه ویا ولد تولد ایدنجیه دگین سکوت ایدلماش ایه
ولینک اعتراضه یعنی قاضی به بالمراجعه مرافعه ایه نکاحی فسخه
صلاحیتی وارددر . لکن وقت ولادته قدر ولی سکوت ایتش
ایسه تفریق سببیه چوجفتک تربیه سنه خال وقوعیه ضیاعی
خوفدن ناشی اعتراض وفسخه صلاحیتی اوله ماز .

(۱) حجر . لغتده مظاننا منع مناسنه در . شرعه . قوی اولان
تصرفک نفاذ بنی منع ایلکدر . بیع وامثالی گبی تصرف قولینک اثری خارجده
موجود اولیوب بلکه براسدرکه شرع اگا اعتبار ایدر . قتل واتلاف گبی
جواز مدن صادر اولان تصرف فعلینک اثری خارجده موجود اولدیفندن
بوکا حجر جائز اولماز . بناء علیه بوراده مقصود اولان حجر قولیدر .

حجرک سبیلری صغر سن . جنت . رق یعنی مملوکی . در درز
درر ایه دیگر فقه کتابلرنده حجره متعلق تفصیلات مکمله وارددر .

بومثالو اولان فرقت . فسخ . درکه عدد طلاق تنقیص ایتز
وبعد الدخول ایسه مهر مسمی لازم گوب قبل الدخول ایسه
مهر نامنه برشی ایجاب ایلمز .

خلوت صحیحهدن صکره اولان فرقتده دخی حکم بویله
اولمقه برابر عدت لازم گلور ومرأه نفقه عدت آلور .
اعتراض . نکاحک تجدیدیه متجدد اولور .

شویله که مقدما کندوسنک اذنیله کفوینک غیری به تزویج
ایدیلوبده صکره دن تطایق اولنان مرأه ولینک رضایی اولمیه رق
دفعه ثانیه ده ینه زوج مذکوره نفسی تزویج ایسه اولکی رضانک
ایکنجی عقدده شمولی اوله میه جفتدن ولی تکرار ینلرینی تفریق
ایتدیره بیلور .

ابن عابدینده محرر اولدینی اوزره تجدید نکاح قیدینه
نظراً مرأه طلاق رجعی ایه تطایق ایدیلوبده عدتی ایچنده
مراجعت اولنسه تفریق ایتدیریلهمز .

ولایسی اولوبده قبل العقد رضایی اولدینی حالده نفسی
کفوینک غیری به تزویج ایلیان مرأه ولد گتورمش اولسه
وولی بعد العقد رضا کوسترسه بیله وقوع فساد وضرردن
احتراراً نکاحک عدم جوازی احتیاطه افریدر دینیه یور .

مع مافیه بعض مشایخ طرفدن صحت انعقاد ایله ده فتوی ویرلش
اولسنه گوره افتاده اختلاف واقع اولدینی اگلاشیلیور .

عدم جواز انعقاده گوره ولی نک معلومی اولان کفوینک
غیری به کندی رضایی اولمقسزین نکاح اولنان . مطاقه ثلاث .

زوج اوله حلال اوله میور . چونکه محلل غالباً کفو اوله ماز بناء
علیه مسئله مذکوره ده التزام دقت لازمدر .

ولی . زوجت عدم کفائتی بیلهرک ویا بیلمیه رک عقدہ راضی اولمازسه یاخود کفو اولوب اولمادیغنی بیلمیه رک راضی اولورسه حلال اولماز و اگر کفو اولمادیغنی بیلهرک نکاحه ارأئه روی رضا ایلمر ایسه حلال اولور .

اولیا . درجه ده مساوی اولور لر ایسه عقد دن مقدم ویا مؤخر ولیردن بعضنک رضاسی جمله سنک رضاسی گیرد زیر اولیرک هر برینه ولایت . کاملاً ثابت اولدیغدن وحق واحد . تجزی قبول ایده میه جکندن بری دیگرینک رضاسندن صکره تعرض ایلمیه من امان وقصاص ولایتی گبی (۱)

مسئله مذکورده بی ابن عابدین بوجه آتی توضیح وتصحیح ایلمشدر .

شویله که کفولک غیری به تحت انعقاد حقنده کی قوله ویا عدم تحت عقدہ دائر احتیاطاً مختار اولان دیگر قوله گوره اولسون قبل النکاح وقوعبولان رضا هر ایکینه شامل اولوب لکن بعدالعقد اولان رضایه کلنجه ذکر اولان قول اوله نظراً عقد صحیح وقول ثانی به گوره غیر صحیحدر .

اما ولیر درجه ده مساوی اولوبده بوناردن ابعدی راضی اولسه حق فسخ اقرینه عائد اولور تنویر . در مختار . طحطاوی . رد مختار . مرأه نک و لیس اولمادیغنی صورتده عقد گرک کفوینه گرک کفوینک غیری به اولسون نکاح اتفاقاً نافذدر .

(۱) ولایت امان . مثلاً بر مسلم بر حربی به امان ویرسه دیگر مسلم او حربی به ویا انک مائه تعرض ایلمه مامکدن وولایت قصاص . قصاص صاحبزندن بری عفو ایتمه آخری قصاص طلب ایده مامکدن عبارتدر .

کفو حقنده حق اعتراضی اولان عصبه بنفسه ولینک مرأه بی تجهیزی و مهرینک قبضی و نفقه و هدییه نک قبولی مثلاً و رضایه دلالت ایدن معامله لر ی اگر عدم کفائت . قاضی حضورنده قبل الخاصمة ثابت ایسه دلالة رضادر و غیر ثابت ایسه ولی ایچون نکاحه رضا دگلدر مرأه ولد کتور مدکجه ولینک سکوتی رضا اولمادیغنی گبی . اولیادن برینک زوجت کفائتی تصدیق ایلمسی کفائتی انکار ایدن دیگر ولیرک حق اعتراضی اسقاط ایتمز . بلوغه ولایت . منقطع اولدیغدن بکر بالغه نکاحه اجبار اولماز .

(بکر بالغه) تعیری نکاحه موطونه اولیان یعنی تزوج ایدوبده وطی وزوال بکارتدن اول مطلقه اولان امرأیه شامل وعدم جبرده حر بالغ و مکاتب و مکاتبه دخی داخلدر .

استحباباً و لیس ویا انک وکیل طرفندن بکر مزبورده دن قبل العقد استنار (۱) ویا برینه تزویج ایدیاوبده کندوسنه اخبار اولندقدده مومی الیها کندی اختیاریه رد ایلمکدن سکوت ویا استنار طرزنده اولیه رق فحک ویا تبسم یاخود بلا صوت . بکا ایلمسه بو حاللر اذن اولدیغنی هر نقدر مرأه بیلمز ایسه ده ولی . واحد اولدیغنی صورتده اذن و توکیلله دلالت ایدر .

استیذانکه ولی جانبندن امرأیه قبل العقد (سنی فلان رجل ایستیور نه امرک اولور) دینامسی سنه تویل اولور و بغير استنار تزویج . سنه مخالف بولمغله بعدالعقد حصول رضایه متوقف قالور .

(۱) استنار . امر ایسته مک

اگر وقوع استیذانده رد ایلسه و یا زوج ایسته مم دیسه
تزو یجیدن اول و یا صکره اولسون رد. صاییلور. وهو المختار.
فحک و گریه صورتلرنده رضایه و یارده دلالت ایدن قرینه لره
دقت و شاید بونلرک ایکیسنده احتمالی اولور و یا شک اولنور ایسه
احتیاطه رعایت لازم گور.

معراج و غیریده محرر اولدینی اوزره بکاء. صوت ایله اولور ایسه
اذن و یارده محمول اوله ماز ایسه ده بعد البکاء. مرأه صریحاً رضا
کوسترسه نکاح. انعقاد ایدر. بو حالده وقایه و ملتقی نك بلاصوت
بکاء اذن و بصوت رد. در قوللرنده نظر و ارایسه ده بلاصوت اولان
گریه اهلندن مفارقه حزن ایچون اولدیغندن اذنه و صوتله اولان
بکاء غالباً سخط و کراهتی مشعر اولدیغنه بناء رده دلالت ایده جگی
صحیح و فتواجه مختار بولنان قول اولمق اوزره بحرده بیان اولنمش
و بوده وقایه و ملتقی نك قولنه موافق بولنمشدر.

ولی. بکر بالغه بی کندی نفسنه تزویج ایتسه مزبور نك
بعد العقد سکوتی رد اولور.

مثلاً عمی اوغلی عمجه سنك بالغه اولان باکر قزندن اذن المیه رق
فضولی کندی نفسنه تزویج ایدوب بعده کند یسنه خبر و یرلد کده
قز سکوت ایلسه عم زاده نفسنده اصیل و بنت عم جانبدن فضولی اولغله
عقد تام. حاصل اوله میه جغه بناء امام اعظم و امام محمد حضر تلرنجه
قزك سکوتی رضا اولیوب رد. در.

اما قبل العقد ولی. مزبور بی کندی نفسی ایچون تزوجه
استیذان ایدوبده مزبور دخی سکوت ایدرسه بالاجماع جائز در.
ولی. معین و معلوم اولان بر کیمسه یه عقد ایچون امرأه بالغه دن

استیذان ایلد کده مومی الیه اید کدن صکره ولی یسه او کیمسه یه
تزو یج ایدوب بعده مومی الیه عقدی استماعده سکوت ایلسه رد اول
تزو یجیدن مقدم واقع اولوب تزویجیدن صکره کی سکوتی ایسه
اذن اولغله قول احده عقد مذکور صحیح اولور.

لکن ذخیره ده بیان اولدینی اوزره نکاحک اجرایی مرأه یه
تبلیغ اولدینی زمان (بن ایسته مم دیمش ایدم) دیوبده بشقه برشی
سویلمسه اولکی امتناعی اخبار ایتمش اوله جغندن عقد صحیح اوله ماز.
خبر عقدك مزبوره یه وصولنده رد ایدوبده صکره راضی
اولدم دیسه نفاذ تزویج. اجازه موقوف اولدینی حالده رد ایدم کله
باطل اوله جغندن عقد جائز اولماز.

بکر بالغه بی ولیسی اونك حضورنده تزویج و اوده سکوت ایتسه
زوج. مزبور نك معلومی اولدینی صورتده عقد صحیح اولور.
وهو القول الاصح.

اجنبیک و یا ولی. بعیدك استیذانی صورتنده قزك سکوتنه
اعتبار اولنمیوب ثیب بالغه ده اولدینی گبی قولاً و یا دلالة رضایی
لازمدر. چونکه ولی اقربك غیر یسنه گوره بکر بالغه نك ثیب
بالغه دن. سکوتدن ماعداده. فرقی اولمیوب هر ایکیسنك رضای کاه
بالصراحة و کاه بالدلالة اولور. بکر بالغه ده حیا غالب اولدینی ایچون
فضله اوله رق بونك سکوتی دخی دلالة رضا صاییلور.

مسئله. محرره ده مهر و نفقه نك طای و کندوسنك رضایله
زوجك زوجه ایله خلوتی و وطئده تمکینی و تهنیت و تبریکك قبولی
و سرور اوزره ضحکی و جهازینك بیت زوجه ارسالی مثلاً افعال.
رضایه دال اولور ایسه ده اولجه زوجك خدمتده بولمق و طعامی
یمك یا خود هدیه سنی قبول ایتك گبی شیلر رضایه دلالت ایتز.

با کرک سچرامق یا خود دم حیضی چوق گامک و یا موضع
عذره دن (۱) جراحت حاصل اولق و یا طول مدت بلا تزویج
مکت ایدرک کبر سنه وصول بولق سبیلرله جلدۀ بکارتی زائل
اولسه محبوب و عینک تفریقده و بعد الخلوۀ قبل الوطی و قوعبولان
طلاق و موتده اولدینی گبی حقیقه و حکماً ینه با کر در .

زوج . بکر بالغه یه . سکا نکاحک خبری واصل اولدقده
سکوت ایتدک دیوبده زوج . جواباً بن نکاحی رد ایتدم رضامه
دلالت ایدر برشی بولمیدی دیسه و سکوت ورد حقنده ینهلری
بولمسه و زوج . زوجیه رضاسیله دخول اتمامش اولسه قول
مفتی به اوزره یمینله سوز زوجۀ نک اولور .

صورت مذکورده زوج و زوجۀ نک ایکسیده اقامۀ ینه ایتسه لر
سکوت اوزره زائد اولان ردی اثبات ایلدیگنه مبنی زوجۀ نک
ینه سی قبوله ده اولی در .

لکن زوج . زوجۀ نک صراحة اذن و رضا و اجازتی اولدیغنه
دائر برهان اراهه ایدر سه انک ینه سی مرجح اولور در مختار .
طحطاوی . رد مختار و غیر هم

پدر . کریمه سی بالغه اولمیدی زعمیله برینه تزویج ایلدکده
قزک بن بالغه ایدم نکاح صحیح اولمیدی دیسی اوزرینه بابا و یا زوج .
هنوز صغیره در دیسه لر مزبوره نک طقوز یاشنده بولندیغنی ثابت
اولور سه قزک قولی تصدیق اولور . وهو الاصح .

بر بابا مراهق اوغلنک عقارینی بیع ایتدکده ابن . بن بالغم

(۱) عذره . فرج زنانه اولان لم زائد .

دیمسنه مقابل مشتری و پدر اکا صغیر در دیسه لر سوز ابنک
اولور . شوخالده بابا و اوغل ینه اقامه ایلسه لر قول اتحدۀ بلوغ .
ینه سی اولی کورینور .

اب وجدک غیری بر کیمسه نک نکاح ایلدیگی صغیره نک .
بن بالغه اولدیغمه نکاحی رد ایتدم قولی آنفاً ذکر اولنان قول
اصحک خلافت اولمغه زوج . زوجیه تکذیب ایلدکده اختلاف لری
زمان بلوغدن صکره اولور ایسه زوج . ملکنت زوالی انکار
ایتدیکندن ناشی سوز زوجک اولور .

اما حین بلوغده اولور سه مثلاً قاضی محضرنده بن شمیدی
بالغه اولدم و نکاحی فسخ ایلدم دیر سه حقیقه وقت بلوغی اولسه
بیله حقنی احیا ایچون ردی انشایه قادر اولدیغدن قول زوجیه
اعتبار اولنور .

ولی . صغیری ولو ثیب اولسون صغیره یی (معتوه و مجنون
مطابق حقنده اولدینی گبی) نکاحه اجبار ایدم بیلور .

ولی . سوء اختیار ایله مشتهر اولمیان اب و یا جد اولوبده
صغیره یی و یا صغیری کفوینک غیری یه تزویج ایلسه یا خود قز ایچون
مهر دن نقصان و اوغلان حقنده زیاده ایتک صورتیله غبن فاحش
ایقاع ایلمش اولسه بیله نکاح . نافذ اولوب کیمسه نک اجازته
موقوف اولماز .

مجنون و مجنونه نک اوغلی و صغیر و صغیره نک مولی سی طرفندن
وقوعبولان عقدده دخی بعد الصحة و الکبر . حکم ینه اولیله در
اتما ولی . مبالانسز و سوء اخلاق ایله مشتهر اولور ایسه ایتدیکی
نکاح بالاتفاق غیر صحیحدر .

مُزَوَّج. اب وجدك غيرى اولوبده صغير وصغيره يي كفوى اولميانه ويا مهرده غبن فاحش ايقاعيله عقد ايلسه. مزوج. ام ويا حاكم يا خود بابانك وكيلى اولسه دخى اصلاً يعنى گرك لزوماً گرك بعدالبوغ رضايه موقوفاً اولسون نکاح صحيح اولماز. لکن مهرده بحث اولنديغنه گوره اب. وكيانه مهرده غبن فاحش اولان مقدارى تعيين ايلرايسه عقد. صحيح اولور. (صدر الشريعه نك عقدك حتى وخيار بلوغه فسخك وجودى حقنده كى كلامى وهمه حمل اولنيور.)

غيرك ايلديگى نکاح. كفوينه ومهر مثيله اولورسه صحيح اولوب فقط صغير وصغيره وبونلره ماحق اولان معتوه ومعتوهه ومجنون ومجنونه گيلر ايچون هر نقدر بعدالدخول اولسه ده مومى اليهمك شفقتنده قصور اولديغندن بلوغه ويا بعدالبوغ نكاحه عامله بشرط القضا خيار فسخ واردر.

صغيردن مقدم صغيره بالغه اولسه صغيرك باباسى ويا وصيصى حضورنده فسخ نكاحه قضا شرط اولديغندن قاضى معرفتيله يئلري تفريق اولنه بيلور ايسه ده عدد طلاق تناقص ايتز (۱) بعدالبوغ صغير ويا صغيره فرقنى اختيار ايلدكلى حالده قاضى آره لرينى تفريق ايتيوبده بونلردن برى وفات ايلسه آخرى ميراث آلور وفوت قبل الدخول اولسه بيله موت. دخول گي اتمام مهرى مستلزم اولمغله مهرك كليسى لازم گلور وقاضى

(۱) فسخه عدد طلاق عدم تناقصى فرقت. قزطرقندن وقوعبولديغنه گوره در اما فرقته زوج جانندن سببيت ویرلمش ايسه بوفرقت. طلاق اولديغندن عدد نقصان. بولور.

يئلرينى تفريق ايلمديگى مدتيجه انلر ايچون مجامعت حلال اولور درمختار. طحطاوى. رد مختار. نکاحى فرق ايدن شيلرك برقسى فسخ وبرقسى طلاقدن عبارت اولمغله بيان اولنور

شويلاه كه تباین دارين يعنى زوجيندن برينك دار اسلامده وديگرينك دار حربده بولمى (۱) وبرمراه نك مهر مثلندن اقل ايله عقد ايدلمسندن ويا كفوينك غيريله تزويج اولمىسندن طولاي وليلرك يئلرينى تفريق ايلمى (۲) وفساد عقدكه جاريه نك حره اوزرينه نکاح يا خود بلاشهود تزوج ايدلمى وذكور وانا نك اصول وفروعنه حرمت مصاهره يي استلزام ايدن تقيلك وقوعبولمى وزوج حرينك شرف اسلامه شرف اولمى (۳) وضره كيره نك ضره صغيره يي مدت رضاعده ارضاع ايلمى (۴) وجاريه نك خيار عتقه وحره نك خيار بلوغه فرقتلر وزوج وزوجه دن برينك نمود بالله تعالى ارتداد

(۱) مثلاً زوجة. مسلمة ويا ذميه اوله رق دار حريدن چيقوب دار اسلامه هجرت ودخالت ايلسه دار حربده اولان زوجندن مبانه اولمغله استرايسه وحلى بوغيسه فى الحال نکاح اولنور.

(۲) مهر مثلندن اقل اولان عقددن ناشى وقوعبولان تفريق قبل الدخول ايسه مهر. لازم اوليوب بعدالدخول اولدينى صورتده مسمى الحجاب ايدر. (۳) اگر زوجة حريمه حيض كورمكده ايسه اوچ حيضدن. وحيض كورميور ايسه اوچ ماه صكره مبانه اولور. اما زوجة نك اسلامى طلاق صابيلور.

(۴) باب رضاعده بيان اولنه جنى اوزره بو حال آناسيله قزینك يئنى جمع دركه حرامدر.

ایتمی واحدها آخرک بعضنه مالک اولسی (۱) فرقت وینوتی
• موجب اسبابدن اولمغله نکاحی فسخ ایدن قسمدن عد اولمشدر •
جب (۲) وعتندن (۳) وایلاء (۴) ایله لعاندن

(۱) باب محرمانده ذکر اولندیغی وجهله سیدک امدی وسیده نک عبدی
تزوجی حرام اولدیغندن بعدالنکاح احدها آخرک ولو بر جزؤنه مالک اولسه
نکاح فاسد اولور مثلاً اجنبی برقادین برکولهیه واردقدن صکره زوجنک
نصفی ویا ربمی اشترایله عقد بوزیلور •

برکیمسه جاریه سنی برینه تزویج ایدوبده بده زوج • زوجه سنک بر جزؤنی
صانئون آله کذلک نکاح فاسد اولور لکن یالکز بومسئله ده احتیاطه بناء
نکاحک جوازی سیدک امدی تزویجی بختنده بیان اولمغله اورایه مراجعت
اولنه •

(۲) جب • ذکر وخصیتی مقطوع اولق (۳) عت • جماعه فادر اولامق

(۴) ایلاء • لغتده عین معناده • شرعه • معین و غیر معین
مدت ایچنده زوجه سنه قربانی یعنی جمعی ترک ایتک اوزره زوجنک عین بالله
ایلسیدر •

استعید بالله ﷻ لِلَّذِينَ يُؤْلُونَ مِنْ نِسَائِهِمْ تَرَبُّصُ أَرْبَعَةِ أَشْهُرٍ فَإِنْ فَاءُوا
فَإِنَّ اللَّهَ غَفُورٌ رَحِيمٌ وَإِنْ عَزَمُوا الطَّلَاقَ فَإِنَّ اللَّهَ سَمِيعٌ عَلِيمٌ آیت جلیله سی
ایلائک دلیلدر •

ایلائک اقل مدتی حره ایچون درت وجاریه حقتده ایکی ماه اولوب شهور
مذکوره دن دون بوانان مدت ایچون ایلا اولدیغی گبی اکثر اولان ایچونده
حد بوقدر •

مثلاً مسلم بالغ اولان زوج • حره منکوحه سنه (جناب حقه قسم
ایدرمه کن سکا درت آیی تقرب ایتیم) دهرک عین بالله ایدوبده مدت
مذکوره ایچنده بقین اولسه حانت اوله جفتدن کفارت واجب وایلا ساقط
اولور •

اگر مدت محرره ده تقرب ووطی ایتمزایسه مرأه طلقه واحده ایله مبانه
ومدتک مروربله عین ساقط اولور •

عین باللهدن غیر بر شیهه فرضاً طلاق ویا عتاقه ایلاء اولندیغی
صورنده جزا لازم گلور • مثلاً درت ماه ایچنده سکا قریب اولورسم

وفتح القدرده ذکر اولندیغی وجهله زوجه ذمیته نک اسلامی
قبولدن صکره زوج ذمینک اسلامیتدن امتناعندن واین عابدینک بیانیه
گوره بر مسامک تحت تزوجنده بولان کتابیه نک تمجس (۱)
ایلمسندن ناشی اولان فرقتار دخی طلاق قسمنه ادخال قلنه شد •
فرق مشروحه دن خیارعنق وملك بعض • وزوجین حر بییندن

برینک اسلامی و تقبیل وردة وایلاء و تباین دار وفساد عقد
صورتلرنده قضایه احتیاج یوغیسسه ده دیگرلرنده حکم قاضی
شرطدر • لهر •

اصل نکاحه عالمه اولوب عطاس (۲) وسعال (۳) منللو
برکونه عارضه ضروریه دن ناشی اولمهرق مجرد کندی اختیاریه
سکوت ایدن بکر بالغه نک خیاری باطل اولور •

صغیرک وحره ویا امه اولسون نیک خیاری بلوغلری صراحة
ویا تقبیل ولس گبی حاللر ایله • دلالة رضالری وقوع بولمدجه
یالکز سکوتله باطل اولماز •

نکاحده ولی • حریت و تکلیف و اسلام شرطیه تزوج •

س بندن بوش اوله سک • دینلویده بومدت ظرفنده تقرب ایدیورسه
طلاق درجاندن یعنی رجعی واین و طلاق ثلثه دن ها کیسی قصد اولمش ایسه
اونوع طلاق واقع وایلا ساقط اولور •

ذکر اولتان صورتلرله اولان ایلاء ایلائی موقت دینلور •
برده تعیین مدت ایدلیهرک ایلا اولنورکه بوکا ایلائی مؤبد • تعبیر
اولنور و بونده ایلا ساقط اولماز ایلاء دائر اولان احکام کتب فقهیه ده
باب مخصوصنده مفصلاً بیان بیورلمشدر • ملخص عن درر وملتی •

(۱) تمجس • صکره دن مجوسی اولق •

(۲) عطاس • اقصیرمق [۳] سعال • اوکسورمک

اراده ایدن مسامه بالغه و ولد مسلم حقنده ارث و حجب ترتیبی اوزره
انٹی توسط ایتمیان میتہ یعنی غیر مکلفہ نسباً متصل بولسان عصبہ
بنفسه اولوب بونک عصبہ سببیه اولان معتقیہ دخی شمولی واردہ
محیطہ ذکر اولندیغی اوزره مرأیه ولیلرک اقربى ابن
صگره ابن الابن در وان سفل . بعده بابا و صگره باباسنک باباسیدر
وان علا .

اگر مجنونہ نک اب و یا جدی ایله اوغلی اولسه ولایت . عند
الامامین اوغله و امام محمد گوره بابایه عائد اولور سده شرح طحاویده
دخی بیان ایدلدیگی وجهله بلا خلاف . وجود جواز ایچون
آبک اجرای ولایت ضمننده ابنه امر ایلمسی افضلدر .
باباسنک باباسندن یوقاری اولان اولیادن صگره ولی . اخ لابوین .
بعده اخ لاب . صگره ابن الاخ لابوین . دها صگره ابن الاخ لاب .
بعده عم لابوین . صگره عم لاب . بوندن صگره ابن العم لابوین
وابن العم لاب . در وان سفلوا .

بونلردن صگره ابک لابوین عمی . بعده ابک لاب عمی
اولوب دها صگره علی الترتیب اوغللریدر *

مذکور اتدن صگره جسدک لابوین عمی وجسدک لاب عمی
وکذلک بونلرک دخی ترتیب اوزره اولادیدر . بعده قادیسه
ابعد عصبات اولان عمک اوغلیدر ﴿ کذا فی تاتارخانیہ ﴾

بحر ده کوسترلدیگی اوزره مومی الیهمک هریری ایچون ولایت
اجبار اولدیغندن صغیر و صغیره نک حال صغرلرنده و مجنون
و مجنونہ نک حال کبرلرنده اجرای ولایت ایدرلر .

ولایت . اک صگره مولای عتاقه یه بعده مذکر و یا مؤنث
اولسون مولای عتاقه نک عصبه سنه تعلق ایلر .

(مجنونه نک باباسی حجب نقصانله کلدن سده حجب ایلدیگندن
ولایت نکاحده اوغلی . باباسی اوزرینه تقدیم اولندی) *

عصبه نسبیہ و سببیہ بولندیغی حالده ولایت . آنایه . صگره
بابانک آناسنه . بعده قزینه صگره اوغلانک قزینه . وقزینک قزینه .
واوغلانک اوغلانک قزینه . وقزینک قزینک قزینه . دها صگره
سافلا آخر فروعه و بعده جد فاسده قدر صره سیله انتقال ایدر .
ذکر اولنانلردن صگره ولایت تزویج . اخت لابوین و اخت

لاب . صگره مؤنث و مذکری مساوی اوله رق اولاد ام واندن
صگره بونلرک اولادی بعده ذوی الارحام یعنی عمات و اخوال
و خالات و بنات اعمام بونلردن صگره علی الترتیب انلرک اولادی
واک صگره مولی الموالاة ایچوندر (۱)

مذکور اتدن صگره نکاحده امر ولایت آنفا ذکر اولندیغی
اوزره طرف اشرف خلافت عظمادن مأذون اولان حاکمه تعلق
ایدر ﴿ در مختار . طحطاوی . درر . ماتقی . مجمع الانهر ﴾

وصی . وصی اولدیغی حالده مطلقاً یعنی باباسی کندوی تزویجه
وصیت ایتمسون و یا ایتمسون مذهب مختار اوزره صغیر و یا صغیره
اولان یتیمی انسکاحه صلاحیتی اولیوب فقط وصی . ولی قریب

(۱) مجهول النسب اولوب اصلاً وارثی اولمیان کیمسه نک اگر بندن
جنایت واقع اولورسه ارثی یعنی دینی سنک طرفندن تسویه اولنق اوزره
واقعه وارثم اول دیهرک مقاوله ایلدیگی شخصه مولی الموالاة دینیلورکه
اومقوله کیمسه نک ولایت تزویجی شخص مذکوره عائد اولور .

و یا حاکم اولوبده مرتبه ولایت کند و سینه منتهی اولور سه بالولایه
حق تزویجه مالک اولور .

و ایسی و حاکمی اولمیان محله بولنان صغیره نفسی مهر مثالیله
کفوی اولان بر رجله تزویج ایتسه عقد . موقوف اولوب بلوغندن
صکرة اجازتیله نافذ اولور .

درجه ده مساوی بولنان ایکی ولی . صغیر و یا صغیره بی نکاح
ایلسه لر عقدده سابق اولانی لاحقه تقدیم اولور . اگر سابق
ولاحق غیر معلوم و یا ایکی سنک عقدی معا بر ساعتده واقع ایتسه
ایکی سیده جائز اوله ماز .

مسافه قصر اولان یعنی مشی وسط ایله اون سکر ساعتدن
عبارت بولنان موقعده ولی اقر بک غیبوتیله ولی ابعده صغیر و یا
صغیره بی مهر مثالیله کفویته تزویجی تجویز اولمشدر بصورتده
ولایت نامه نك حصوله مبنی اقر بک عودتیله ابعده عقد سابق
باطل اولماز .

اما ولایته دها زیاده اهل اولان اقر ب . موجود ایکن ابعده
نکاح ایتسه اقر بک اجازتیه توقف ایدر .

ولی اقر بک مهر مثالیله کفویته تزویجیدن امتناعی وقوع بولسه
حاکم الشرع بالاجماع اجرای عقد ایلر . کذا فی الخلاصة تنویر .
در مختار . طحطاوی

باب التنجی باب ۴۵

(کفایت عقدده در)

کفایت . فتح کافی ایله برشیده مثل و مانند اولمق معناسنه در که
ممانت دیمکدر لفظ مذکور برشی دیگر برشینه مساوی اولدوقده
لسان عربده استعمال اولنان (کافاه) کله سندن مأخوذ اولوب
اصطلاح فقهاده اوصاف آتیه ده اولان مساوات و ممانت
مخصوصه دن عبارتدر .

کفایت . ابتدای عقدده نکاحک ظاهر روایت گوره لزومی
واحوط اولان روایت حسن اوزره سختی ایچون ارکک طرفندن
آرانوره زیر شریفه بولنان مرأدنی و وضع اولان رجله فرایش
اولمقندن امتناع ایده جکندن زوجین بیننده امر نکاحدن مقصود
اولان حسن امتزاج وانتظام معاشرتک تیسری متعذر اولور .
بناءً علیه زوج . مستقرش اولوب مفروش معناسنه اولان
فراشک دنائی کندویه ضرر ویرمیه جکندن عندالکل زوجیه
جانبندن ممانته اعتبار اولمندی کافی الخبازیه لکن ظهیریه
و محیط . نالو کتب فقهیه ده کفایتک عندالامام ارکک طرفنده
بولمسی و عندالامامین قادین جانبندن دخی اولمسی معتبر ایدوکی
بیان اولندی .

قبل العقد تحقیق کفایت حق یا لکز ولی به عائد اولمق اوزره
تنویرده کوسترلمش ایتسه ده ظهیریه دن نقلاً بحرده ذکر
اولندی بی اوزره کندونک کفوی اولوب اولمدیغنی صوروب
اراشدیرمق زوجیه نك دخی حقیدر .

چونکه زوج . نسبك خلافي اولان بشقه بر نسبه كندوسنی
نسبت ایدوبده بعدالعقد انك دونی ظاهر اوله رق كفواولمدینی
تبين ایسه حق فسخ . اولیاایله زوجہ ایچون ثابت اولور . امامتلی
اولدینی تعین ایدرسه حق فسخ یالکز زوجہیه تعاق ایلر .
اگر زوجك نسبی اخبار ایلدیگنك فوقسده ظهور ایدرسه
بو حالدہ بر قوله گوره هیچ بریسنك یعنی كرك اولیا كرك زوجہ نك
حق فسخلری یوغیسده دیگر قوله نظراً حق فسخ یالکز زوجہ نك
اولق لازم گیلور .

برقادرین حالی بیلمدیگی برار ککه واردقدن صکره بونك
کوله اولدینی ظاهر اولسه مزبورہ کفایتدن بحث وتحقیق ایلمدیگی
جهتله تقصیر کندی طرفندن وقوعبولدیغنه بناءً حق خیار اگا
عائد اولیوب بلکه ولیرینه تعلق ایدر .

اما ولیرلر عدم کفایتی بیلمدکاری حالده مرأه کیره بی رضایله
بررجله تزویج ایلسه لرده بعده معلوملری اولسه اولجه كفوی
اولوب اولمدینی تحقیقده واقع اولان قصورلرندن وقادینده ایسه
رضا بولندیغندن ناشی اولیانك وزوجہ نك هیچ بری ایچون
حق خیار اولماز . مگرکه حین عقدده مماثلت . شرط قلنمش
ویا زوجك زوجہیه كفواولدینی قبلالتزویج اخبار اولنمش اولوبده
مکافئت اولمدینی صکره دن تعین ایلیه .

کفایتده نسب . اسلام . حریت . دیانت . مال . صنعت .
جهتیرینه اعتبار اولندیغنه مبنی نسباً وضع اولان رجل . شریفه
بولنان امرأه نك مانندی صایلماز وبنفسه مسلم ویا معتق اولان
شخص . باباسی مسلم ویا حریا خود باباسی معتق و اناسی حره الاصل

بولنان خاتونه مثل اوله میه جنی گبی یالکز باباسی مسلم ویا حراولان
ارککده ابوینی مسلم ویا حراولان قادینك كفوی اوله ماز .
اسلام ویا حریتده یالکز اب وجدی اولان کیمسه . مسلم
وحر . متعدد آبا واجدادی اولان مرأهیه مثل اوله بیلور .
چونکه نسب . جدایله تمام اولدیغندن اوکیمسه اسلاماویا حریه
آباء کثیره سی اولان شخص گیلدر .

دیانة که زهد وصلاح جهتندن اولان اعتباره گوره قول
ظاهر اوزره كرك معان فسق اولسون كرك اولسون مرد فاسق .
زن صالحهیه كفواوله میه جنی مثلاً صالحك قزی فاسقه اولسه ده
پدرینك تأثیریه غالباً صلاحی اولق احتمالنه مبنی اگا رجل فاسقك
کفایتی اوله ماز .

مالجه اولان مماثلت . رجلك مهر معجل و نفقه شهریه
اقتداری بولمنسندن وصنعجه اولان کفایت دخی کشینك تجارة
ویا خدمه سالك اولدینی مسلك وطریقك بحسب المراتب . شرف
واعتبارجه ممکن اولدینی قدر یکدیگرینه تقرب ایلمسندن عبارتدره
کفایت . ابتدای عقدده معتبر اولدیغندن بعده زائل اولسه برشی
لازم گامز ﴿در مختار . طحطاوی . رد مختار و غیرهم﴾ (۱)

(۱) اكفاء وامثالک اصول وفروعنه دائر کتب فقهیه ده تفصیلات
وتمشیلات مکمله مندرج اولغله اطرافیه کسب معلومات ایدلک ایچون انلره
مراجعت اولنه

باب یدنجی باب

(مهره متعلقدر)

صداق . صدقه . اجر . نجاه . عطیه . عقر . فریضه . علائق .
جباء . دخی اسمی مهر دندر .

بعضایک تعریفه گوره مهر مرأه نك عقد نکاحی سبيله
مالاً مستحقه اولدینی شیک اسمیدر .

جوهره ده امام سرخسین نقلاً استیلاد بحثنده ذکر
اولدینی اوزره حراژده عقر . مهر مثل وجواریده باکر ایسه
قیمتک عشری وثیب ایسه عشر قیمتک نصفیدر .

لکن گرک عشر ویا نصف عشر اولسون گرک حره یاخود
جاریه بولسون حدیث آتی به بناء عقر مذکور اون درهمدن
اقل اولماق و بوندن نقصان اولور ایسه اکمال اولمق واجیدر .
جاریه نك مهر مثله بعضار جه مختار اولان حسن و جمال اولسنه گوره
بونك مثلی هر قاچه زوج اولور ایسه عقر اوله رقانی ویرماک لازمدر .
شرعاً مهرک اقلی . زکاتده اولدینی گبی (گرک مضروب

ویا غیر مضروب اولسون گرک زوجنه نك ویا غیرک ذمتنده دین
یاخود قیمتی وقت عقدده اون درهمه بالغ اولور عرض بولسون)
کوشدن هر درهمی اون درت قیراط اولمق اوزره یدی مقال
وزنده بولنان اون درهمدن عبارتدر . بوده امام بیهقی و غیر یارک
اون درهمدن اقل مهر اولدیغنه دائر روایت ایلدکاری لا مهر
اَقْلَ مِنْ عَشْرَةِ دَرَاهِمٍ حدیث شریفه مستند و اقل . روایتی
مهر معجله محمولدر .

زمان عقدده عرضک قیمتی اون درهم ایکن یوم تسلیمده
سکر درهمه تنزل ایلسه مرأه انی اخذ ایدر . اما بالعکس
حین نکاحده عرضک قیمتی سکر درهم ایکن وقت تسلیمده
اون درهمه ترقی ایلسه عرض مسای مذکور دن ماعد ایکی درهمدها
استیفا ایلر .

قادین قبل الوطی تطایق اولدینی و عرض مسعی هالاک و مستهلک
بولدینی حالده بونك قیمتی تضمینده اعتبار . یوم قبضده
اولان قیمتدر .

مثلا اون درهم قیمتنده اولان ثوب اوزرینه تزوج ایدیلوبده
زوجه بونی اخذ و قبض ایتدکن صکره ثوب مزبورک قیمتی
یکرمی درهمه ترقی ایلمش اولسنه و قبل الدخول طلاق واقع
اوله رق ثوب مذکورک تضمینی ایجاب ایلسه ثوب مزبور مستهلک
ایسه زوجه نك یوم قبضده کی قیمتی اولان اون درهمک و عرض
مسعی غیر مستهلک اولدینی صورتده ثوب مذکورک یوم طلاقده کی
قیمتک نصفی تضمین لازم گلور .

اگر زوج اون درهمی ویا دونی تسمیه ایدرسه مادون
عشره اولان تسمیه ده مهر مثل لازم گلمیه جگندن درهم مذکور
کاسد اولدیسه غیر مؤکد اوله رق اون درهم واجب اولور .
اگر کساد طاری اولدیسه بو حالده یوم کسادده کی قیمتی ویریلور .
مهرده ایکی حق بولنوب بری مهر مثله قدر عشره اوزرینه
زائد اولان حق مرأه و دیگری اون درهمدن عبارت بولنان
حق شرع اولدیغنه بناء مزبوره کندی حقی اسقاطله اون

درهمدن ناقص مهره راضیه اولسه بیله حق شرع باقی اولمغله
اون درهم وجوباً اکمال اولنور واون درهمدن زائد تسمیه
اولدینی صورتده عشره ایله تقدیر نقصان اولسون ایچون
اون درهمدن اکثری بالغاً مابلغ ایجاب ایدر .

وطی ویا خلوت صحیحه یاخود زوجیندن برینک وفاتنده
ویا بعد الدخول مرأه بائناً تطایق ایدلدکن صکره عدتی ایچنده
ایکن ثانیاً ینسه انکله تزوج ایتک ویا زوج . حجر . واصبع .
ومفتاح وسائر شیلر ایله زوجنهک بکرینی ازاله ایلک گبی
احوالک وقوعنده مهرک کلیسی لازم اولور .



طلاق بایندن صکره عدت ایچنده ایکنجی دفعه تزوجده
مهر ثانیکن تمامی خلوت ودخول وقوعبولقسزین واجب اولوب
بوده بحرک بیانی وجهله عدتک وجوبی خلوتک فوقنده
بولنمندن ناشیدر .

اما طلاق رجعیده تجدید نکاح ایتک ومهر اولک غیری
برشی فرض ایلک لازم گلمز .

بلا ضروریة حجر واصبع وامثالیله ازاله بکر تحریماً مکروه
اولوب لکن زوجک عجزندن ناشی اولورسه مکروه اولماز .

زوجک . بکارتی ازاله سی زوجینی دفع صورتیله اولورسه
قبل الوطی طلاق وقوعنده زوج نصف مهر ودفع . اجنبی
طرفندن واقع اولوبده تطایق دخولدن اول وقوعبولورسه
اجنبی اوزرینه مهر مثلك نصفی وزوج اوزرینه مهر مسمانک
نصفی وقبل الدخول زوج جانبندن تطایق اولمدینی تقدیرده
اجنبی به مهرک تمامی ترتب ایدر .

جامع فصولینده بیان اولدینی اوزره برجاریه دیگر برجاریه
ایله مدافعه ایدوبده بری آخرینک بکرینی ازاله ایلمش اولسه
مزایله به مهر مثل ایجاب ایلر .

استعین بالله  وَإِنْ طَلَّقْتُمُوهُنَّ مِنْ قَبْلِ أَنْ تَمْسُوهُنَّ وَقَدْ
فَرَضْتُمْ لَهُنَّ فَرِيضَةً فَنِصْفُ مَا فَرَضْتُمْ  آیت جلیله سی ایجابجه
وطی ویا خلوت صحیحه دن مقدم زوج طرفندن واقع اولان
جمیع فرقک جمله سنده مهر مسمانک نصفی واجب اولور . (۱)
بناءً علی هذا بر رجل برمرأه بی مهر اوله رق بش درهم
قیمتلو برشی اوزرینه نکاح ایسه مادون عشره تسمیه وقوعنده
اکمال عشره واجب اولدیغندن مزبوریه اول شینک نصفی ایله
نصف مهر اولان بشی اتمام ایچون ایکی بچق درهم دخی
لازم گلور اگر مهر مذکور مزبوریه تسلیم اولنماش ایسه
قضا ورضادن مجرد اولان طلاقله مهرک دیگر نصفی زوجک
ملکنه عودت ایدر وتسلیم اولنمش ایسه مهر اولان شینک
تمامندن زوجنهک ملکی باطل اولیوب بلکه جمله سنده تصرفی
نافذ اوله جفندن بویابده نصف مهرک زوجک ملکنه عودتی
قضا ورضایه توقف ایلر .

مهر اتخاذ اولنان عبدی عدم مالکیتی جهتیله وقوع طلاقدن
صکره قبل القضا والرضا زوج . کلاً ویا نصفاً آزاد ایسه
تفہید اولماز .

(۱) جمیع فرقت قیدینک زوجک قبل الدخول زوجنهک والده سنه
ویا دیگر زوجدن اولان کریمه سنه زنا ویا تعقیل یاخود معاقه مثللو افعالی
وقوعندن ویا کندوسنک ارندادی یوزندن حاصل اولان فرقته دخی
شمولی اولدینی قهستانیدن نقلاً ابن عابدین وطحطاوی بیان ایدیورلر .

حالبوکه زوجه نك ملى باقى اولديغندن قضا ورضادن اول
عبدك كلىسنه عتق وبيع وهبه جهتندن تصرفى نافذ و مهر ك
طلاقدن اول حادث اولان زياده متولده سى قبل القبض تنصيف
اولور سده بعد القبض تنصيف اولنه ميه جهتندن عبدك يوم قبضده
اولان اصل قيمتك نصفى مرأه . بلا زياده ضامن اولور . يعنى
قبضدن صكره حاصل اولان زياده زوجه ده قاور .

نهردن نقلاً حاجي ده ذكر اولندينى وجهله مهرده زياده
يا متصله متولده اولور . جاريه نك سحنى و جمالى و شجر ك اثمارى كى
ويا متولده اولماز . صبيغ نوب و بنای دار . گي . يا خود منفصله
متولده اولور . ولد و ثمر . ويا غير متولده اولور . آرش و كسب
وغله گي . بونلردن غير متولده نك ماعدا سى قبل القبض اولور سه
تنصيف اولنوب قبضدن صكره اولدينى صورتده اصلاً تنصيف اولماز
ابن عابدينده بيان اولندينى اوزره بعد القبض حاصل
اولان زياده مطلقاً زوجه يه تسليم اولنور . شوقدر كه زياده محرره
قبل الطلاق حادث اولمق لازمدره اما بعد الطلاق ولكن قبل القبض
حادث اولور ايسه اصلى گي تنصيف ايديلور . و اگر زياده
بعد القبض حادث اولمقسه برابر زوج ايچون نصفه قضا لاحق
اولدقن صكره ايسه كذلك تنصيف قنوره و قبل القضا اولدينى
حالده مهر زوجه نك يدنده عقد فاسد ايله مقبوض گيدر .

بحر ده كوسترليگي وجهله خيار عيب ده زياده متولده متصله
ويا زياده منفصله غير متولده رده مانعه اولماز ايسه ده متصله
غير متولده و منفصله متولده عيبه رده مانعدرلر .

بيع فاسدده متصله غير متولده دن ماعدا هر بر زياده استرداد

وفسخه مانع اوليوب هبه ده ايسه مطلقاً زياده منفصله نك
خلافه اوله رق زياده متصله متولده و غير متولده رجوعه مانعه دره .
نصبده مقصوبك عينى رده انجق كندودن مقصوبك فصلى
ممكن اولميان زياده متصله غير متولده مانع در

بر كيمسه محارمندن برينى مثلاً قزىنى ويا همشيره سنى بر رجله
و بوده قزىنى ويا همشيره سنى او كيمسه يه مهره بدل اوله رق
تزويج ايتك شرطيله معاوضه بالعقديندن عبارت اولان نكاح
شغاردده مهر مثل واجبدر .

(شغار) ذاتنده مهر اسميه سندن خالى اولان عقد اولدينى ايچون
كراهة منهى عنه ايسه ده طرفيندن هر برينه مهر مثلك تحقق
وجوبى سبيله شرط . باطل و عقد صحيح اولمقله شغار ك حكى
باقى قالمدى .

حره ويا امه يه مهر اوله رق حر اولان زوجك بر سنه خدمتى
مقاوله سيله ايديلان نكاحده اصل اولان زوجك فرع اولان
زوجه يه خدمتى حرام اولديغندن مهر مثل واجب اولدى . چونكه
اصل زوجيتك وضعى مرأه نك رجله خدمتى ايچون اولمسنه نظراً
بونده موضوعى قلب وارايسه ده عقد . صحيحدر . بوده مرأه نك
سيدينه ويا وليسنه زوج طرفندن خدمت ايدملك اوزره اولان
تزوجك و زوجك كوله ويا جاريه سنك يا خود افندي سنك اذنيه
غيرك عبيدك ويا كندى رضاسيله ديگر حر ك خدمتى اوزرينه
وقوعبولان عقدك صحى گيدر .

قرآن عظيم الشانى تعاليم شرطيله تزج دخى جائز اولمقله

مهر مثل الحجاب ایدر زیرا استعین بالله ﴿إِنْ تَبْتَغُوا بِأَمْوَالِكُمْ﴾
الآیه نص جلیلی نکاحی مال ایله طلبه دلالت ایلر .

سعد الساعدی . رضی الله عنه زوج ایتک استکارنده
رسول اکرم صلی الله تعالی علیه وسلم افندمن حضر تاری مشار الیه
﴿الْمَسْ وَلَوْ خَاتَمًا مِنْ حَدِيدٍ﴾ بیورملری اوزرینه التماس ایلمش
ایسه ده برشی بوله مدیغندن ﴿هَلْ مَعَكَ شَيْءٌ مِنَ الْقُرْآنِ﴾
استفسار عالیسنه جواباً شوو بوسورملر حفظنده اولدیغنی
بیان ایتمکله ﴿قَدْ مَلَكَتْ كَهَاتَا﴾ وعلی روایه ﴿أَنَّكَ حَتَّكَ﴾
و یا ﴿زَوْجُكَ بِمَا مَعَكَ مِنَ الْقُرْآنِ﴾ بیوردیلر بناء علیه
صورت مشروحه ده اولان تسمیه نك مفتی به بولسان متأخرین
قولی اوزره صحیحی لازم گلور .

حاجی نك بیاننه گوره تعالیم قرآنی مهر تسمیه ایدرك اولسان
زوج . مهری سکنای دار اولاق اوزره ایدیلاان زوج مانندیده
زوج کوله اولوبده حره اولان زوجهیه خدمت ایتمکه
افندیسی طرفندن مآذون اولورسه زوجهیه اولان خدمتی مولاسنه
خدمت گبی اوله جفی مثللو حر بولنان زوجك زوجهسنه حرام اولان
خدمتک مثلی دخی اولدیغنه و بونده موضوعی قلبدخی بولمادیغنه بناء
عبد . مآذونیتی وجهله ایفای خدمت ایدر .

بر مسلم جاریه سنی کندوسی زوج ایلک اوزره آزاد ایلسه
عند الامامین مهر . مالدن الحجاب ایدوب عتی ایسه مالدن
معدود اولدیغنی و جاریه نك عتی صداقی اولاق اوزره تسمیه

باطل اولدیغنی جهنله مهر مثل واجب وامام ابی یوسفه گوره
جاریه نك عتی کندوسی صداقی اولغله مهر مثل غیر لازمدر .
جاریه معنقه کندوسی اعتاق ایدن افندیسنه زوجدن ابایدورسه
مولاسی جاریه نك آزادی مقابلنده منفعتی شرط ایلدیگندن
مزبورده کندی قیمتی افندیسنه ادا ایلک بالا جماع الحجاب ایدر .
چونکه منفعت . فوت اولدیغنه و جاریه ایسه عتی ایله حر اولوب
نکاحه جبر اولنه میه جفنه مبنی قیمتی اعطا ایتک جاریهیه ترتب ایلر .
مهری بیاندن سکوت اولنه رق تسمیه صحیحه وقوع بولمیان
ویا مهری نفی ایله ایدیلاان نکاحده زوج . حقیقه و طی یا خود
خلوت صحیحه ایله حکماً و طی ایتمش و یا زوجیندن بری وفات
ایلمش اولوبده میانلرنده بعدالقد مهره صالح برشی اوزرینه
تراضی واقع اولمالمش ایسه مهر مثل و بینلرنده مال مقوم عداولنان
برشیته رضالری لاحق اولمش ایسه اول شی واجب اولور
و بومقوله نکاحده قبل الدخول طلاق وقوع بولورسه درع و خمار
و ماحفه دن عبارت اولان منعه لازم گلور .

امر نکاحی ولیسنه تفویض ایدوبده ولیسی طرفندن بلامهر
برینه تزویج ایدلمش اولان مرأه قبل الوطی تطبیق اولندیغنی صورتده
بروجه بحرر درع . خمار . ماحفه دن عبارت بولنان منعه واجب اولوب
فقط بونلرک قیمت مجموعهی مهر مثلك نصفنی تجاوز ایلمز و نصف
مهر شرعی اولان بش درهم کوش قیمتندنده دون اولماز اشبو منعه
نفقه مثلاً و زوج ایله زوجه نك حالرینه نظراً اعتبار اولور و به یغنی .
عقدی ولیسنه تفویض ایدن قادینک ماعداسنده منعه
مستحب اولوب لکن مهری تسمیه اولمش و قبل الوطی تطبیق

قائمش اولان امرأه ایچون مستحب دگلدر چونکه گرك مهر
تسمیه اولسون ویا اولسون متعه . موطونه تعاق ایدر .

صورت محرر دهه طلاقات . درت نوعه انقسام ایدوب بری جماع
وکندی ایچون مهر تسمیه اولنمیان . طاقه اولوب بوکامته واجبدر .

دیگری قربت وقوعبولوب یالکز مهر . تسمیه ایدیلا
مرأه درکه بوکا متعه نه واجب ونه دهه مستحبدر .

بریده مقارنت واقع اولوب مهر تسمیه اولنمیان وبری دخی
وطی ومهر . تسمیه اولنان مطلقه لر اولوب بوناره متعه . مستحبدر .

والحاصل مجامعت وقوعبولورسه تسمیه مهر اولسون ویا
اولسون استحباب متعه . متحقق اولور درمخار . طحطاوی .

رد مختار . ملتی . مجمع الانهر . درردن خلاصه

مهر . تسمیه اولنمیه رق وقوعبولان عقددن بگره زوجینک رضا

ویاحاکمک تضایله مفروض اولان مهر مثل . یاخود مسمانک اوزرینه
ایدیلا زیاد قبل الدخول واقع اولان طلاقده تنصیف اولنماز .

بناءً علی هذا مجلسده زیاده بی مرأه نک وصغیره ایسه
ولیسنک قبوللری ومقدارینه وقوف ومعرفتلی وقول ظاهر

اوزره زوجیتک بقای شرطلریله زیاده واقعه زوج اوزرینه
واجب اولور . کذا فی النهر . زیرا استعیند بالله

ما فرضتم نص جلیلی نفس عقدده تقدیر اولنان مهره خاص
اولا بختدن صورت اولیده یعنی بعدالعقد ایدیلا تسمیه ده متعه

وصورت ثانیه ده یعنی مهر مسمی اوزرینه بعدالعقد زیاده ایدلده
اصل مهر مسمانک نصفی ایجاب ایلر .

کافیده ذکر اولندی اوزره مثلاً برکیمسه برقادینی سراً

بیك غروش بعده علانیة ایکی بیك غروش مهر ایله تزوج ایسه
امام ابی یوسفه گوره عقد ثانی لغو اولدیغندن اصل مهر اولان
بیك غروش وامام اعظم حضر تارنجیه هر تقدیر عقد ثانی لغو ایسه ده
انك ضمنتده بولنان زیاده الغا اولنه میه جفتدن قول ظاهره نظراً
ایکی بیك غروش لازم گلور .

ایکنجی عقدك هزل اولدیغنه زوجان . شهادت ایلدکاری صورتده

بیك وشهادت ایتدکاری تقدیرده ایکی بیك غروش ایجاب ایده جگی
وبوحالده یالکز زوج . عقد ثانیك هزل اولدیغنی ادعا ایسه

بلا ییسه قبول وتصدیق اولنمیه جنی فتحده وبرر جل حرمك
نکاحنی مهر تسمیه یله تجدید ایلدکده مقصدی زیاده ایتک ایسه

مهر ثانی لازم گلوب فقط مقصدی زیاده اولیوبده احتیاطدن
عبارت اولدیغنی حالده مهر ثانی اقتضا ایتیه جکی قیه ده محرردر .

زوجه مهرینی زوجنه هبه ایلدکدن صکره زوج شوقدر
مهر اقرار ایتسه زوج قبول ایلدیگی صورتده صحیح اوله جنی

ومهرده زیاده یه حمل اولنه جنی خانیه ده مذکور ایسه ده زیاده یه
زوجنه نک قصدی واقع اولدقجه عدم صحتی قول اشبه اوله رق

بزازیه ده مسطوردر .

بحرك بیاننه گوره مقداری مسكوكات اوزرینه تسمیه اولنان
مهرك كلنی ویا بعضی زوجنه کندی رضایله زوجدن حط واسقاط

ایله زوج قبول ایتسون ویا ایتسون صحیح اولور .

اما کلیم وقالیچه وامثالی اعیان ایله تقدیر ایدیلا مهردن
حط یعنی نقصان ایتک غیر صحیح اولدیغنی گبی زوجنه نک طوع

ورضاسی اولیه رقی مجرد زوجت ابرام و تضییقی ایله کرها
وقوعبولان تنقیص و یا اسقاط مهر دخی بویه در .

زوج ایله زوجتک حساً و طبعاً و شرعاً مانع اولیه رقی
وقوعبولان خلوتلری و طی . حکمنی حائز در .

مانع شرعی . فرض و یا نافله اوله رقی ایدی لان حیج و عمره نک
احرامی . مانع حسی . حس وجدانله فتور و کسل و قوعی و یا
ضرر جهتیه جماعه مانع اولان احدیهانک مرضی . مانع طبعی .
ثالث عاقلک نزد زوجینده وجودی گیدر .

ثالث عاقلک وجودی خلوتک عدم تحقیقی مستلزم اولدیغندن
مانع طبعی اولیوب بلکه مانع حسی اولسی اسرار نام کتابده
و شخص ثالث حضورنده قربان . حرام اولغله مانع شرعی
عد ایدلسی بدائنده و حیض و نفاسک مانع طبعی اولدیغنی ملقاده
بیان اولمسنه نظراً مانع طبعی ایچون مستقل مثال در میان اولنه میور .
رَاقٍ (۱) قَرْنٍ (۲) عَقْلٍ (۳) صَغَرٍ (۴) موانع حسیه دندر .

تیقظ و تنومدن خالی اولدیغیچون نائم و حس ایده جکی
سببیه اعمی اولسه بیله عاقل ثالثک عند زوجینده وجودی مانع
خلوت عد اولنان شیردن اولوب مگر که ازدواج . معامله سندن

(۱) رَاقٍ . مرأه نک مخرج بشری بحامته قابل اولیه جق درجه ده
بیشک اولوبده برآلت واسطه سیله خرق و شقه محتاج بولمق .

(۲) قَرْنٍ . موضع مذکورده غده غلیظه یعنی قتی بز و یا ات یا خود
کیک حاصل اولمق .

(۳) عَقْلٍ . قبل مرأه دن ادره و ورم گبی برشی خروج ایتک .

(۴) صَغَرٍ . زوج و یا زوجة جماعه قدرت و طاقتی اولیه جق مرتبه ده

کوچک اولمق .

تعبیر و بیان قادر اولیان صغیر لایمقل و یا مجنون و یا مغمی علیه
بولنه . لکن صغیر لایمقل و مجنون و مغمی علیه و قول احدیه
اعمی ایله برابر خلوتک کیجده و قوعی حالنده سختی و کوندزده
عدم سختی بزازیده محرر در .

مسجد و طریق و اوزرلرینه مقبول اولیان حمام و مرور ناسدن
امین اولنمیان صحرا و جوانبده ستره بولنمیان سطح و اذنسز دخوله
مساعده اولان قیوسی آچیق منزل گبی محللارده لیلاً و یا نهاراً
زوجینک وقوعبولان اجتماعی خلوت صحیحه عد اولنماز .

افسادنده کفارت اولیان تطوع و نذر و کفارت و قضا
صوملری خلوتک سختیه مانع دگلر در . بوندن مستفاد اولور که
رمضانده صائم اولان کیمسه اوروجی اونوده رقی اکل و بعده
امساک ایدوب زوجة سیله خلوت ایلسه قول احدیه خلوت . صحیح
اوله جتی گبی نه رک بیانیه گوره هر بر کفارتی اسقاط ایدن ناسیاً
شرب و جماع و نهاراً صومه نیت دخی خلوتک سختیه مانع دگلسه ده
انجق افسادنده مع القضا کفارت لازم اولان اداء صوم رمضان ایله
یا لکتر صلات مفروضه . موانع سخت خلوتدندر .

خلوت صحیحه نسبت نبوتی و مهر مسمانک و یا بلا تسبیحه
اولان مهر منک تأکیدی و نفقه و سکنا و عدتک و جوبی
و زوجة مطاقه نک عدتی ایچنده قز قزنداشنک و زوجات اربعه
منکوحه دن بشقه بشنجی برقادینک و حره اوزرینه جاریه نک
نکاحلری حرمتی و عند الاحباب زوجة موطونه نک حیض حالنده
طلاق بدعت و طهر . زماننده بلاوطی . احسن اولغله زوجک

بوجهته مراعاتی و قول مختار اوزره بعد الخلوۃ باینآ بر طلاقه
تطایقندن صکره عدت ایچنده دیگر بر طلاق باینک وقوعی مثللو
احکامده زوج . محبوب و عین و خصی و قبل الخلوۃ رجولیتی
و نکاحه اهلیتی ظاهر اولان ختی اولسه دخی و طی . حکمنده در .
خنتانک حالی معلوم دگلسه نکاحی موقوفدر .

احکام مشروحه نك ماعداسی اولان غُسل و احصان و حرمت
بنات و مطلقه ثلاثه ایچون احلال و میراث و رجعت و عقد موقوفده
اجازت مثللو شیرده یالکیز خلوت . و طی . حکمی حائز دگلدر .
چونکه و طیده غُسل ایجاب ایدر ایسه ده مجرد خلوتله
اغتسال لازم گلمز .

خلوت صحیحه وقوعندن صکره زوج . مرأه اجنبیه ایله
زنا ایدوبده حقنده شرط احصان اولان جماع . معامله سی ثابت
اوله میان کیمسه به حد رجم ترتب ایتمز .

تقییل و یامس بالشهوهدن مجرد اوله رق خلوت وقوعیله برابر
قبل الوطی تطایق ایدیلاان قادینک دیگر ارککدن اولان قزی
مطلقه حرام اولماز .

طلاق ثلاثه ایله مطلقه اولان زوجه $\text{حَتَّى تَذُوقَ عَسِيلَتَهُ}$
و یَذُوقَ عَسِيلَتَكَ $\text{حَدِيثُ شَرِيفٍ مَوْجِبُهُ مُحَالِلُ اَوْلَانِ زَوْجِ}$
آخرك بلامجامعت وقوعبولان خلوت مجرد سسیله زوج اوله
حلال اوله ماز .

طلاق صریحندن صکره یالکیز خلوت . مراجعت . عد
اولماز (۱) .

بعد الخلوۃ طلاق باین ایله تطایق اولنان مرأه نك عدت خلوتده
زوجی وفات ایسه حق وراثتی اولماز .

عقد موقوف . اجازتنده خلوت . و طی کبی صایلماز .
زوجان یشنده افتراق حاصل اولوبده زوجه . فرقت . بعد الدخول
و زوج . قبل الدخول وقوعبولدی دیسه لر مرقوم هر نقدر دخولی
اقرار ایتماش ایسه ده مزبوره نصف مهرک سقوطنی انکار ایلدیگی
جهتله قول . زوجه نك اولور .

زوجه . خلوتده زوجه عدم تمکین ارأه سیله تسلیم اولماز ایسه
باکر اولدیغنی حالده خلوت صحیحه عد اولنور و نيب ایسه
خلوت اولماز .

بزازیده بیان اولدیغنی اوزره برکیمسه مدخول بهاسی اولمیان
خاتوننه سنگله خلوت اولور ایسه م سن بندن طالقسک دیمش ایکن
متعاقباً انگله خلوت صحیحه ده بولنسه شرط بولمغله و عندالفقها
خلوت صحیحه دن صکره واقع اولان طلاق . باین اولمغله مومی ایها
میسانه اولوب نصف مهر لازم گلور . زیرا مهرک کالی زوجک
حساً و شرعاً قربانه متمکن و مقتدر اولسیله در . بناءً علیه بونک
عدم حصولنده مختار اولان قوله گوره مرأه ایچون نفقه و مهر تام
وسکنا و کسوه و میراث مترتب اولماز

(۱) رجعتده ایکی صورت اولوب بری خلوتک مراجعت عد اولنماسی
ودیگری بعد الخلوۃ و بریلان طلاق صریح . باین اوله جنی جهتله انك عدتنده
زوج ایچون رجعت صلاحیت بولنماسیدرکه و طی هر ایکسندن خلوتک
خلافه مایسدور .

برقادرین بیک غروشدن عبارت اولان مهرینی قبض و زوجنه
هبه ایدوبده خلوت و قربانیدن مقدم تطلیق اولسه عقدده نفوذ
آمین ایتدیکندن زوج . مهرک نصفیه زوجیه رجوع ایدر حتی
نکاحده دراهمه اشارت اولنش اولسه بیله زوج . دراهم
مشار الیهایی آلیقویوب جنساً ونوعاً وقدرأ وصفه اونک مثانی
اعطا ایلر . صورت مبدوطهده برشی هبه ایتماش ایسه زوج
مقبوضنی امساک و غیرینی دفع ایللمگه قادره اولور و بونک کلیسندن
زکات و یریلور ﴿نهر﴾

مهری مرأه اصلاً قبض ایتدیگی و یا نصفی قبض ایدوبده
صورت اولی به گوه تمامی و صورت ثانی به نظراً نصف باقی
هبه ایلدیگی یا خود معین و یا غیر معین عرضدن عبارت بولسان
مهرینی یا قبل القبض و یا بعد القبض هبه ایتدیگی تقدیرده عقدده
عرضک تعینی ایچون عینی حقنه وصول . مقصدی حاصل اولدیغندن
ناشی رجوع اوله ماز . یعنی احدها آخردن برشی طلب ایده مز .
درر و بزازیده محرر اولدیغی اوزره حین تزوجه امرأه نک
بکارتی شرط ایدیلوبده ثیب بولسه مهر . مجرد استمتاع ضمننده
مشرع اولوب بکارت ایچون اولدیغنه و ذکر ی سبق ایلدیگی و جهله
بعض عارضه دن طولانی بکارتک زوالی واقع و بوبابده حسن ظن
لازم اولدیغنه و مجمع الانهرک بیسانه گوره شرطک بطلانته
و خلوت صحیحه ایله عقدک صحته بناءً مهرک کلیسی زوج اوزرینه
واجب اولور . شابه دیو عقد اولنان مرأه . مجوز ظهور ایسه
مسئله ینه بویله در .

برکیمسه بر خاتونی جنساً مختلف اولان مثلاً یا شو عبده

و یا اشبو بیک و یا ایکی بیک غروشه دیرک یا خود جنساً متحد اولان
شو عبده و یا اشبو عبده و یا شوایکینک برینه اشارت ایدرک ایکی شیدن
برینی مهر اتخاذ ایله تزوج ایلسه و اوایکیدن بری دیگرندن
خسبس اولسه حاکم . مهر مثلی تحکیم ایدوب اگر مهر مثل
اول ایکی شیک قیمة ارفعه مائل و یا اندن اعلا اولور ایسه
انارک ارفعی و خسیسنه مائل و یا اندن دون اولدقه اونارک دونی
وارفعدن ادنا و خسیسندن اعلا اولورسه مهر مثلی اعطایه حکم ایدر .
شیتین مذکورینک قیمتی مهر مثل ایله مساوی اولدیغی تقدیرده
زوج ایچون حق خیار . ثابت اولدیغندن هانکیسی دیارسه
انی اخذ ایلر .

قبل الدخول اولان طلاقده مهرده اصل اولان متعه مثل .
تحکیم اولنور . حتی شیء خسیسک نصفی متعه دن اقل اولسه بیله
ینه متعه واجب اولور ﴿فتح﴾

بر رجل بر مرأه بی بر عبده و یا اسبی و یا بر ثوب ذی قیمتی
یا خود فراش بیتی و یا ابل گبی حیواندن عدد معلومی یا خود حنطه
و شعیر و زعفران مثللو مکیل و یا موزون برشی مهر اتخاذ ایله
تزوج ایتسه کندویه هر برجنسندن هانکیسی وسط ایسه انی ایفا
و یا وسطک قیمتی ادا ایدر .

کندوسنده سلم . جائز اولیان حیوان مثللو شیلرده عینی
و یا قیمتی و یرمکده زوج . مختار و ثوب گبی سلم . جائز اولان اشیاده
زوج . صاحبه حق خیاردر .

جنس ذکر اولنوب نوعی کوسترلمیان هر بر حیوانده لزوم
وسطه دائر اولان حکم دخی بیان اولدیغی و جهله در .

جنس . نزد فقها ده احکامه مختلفین کثیرین اوزرینه مقولدر
انسان گبی که احکامه مختلفه اولان ذکر و انخی به مقولدر *
کذلک ثوب گبی . زیرا بوبر جنسدر که تحتند کتان ، بموق ، ایبک
داخل اولوب کیمنک لیبی حلال و کیمنک حرام اولق گبی
حکماری مختلفدر . حیوان و دارده بوقیلندر *

نوع . احکامه متفقین کثیرین اوزرینه مقولدر . فرس گبی *
بوندن اکلاشادی که حیوان . دابه . ملوک . ثوب . جنس اولوب
فرس . حمار . عبد . ثوب هروی . کتان . قطنی . نوعدر *
بناءً علی ذلک تسمیه سی صحیح اولوبده وسطنی و یاقیمتی
و یرمک لازم کلان انجق نوع نایدرد . زیرا جهالتک انواعی اولوب
بری جهالة النوع والوصفدر . ثوب . دابه . دار گبی که بونده تسمیه
صحیح دکلدر *

دیگریده نوعی معلوم وصفتی مجهولدر . عبد . فرس . بقره .
شات . ثوب هروی گبی که بونارده تسمیه صحیح و وسط واجبدر .
تقدیر مذکورده گوره دابه . ثوب . جنسی معلوم و نوع
وصفتی مجهول و عبد . فرس . ثوب هروی . جنس و نوعی معلوم .
صفتی مجهول اولدقلرندن فقهانک آنفاً بیان اولان تعریفدرینه
موافقدر ﴿در مختار . طحطاوی . رد مختار . ملتقی﴾

نکاح فاسدده بلا و طی برشی ایجاب ایتیموب انجق طرف
قبلدن وقوعبولان مجامعتله مهر مثل واجب اولور *

بناءً علیه قبلک غیریه و طئه و یالکز خلوت و لمس و تقبیل
بالشهوة ایله مهر مثل لازم گلدر . چونکه عقدک فساد سیبیل
جماعتک حرمتدن ناشی مجرد خلوتله تمکن ثابت اولیه جفتدن

او مقوله خلوت . صحیح اولماز . حائضه اولان خلوت گبی که حیض .
صلات و صومده اولد یغی منللو خلوته ده مانع اولمغه خلوت مجرده
قربان . مقامنه قائم اوله ماز *

عقد فاسدده مسمای معلوم هر تقدیر عشره دن دون اولور ایسه ده
بونقصانه بدایه امرأه . راضیه بولتمش اوله جفتدن حین افتراقده
مهر مثل . مسمای مذکور اوزرینه زائد اولماز . یعنی فساد عقد سیبیل
تسمیه فاسد اولمغه مهر مثل . مادون عشره اولسه بیله اندن زیاده
برشی ایجاب ایتد *

نکاح فاسدده اصلاً مهر تسمیه اولتمسه و یا مجهول اولسه
بوصورتده مهر . بالغاً مابلغ لازم اولور *

حین نکاحده شاهدلرک حضوری گبی نکاحک صحت شرائطندن
برینک بولتمامسی و ایکی قزقر نداشت برلکده و یابرینک . دیگرینک
عدتی ایچنده تزوج ایدلمسی و غیرک معتده سی اولان قادینک و رابعه
عدته ایکن خامسه نک و حره اوزرینه امه نک و الحاصل حرمت
مؤیده و موقت ایله حرام اوللردن برینک عقد اولتمسی فساد
نکاحک اسباب موجب سندندر *

قول صحیده دخول اولسون و یا اولسون زوجیندن هربری
ایچون نکاح فاسدی فسخ ایتک صلاحیتی واردر . حتی زوجاندن
بری حاضر اولسه بیله معصیتدن خروج ایچون آخرینک فسخ .
حق ثابتدر . شوخالده زوجین . فسخ نکاح ایتسه لر میانه لرینی
تفریق ایتک حاکمک اوزرینه واجبدر *

نکاح فاسدده بعدالمقارنه اولان مفارقتده و قبل الوطی زوجک
وفاتنده موضع احتیاطده شبهة حقیقیه الحاقاً و اشتباه نسبیدن

اجتناباً اوچ حیضدن عبارت بولنان عدت طلاق. ایجاب ایدر ایسه ده
مقارنندن مجرد اولان خلوت. غیر معتبر اولمقله بونده عدت
لازم گلمز.

ذکر اولنان عدت طلاق. فساد نکاحک تعینی سببیه
زوجین بیننده فسخ نکاح اولمقدن ناشی وقوعبولان تفرق
ویا خود حاکم جانبدن اولنان تفریق. صورتلرندن وقت مفارقتدن
ویا قول ایخه گوره متارکه. زوجنه نک معلومی اولسه بیله زوجک
زوجیه ترکی زمانندن اعتباراً واجب اولور.

نکاح فاسده احتیاطاً یعنی ولدی ضیاعدن محافظه بلادعوه.
نسب. زوجدن ثبوت بولور ایسه ده وراثت ثابت اولماز. نکاح
موقوف دخی بونک گیدر.

ثبوت نسبک مدتی و طئدن معتبر اوله رق التی ماهدر.

بناءً علیه وقت قربانندن وضع حمله قدر مدت حملک اقلی اولان
مذکورالتی آی ویا بوندن اکثر زمان. مرور ایلمش اولدینی صورتده
نسب. تحقیق ایدوب شهر سته دن اقلده ولادت وقوعنده نسب.
ثبوت بولماز. اشبو قول. امام محمد حضر تارینک اولوب مفتی بهدر.
عند الامامین نکاح صحیحده اولدینی مثللو ثبوت نسبک
مبدائی وقت عقددن اعتبار اولنش ونهرده بونک ترجیحاً احوط
ایدوگی بیان قلنمش (۱) ایسه ده حره نک شرعاً اولان مهر مثلی
باباسی قبیله سندن سن. جمال. مال. دیانت. عقل. بکارت.

(۱) ابن عابدینک افاده سنه گوره نهرک بونرجیحی صاحب هدایه نک
وسائرلینک «فتوا امام محمدک قولی اوزربنه در» دیلمربنه معارض اوله ماز.

ثبابت. عفت. علم. ادب. کمال خلق. مکان. زمان. عدم ولد
جهتلرندن کلاً ویا بعضاً مساوات اولان امرأه نک. مهریدر.
بنابرین مرأه نک اناسی باباسنک عمجه سی قزی اولمق گی گندی
اقر باسندن اولدینی حالده قوم مادر دن تحری. امثاله و عند البعض
حسب ونسب صاحبی اولان اشرافده جماله اعتبار اولنماشدر.
اوصاف مشروحه ده کی مماثلت. وقت عقدده مرعی اولوب
اندن صگره حادث اولور سه معتبر دگلدر.

مهر مثل خصوصه سنده زوجنه نک باباسی قوم سندن مماثلت
بولنه میوبده زوجنه نک والدیه سی بنت عمی گی پدرینک اقر باسندن
اولدینی صورتده والدیه طرفندنه مماثلت. معتبر اوله جنی مثللو
مرأه نک اخوات و عمتنه و بونار بولنماز ایسه قز قرنداشنک
قز لر یله عمجه سنک کریمه لرینه دخی علی الترتیب اعتبار اولمق
لازم گله جگگی و زوجک دخی زوجنه نک مماثله لرینک زوج لرینه
مال. حسب. جمال. بلد. صغر. تقوی. سن. خصوصه لرنده
مماثلتی معتبر ایدوگی مشایخ فقها دن نقلاً خلاصه و کالده بیان ایدلشدر.
جاریه نک مهری کندوسنه نه مقدار شی ایله میل ورغبت
اولنور سه اندن عبارتدر.

اوصاف محرره مماثلته نظراً مهر مثلك ثبوتنده ایکی عادل
کیمسه نک ویا برارکات ایله ایکی قادینک اخبار و شهادت لری
شرطدر. شهود عدول بولنه مدینی صورتده مهر مثلك تعیننده
یمینیه قول. زوجکدر. زوجانک حصول رضایله و بالشهادة
مماثلک ثبوتیه حاکم طرفندن مهر مثل. تقدیر اولمق جائز اولدینی
محیط ونهرده بیان اولنمشدر.

شاید کلاً و یا بعضاً اوصاف مذکوره به پدری قبيله سندن
زوجه نك منلى بولنه ماز ايسه اكا متماثل بولان قبيله اجنبيه دن اولان
امثال . معتبردر و بولنردده تماثل بولنه مدینه تقدیرده بوجه بحر
یمینله سوز رجایکدر .

مرأه هر تقدیر صغیره وولى . زوج و یا زوجہ یا خود هر ایکسی
ایچون عاقد اولور ايسه ده نکاحده وکیل مثلاو سفیر و معبر
اولدیغندن صحت وجودیه سی شرطیله مهرک تضمینی کفالت
ایلمه سی صحیح ايسه ده ولى . مرض موده بولنور و مکفول عنه
و یا مکفول له کفیل اولان ولینک وارثی اولور ايسه ضمانی صحیح
اولماز .

اما حیاتده بولنسان اوغلی سبيله وراثتدن محجوب اولان
اوغلنک اوغلی و یا عمی قزی گبی مکفول له و یا عنه . ولى کافله .
وارث اولماز ايسه بو حالده اصح اولان ضمانک ثلثدن معتبر اولمسیدر .
ابن عابدینک بیانی وجهله اگر مال کفالت . ترکه نك ثلثی
قدر ايسه ضمان اگا منحصر اوله جنی گبی ترکه اندن زیاده بواندینی
تقدیرده ضمان یالکیز ترکه نك ثلثی مقدارندن ترتب ایدر .
ولى نك صحت ضمانی شرائطندن بریده بالغه ايسه امرأه نك
و صغیره ايسه ولینک محاسن ضمانده قبول ایلمسیدر .

ابن عابدینک افاده سینه نظر مسئله مذکوره ده مرأه صغیره اولمق
و کفیلده زوجک و لیسى بولنق لازم گلوب زیرا زوجہ نك و لیسى
محاسن ضمانده بولنور ايسه ولینک ایجابی قبول . مقامنده اولور .
زوجه . زوج بالغ ايله ولى ضمانک هانکیسندن دیارسه
مهری آندن مطالبه ایدر .

اگر زوج . صغیره ايسه مطالبه اربابندن اولدیغندن کندوسنه
مطالبه توجه ایتمز . بوصورتده ولى . صغیر اولان و یا کیر بولنان
زوجه زوجیه ولایت ایلر .

زوج کیرک و لیسى اجنبی گبی اولدیغندن ولایتی استحباب
نوعندن و ولینک مهری ضامن اولمسی حکمی اجنبینک ضمانی
حکمی قیلندندر .

ولى . زوجک امریله مهری ادا ایلدیه حکم کفالت
اقتضاسنجه زوجہ رجوع ایده بیایوب امریله اولمسیده رجوع
ایده مز .

پدری صغیر مخدومی تزویج ایدوبده مهر زوجیه تأدیه
کفیل اولمسیه کندوسی سفیر و معبر اولمغه کفالتی صحیح اولور .
کیره اولان زوجہ نك و لیسى زوج ایچون ایفای مهری
تکفل ایتمش ايسه ولى . اجنبی مثلاو مهری تضمین ایلر و زوجہ
زوج بالغ ايله ولینک هانکیسندن دیارسه مهری اندن استر .
والدی صغیره بی تزویج ایلرسه مهرک ضمانی باباسنه تعاق
ایدر .

بابا . صغیر و فقیر اولان اوغلنی تأهل ایتدیرسه زوجہ نك
مهری اوغلنک ذمتده ثابت اوله جفندن کندوسندن طلب
اولنه ماز .

اما متزوج اولان ولد صغیر غنی ایچون حلیله نك مهرینی
پدری انک مالندن و مهره کفالت ایلمش ايسه کندى مالندن
ادا ايله مطالبه اولنور و حین اداده رجوعه اشهاد ایلمامش ايسه
نفسندن تأدیه ایلدیگی مهردن طولای صغیر اوغلنه رجوع ایلیمه مز .

زوجہ . آز و یا چوق و اسون کند و سنہ عاجلا و یربہ جکی بیان
اولان شیئی . یا خود مهری کلیاً مؤجل اولدیغنه گوره . معجلاً
اعطاسی عرف و عادت اقتضاسندن بولان مقداری . اخذ ایتدیکجه
معامله زوجیه اجرا سنہ مطاوعت ایتماکه و زوجہ اتباع ایله
سفره چیقمامغه حق و اردر . حتی رضاسیله خلوت اولمش و زوجہ
تمکین نفس ایتش اولسه بیله ینہ بو حق ساقط اولماز . بوننگله
برابر زوجہ نك نفقه یه ینہ استحقاقی و کندینک مشروع اولان
حاجتی و ابوینک زیارتی ایچون زوجندن اذنسز سوقاغه چیقمامغه
صلاحیتی اولور .

زوج . زوجہ نك مهر معجل و مؤجانی تماماً تأدیه ایلمش
بولورسه . زوجہ سی اندن امین اولمق شرطیله استدیگی بره
برابرجه مسافرت و حقنی کاملاً ادا ایتماش و یا زوجہ امین بولماش
ایسه انی بلده سندن خارجه کوتوره مز ایسه ده مسافه سفر دن
اقل محله و کویدن شهره و شهر دن کویه انگله برلکده عزیمت
ایده بیلور . وعلیه الفتوی .

زوجین . مهرک اصلنده اختلاف ایلسه یعنی بری مهر .
تسمیه اولندی و دیگری اولمادی دیسه مدعینک ینہ دن عجزی
حالنده تسمیه انکار ایدن اجماعاً تحلیف اولتوره منکر . یمیندن
نکول ایدرسه تسمیه ثابت و اگر یمین ایلسه مهر مثل واجب
اولور و بونده برشی زیاده و نقصان ایدماز . یعنی تسمیه بی ادعا ایدن
زوجہ ایسه مهر مثله برشی تزئید و اگر زوج ایسه اصل مهر دن
تقصیر اولماز .

نکاح . قائم ایکن مهرک مقدارنده اختلاف اولتور ایسه

مثلاً زوج طرفندن مهرک بیک و زوجہ جانبندن ایکی بیک غروش
اولدینی ادعا ایدیلورسه قول . یمینیه کندویه مهر مثل . شهادت
ایده نك اولور .

ابن عابدینک دیدیکی وجهله مهر مسمی مکيلات و موزوناتدن
اولوبده مقدارنده اختلاف واقع اولسه مسئله ینہ بویله در . اما
اختلاف عید و جاریه مثلاً و جنسده و یا جودت و ردائت گبی صفتده
و ترکی و رومی گبی نوعده اولوبده مسمی عین ایسه قول زوجکدر
ودین ایسه اصلده کی اختلاف کیدر .

مهر مثل گرک زوجک و یا زوجہ نك قولنه شهادت ایتسون
گرک اصلاً برینه و یا میانهلرنده اولان مقداره شهادت ایتسون
زوجاندن هانکیسی ینہ اقامه ایدرسه او مقبول گوریلور .

هرایکسیده ینہ ابراز ایلدکاری صورتده مهر مثل . زوجک
قولنه توافق ایدرسه زوجہ نك ینہ سی تقدیم اولتور و اگر
مهر مثل . زوجہ نك مدعاسنی تصادق ایلسه زوجک برهانی
قبول ایدیلور زیرا بینات . خلاف ظاهری اثبات ایچون اولوب
یمین ایسه اصلی ابقایه تعلق ایده جگندن ظاهر ینہ مهر مثل .
کندونک قولنه شهادت ایدنه عائد اولور .

مهر مثل . زوجینک مدعاری یمینده اولورسه ایکسینه ده
عرض حلف اولنوب هانکیسی نکول ایدرسه سوز آخرکدر
و یمین ایلدکاری و یا هربری دعوالرینه بشقه بشقه دلیل اتیان
ایتدکاری حالده مهر مثل ایله حکم اولتور و بویله برینک
دیگرندن اول اقامه ینہ ایلمسنه مانع یوقدر چونکه دیگرینک

برهانندن مقدم اقامه بینه ایدن طرف . دلیانی ارائه ایله دعواسنی تنویر ایتش اولور .

وطی و یا خلوت صحیحه دن مقدم طلاق و وقوعنده اگر مهر مسمی غیر معین اوله رق ذمتده دین اولورسه متعه مثل . زوجان دن هانکیسنک قولنه دلالت ایدرسه یمینله قول انک اولغله متعه مثل ایله تحکیم قانور .

عبد و جاریه نك مهر تسمیه اولغسی مسئله سی گبی مهر مسمی عین یعنی معین اولورسه مثلاً قادی (شو جاریه مهر اولق اوزره بی زوج ایتدک) دیوب ارککده (جاریه دکل بلکه شو کوله مهر اوله رق سنگله تاهل ایتدم) دیسه مزبوریه بالتحکیم . متعه لازم گور و زوج . مهر ایچون جاریه نك نصف قیمتته راضی اولدیغی تقدیرده متعه یه محل قالماز .

وطی و خلوت صحیحه دن اول واقع اولان طلاقده متعه ایچون زوجین دن هانکیسی اقامه بینه ایدرسه انک کی قبول اولور . ایکسیده ارائه برهان ایلکاری تقدیرده متعه رجلك قولنه شهادت ایلرسه قادی نك بینه سی و متعه قادی نك سوزینه دلالت ایدرسه ارککک بینه سی اولی اولور .

متعه هر ایکسینک قولنی مؤید اولیوبده متوسط واقع اولش ایسه ایکسینه ده یمین و یریلور و شو حالده بینه لری حکمدن ساقط اولغله ارتق هانکیسی نکول ایدرسه سوز آخرک اولور و هر ایکسینک یمینی صورتنده متعه مثل لازم گور .

زوجان دن برینک وفاتی حالده اصلاً و قدرأ مهرک حکمی حیاتده ایکن اولان معامله نك عینیدر .

بناءً علیه زوجین دن حی اولان ایله ورثه میت بیننده اصل

مهر . خصوصنده اختلاف اولسه مثلاً حی طرفدن مهر . تسمیه اولدیغی و ورثه جانیندن تسمیه اولدیغی ادعا و یا بونک عکسی دعوا ایدلسه و بینه اقامه ایدیه مسه مهر مثل واجب اولور .

اختلاف . مقدار مهرده اولدیغی صورتده مهر مثل . اعتباری احدیه دن آخرک موتیه ساقط اوله میه جفندن مهر مثل . تحکیم قانور . زوجانک و فاکلرندن صکره مهرک قدرنده ورثه بینلرنده اختلاف اولسه قول . زوجک ورثه سنک اولدیغدن اقرار و اعتراف ایلکاری مقدارک اداسی کندولرینه لازم گور و اگر مهرک اصلنده اختلاف اولورسه قول . تسمیه بی انکار ایدن زوجک ورثه سنک اولور .

شو تقدیر جه عندالامام تسمیه بی دعوا ایدن ورثه زوج طرفدن برهان ایله اثبات مدعا اولدیغجه برشی ایجاب ایتز و امامینه گوره حال حیاتده اولدیغی مثلاً مهر مثل ایله حکم اولور . و به یفتی .

برکیمسه کریمه سنه بر مقدار جهاز ترتیب و مزبوریه تسلیم ایلسه جهاز مذکور قزینک مالی اوله جفندن بالآخره کندوسی استرداد ایدیه میه جگی گبی حال سختده تسلیم ایتش ایسه بعد وفاته ورثه سی دخی انی مزبورده دن کپرویه الهماز .

تسلیم . مرض موندده واقع اولورسه وارثه تمایک و حکماً وصیت دیمک اولوب او ایسه ﴿لَا وَصِيَّةَ لِلْأَوْرَثِ﴾ حدیث شریفی موجبجه جائز و نافذ اوله میه رق اجازت و رثه یه موقوف بولنه جفندن بو حالده جهاز مذکور انلرک استرداد حقاری اولور .

بابانک قزی ایچون حال صغیرنده اشترای ایلدیگی اشیا ی جهازیه

پدر گرك مرض موده تسليم ايتسون گرك هيچ تسليم ايتماش
بولسون اصلا استرداد اولنه ماز *

قزني تجهيزده انا . بابا گيدر . صغيره نك وليسي دخي بويلا در .
انا . قزني تجهيزده باباسنك حضورنده وانك عالمي لاحق
اوله رق مالندن برارشي و ير سه و بابا سكوت ايلسه و قز زوجيله
زفاف ايدلمش بولنسه بالاخره پدر . اني استرداد ايدمه من .

مادري دخترينك جهازي ايجون پدرينك مالندن على العاده
صرفيائده بولنسه و بابا سكوت ايلسه انا ضامن اولمازه ليكن قدر
معروف و معناددن زياده صرف ايتسه بابا برشي ديماش اولسه
بيله انا صرف ايلديكي شي زاندي تضمين ايلر .

زمان تطايقه قدر تأجيل اولسان مهر . طلاق رجعي ايله
تعجل ايدر . ليكن عدت . منقضيه اولدجه مهر نك تعجل ايدمه جگي
عامه عالما قولي اوله رق قنيه ده بيان اولمشدر . مرأيه مراجعتله
مهر . تأجيل ايلمز .

بعدالتطايق زوج . زوجيه (مهر گي بگا هبه ايامدجه سني
تكرار تزوج ايتم) ديسه و زوجيه بوني قبول ايلديكي حالده
زوج اني تزوجدن امتناع ايلسه ولو صكره دن نكاح ايتسون
ويا ايتسون مهر . باقي قالور و زوج . ابا ايتمز ايسه هبه صحيح اولور
نوير . درمختار . طحطاوي . رد مختار . ملتقى وغيرهم *



مهر سكرنجي باب ربيعه

(رضاعه دائر در)

رانك قنجي و كسريله رضاع لغنده (مص الندي) يعني
معي املك ديمكدر .

شرعده وقت مخصوصده كه امام اعظم حضر تبارنجه استعيذ بالله
حمله و فضاله ثلاثون شهراً آيت كريمه سندن بالاستدلال

حمله عائد التي ماه ايله برابر اكثر اوقات رضاعيه اولان ايكي بحق
و عند الامامين استعيذ بالله والوالدات يرضعن اولادهن حولين

كاملين ان اراد ان يتم الرضاعة نظم جليلانه نظر امدت حمل
اولان اشهر سته دن ماعدا مدت فصال بولنان ايكي سنه ده ولو
باكر و يا آيسه اولسون مرأه نك تمه سندن لبني . رضيع . مص
ايلمك معناسنه در .

سودی بوردن و يرهرك و يا بر واسطه ايله بوغازندن
كچورهرك معديه ابصال ايتك دخي املك گيدر .

جوهره و غيريده ذكر اولنديني اوزره مدت رضاع حقنده كي
قولين مذكورينك ايكي سيده مفتي بهدر . و قولينك اختلافي تجربه
عائد اولوب يوقسه مطاقه به اجرت ارضاعك لزومي و والده به
امر ارضاعك ديانة وجوبی مدتی بالا جماع ايكي ييلدن زياده
دگلدن .

مذهب ظاهر اوزره حرمت نكاح . انحق مدت رضاع ظرفنده
ثابت اولور . ولو كه چو جق ايام رضاعيه نك ختامندن اول سوددن
كسيامش و يلك ايله تغدي به اليشهرق مرضعه نك سوديني امكنن

استغنا حاصل ایلیمش اولدینی حالدده مدت رضاعده تکرار
امزیرلمش اولسون . وعلیه الفتوی .

شو حالده اوقات رضاعیه نك مرورندن صکره وقوعبولان
ارضاع . تحریمی موجب اولماز .

قولین سابقین ایجابجه اولان ایام رضاعیه نك انقضاسندن صکره
ولدی ارضاع . مباح و مجاز اوله ماز .

گرك گندوسندن اولان ولدینی گرك غیریدن اولان صبییه
ضرر ایراث ایلمدیگی تقدیرده مدت رضاعك تمامندن اول
فطامه یعنی سوددن کسمگه (ارضاعده اولدینی گي غیر معنقه اولان
جاریه سی ملکی اولدیغنه مبنی) اقدیمی اجبار ایده بیلور ایسه ده
تربیه حق زوجنه نك اولدیغندن مدت فصال اولان ایکی سندن
اقدام طفلك فطام وارضاعی خصوصارنده زوجة حرمه سی زوجی
جبر و الحاح ایده مز .

سودك چوجغك اغزندن ویا بورنندن جوفسه وصولی
معلوم اولدقدده قلیل اولسه بیله انگله مرضعه نك ولد رضیعه انا
ولبی کندوسندن اولان مرضعه نك زوجی من جهة الرضاع بابا
اولمی نبوت بولور لکن سود مرضعه نك زوجندن اولمازسه
ابوت حاصل اولماز .

بزازیده بیان اولدینی وجهله دار حربده سود اموب
بعده شرف اسلامه مشرف اوله رق دار اسلامه کلان ایکی حربی
بیننده دخی احکام رضاعیه ثابت اولور .

سود . ولدك اغزندن ویا بورنندن قارننه واصل اولسه ویا
بالایجاب احتقان یاخود اذنینه اقطار ایدلسه رضاع تحقق ایتمز .

ولواجیه ده مسطوردرکه برصیینك فنه برقادینك مہسنك
باشی لقمه گي ادخال اولنوبده سودك بوغازینه واصل اولوب
اولدینی ظاهر اولسه نکاحه مانع اولان شیده شك اولدیغندن
صی اوقادینك ولدینه حرام اولماز .

هرچوجنی بلاضرورة امزیرمامك وارضاع وقوعنده تحریر
وتشهر ایتك نسایه لازم وزوجندن اذن المیه رق چوجق
امزیرمك مکروهدر .

خانیه ده محرر اولدینی اوزره برقرچوجنی برقریه اهالیسنك
اکثر نسوانی امزیرمش اولدینی وفقه ط کیمك امزیردیگی
علی التعین بیله مدیگی حالده اوقریه اهالیسندن بری مزبوریه
تزوج ایتك استسه هانکی قادینك ارضاع ایلیمش اولدیغنه اماره
قویه ویا شهادت صحیحجه بولماز ایسه انگله ازدواج جائز اولور .

﴿يَحْرُمُ مِنَ الرَّضَاعِ مَا يَحْرُمُ مِنَ النَّسَبِ﴾ حدیث شریفی
ایجابجه رضاع . سبیلله اولان حرمت . نسب . سبیلله اولان حرمت
گیدر .

بناءً علیه برکیمسه نك رضاءاً اوغلنك ویا باباسنك حلیله سی
نسباً اولدینی گي کندویه حرامدر . كذلك مزنیه سنك رضاءاً
قری دخی زانییه غیر حلالدر .

لکن نسباً برادر ویا همشیره سنك والده سی کشینك اوز
ویا اوکی مادری دیمك اولمغله کندوسنه حرام محض اولدینی
حالده رضاءاً ارکك ویا قرقرنداشنك اناسی انلرك سود اولمیان
دیگر قرنداشنه حرام اولماز .

دررده مسئله مذکورده ده اوج صورت کوستریلوب بوندن

بری بر رجالت نسباً اولان ار ویا قز قزنداشنك سود اناسنی
ودیگری رضاعاً اولان ار ویا قز قزنداشنك نسباً اولان والدہ سی
اول رجالت . و بریده اجنبیلر اولان صبی ایله صبیہ بر اجنبیہ
مرأه نك مہسندن اموبده صبیہ نك رضاع جہتندن بر آخر مادری
اولسہ بونی اوصیینك . تزوج ایلملرینك جوازیدر .

ایمدی بر کیسه نك نسباً قز وار قزنداشنك اناسنك کندویہ
حرمتی انك والدہ سی ویا باباسنك موطوئہ سی اولدیغندن نشأت
ایدوب رضاعده ایسه اناسی ویا پدرینك موطوئہ سی اولق مفقوددر .
کشینك اوغلنك وقزینك رضاعاً قز قزنداشنی و اوغلنك
وقزینك رضاعاً جدہ سی وعم و عمتہ و خال و خالہ سنك والدہ لری
وولدینك رضاعاً عمتہ سی وعمتہ سنك قزی وقز قزنداشنك قزی
واولاد اولادینك اناسی رضاع جہتندن کندویہ حلال ایسده
نسباً حرامدر . کذلک بر مرأه نك سود طرفندن اوغلنك
قزنداشنی مزبورہ یہ حلالدر .

من جهت الرضاع اولان مستثنیات محررہ صور عشرہ دن
و ذکورت وانوئت اعتباریہ یکرمی صورتدن عبارتدر . شویله که
ذکورتہ گورہ ار قزنداشنك اناسی و اوغلنك قز قزنداشنی
و جدہ سی وعم و خالنك انالری و اوغلنك عمتہ سی وعمتہ سنك قزی
و کذلک اوغلنك قز قزنداشنك قزی و اوغلنك ولدینك اناسیدر .
انوئته نظر آقز قزنداشنك والدہ سی وقزینك قز همشیرہ سی
و جدہ سی وعمتہ و خالہ سنك مادرلری و کریمہ سنك عمتہ سی
و عمتہ سنك قزینك قزی وقزینك قز قزنداشنك قزی وقزینك
ولدینك کریمہ سیدر .

مذکوراتك مجموعی اون سکر ایسده مرأه نك رضاعاً
اوغلنك قزنداشنك مزبورہ یہ حتی صورت عاشرہ اولدیغندن
بوده ار وعورت جہتندن ایکی اعتبار ایدلده جماعاً یکرمی یہ
و بونلرک رجل و مرأه یہ نسبتله یکدیگریہ حلال اولملری اعتباریہ
مقدار صور . قرقه بالغ اولور .

کشینك نسباً ار قزنداشنك رضاعاً قز قزنداشنی تزوجی
حلالدر . کذلک بالعکس یعنی رضاعاً ازکک برادرینك نسباً
همشیرہ سی آلق صحیحدر .

برقادیندن ارتضاع اوزرہ مجتمع اولان ایکی صبی احدها
آخرک سود قزنداشلری اولدقلرندن ہر قدر زمان و پدر مختلف
اولسده بر برینہ تزویج اوانہ مازلر .

صیلرک امدکاری سود بر رجل ایله بر مرأه نك اولور ایسہ
بو حالده انا و بابا بر سود قزنداشنی و اگر سود برار ککدن اولماز
ایسہ مثلاً برینی زوج اول و برینی زوج ثانیدن حاصل اولان
لبندن امزیرسہ لأم اخ ویا اخت اولہ جقلری گبی بر شخصك
ایکی عورتی اولوبده ہربری بر صبی یی ارتضاع ایلسہ لاب اخ
ویا اخت اولورلر .

رضیعہ ایله مرضعہ نك ولدی وولدینك ولدی بینندہ اشاغی
طوغری حئل نکاح یوقدر زیرا ولد مرضعہ . رضیعہ دن مقدم
ویا مؤخر اولسہ بیله ولد . رضیعہ نك سود قزنداشنك
ولدیدر کہ محرماتنددر .

بر مرأه نك بر قاج قزی و دیگر برقادینك کذلک بر قاج اوغلی
اولوبده ذکر اولنان قزلرک اناسی مرقوم اوغلانلردن برینی

و اوغلانلارک اناسی دخی مزبورہ قزلردن برینی ارضاع ایلسہ لر قزلرک والدہ سندن سود امن اوغلان (رضاعاً قز قرنداشلی اولدقلری ایچون) قزلردن هیچ برینی تزوج ایدہ مز .

اما سود امن اوغلاندن ماعدا دیگر اوغلانلر ار قرنداشنک رضاعاً قز قرنداشلی اولدیغندن مزبورہ قزلردن اوغلانلارک اناسنک سود ویردیگی قز انک رضاعاً قز قرنداشی اولقلہ بوندن بشقہ سی آلہ بیلور .

جوهرہ وغیرینک بیانہ گورہ سی طقوز ویا دها زیاده اولان بنت بکرک یعنی نکاح ویا سفاحلہ بکارتی ازالہ ایدلمش اولمیان قزلک لبی نکاحی تحریم ایدرایسہ ده طقوز یاشنہ بالغ اولمیان بکرک سودی حرمت رضاعیہ یی ایجاب ایلمز .

مسئلہ مذکورہ دن منقہم اولدیکه بوبایدہ زوج . حقندہ حرمت رضاعیہ ثابت اولہ میہ جفندن قبل الدخول اویاشدہ کی زوجہ سی زوج . تطلیق ایلمش اولسہ لبی کندوسندن اولدیغنه مبنی انک رضیعہ سی تزوج حلال اولور .

اما بعد الدخول تطلیق ایتمش ایسہ مزبورہ نک رضیعہ سی کندی ربانیدن اولہ جنی جهتلہ انی تزوج ایدہ مز .

برده لبی کندوسندن ولادت مأمول اولاندن تصور اولنہ جفنه بناء ولادته قابلیتی اولمیان صغیرہ نک ممہ سندن چیقان شینک سود اولسنہ حکم ایدیلہ مز . نسکیم باکرک ممہ سندن صاری صو آقش اولسہ انک ارضاعیلہ حرمت ثابت اولماز ﴿ابن عابدین﴾ برمرأہ نک لبی صویہ وهر برمایع وبلکه جامد شیئہ یاخود دواہ ویا دیگر برخاتونک ویافیون ویاچینک سودینہ قارشیدریلہ رق

صی یه ویرلسہ اگر لبی مرأہ . قارشیدریلان شیئہ غالب ایسہ حرمت رضاعیہ ثابت اولور . والآفلا .

خانیه ده . غلبہ . من حیث الاجزا بولمق وقاضیخانده سود کالیله متغیر اولمق وامام ابی یوسف حضر تدرنجہ لون وطعمی تبدل ایتمک قیدلریلہ تقييد اولنمشدر .

لبی مرأہ ایله مذکور اتدن بری مساوی اولمق دخی مستلزم حرمتدر .

ایکی قادینک سودلری قارشیدرلمش اولمق صورتندہ جنسک جنسہ غلبہ سی ارانلمیہ جفندن بری دیگرینہ گرک غالب گرک مغلوب اولسون حرمت رضاع اوایکی خاتون حقارندہ دخی ثابت اولمق مرجحدر ﴿تنویر﴾ درمختار . طحطاوی . رد مختار ﴿

مطلقا کہ گرک آتش مس ایتسون ویا ایتسون وگرک لبی غالب اولوبدہ لقمہ رفع اولندقدہ متقاطر اولسون ویا اولسون وگرک سہ لقمہ لقمہ ویاخود تدریج ایله اکل ایداسون طعاملہ مخلوط اولان ویا پینر یاییلان لبی مرأہ رضاع . اطلاقہ صالح اولدیغندن سبب تحریم دکلدر .

کذلک قادینک سودی ایله احتقان ویا اذینہ یاخود باشدہ کی یارہ یه اقطار ایلمک ایله ده حرمت غیر حاصلدر .

ابن عابدینک تحقیقنه نظراً لقمہ رفع اولندقدہ لبی . متقاطر اولوبدہ پارچه پارچه اکل ایدیلہ جک اولورسہ ذکر اولندیفی اوزرہ موجب حرمت اولمیور ایسہ ده طعام . ٹخن اولمیوبدہ شربہ قابل درجہ ده رقیق اولدیفی حالده یودم یودم ایچیلہ جک اولسہ حرمت ثابت اولہ جنی اکلاشیلہ یور .

رجلک و خنثای مشکک سودلریده مستلزم حرمت دگلدر.
بر کیمسه نك ضره کیره سی یعنی بیوک حریمی مبانه اولسه بیله
ضره صغیره سی مدت رضاعده ارضاع ایلسه ایکسیده کندوسنه
ابدیاً حرام اولور.

مسئله مبسوطه ضره کیره نك مدخوله و یا غیر مدخوله اولسی
ولبی کندوسندن اولوب اولماسی و ارضاع . قبل الطلاق
و یا بعد الطلاق وقوعه اولسی و عدت رجعیده یا خود بینوت صغری
و کبری ایله باین بولنسی گی احوالک جمله سنه شامل اولق اوزره
مطلق ذکر اولنش ایسه ده حرمتارینک ثبوتی کیره نك سودی
اوزوجدن اولق یا خود کندوسی اگا مدخوله بولنق قیدیه مقیدره
بویله اولماز یعنی کیره اگا مدخوله اولمش بولماز ایسه سود
بشقه سنک دیمک اولدیغندن صغیره سی ثانیاً تزوج ایده بیلور.

ارضاع گرك قبل الطلاق گرك بعد الطلاق واقع اولسون
صورت محرره ده بر حرمت موقته حاصل اولمش اولور که ارضاعک
قبل الطلاق اولسی صورتنده زوج . قزی رضاعاً اولان والده سیله
براشدیرمش اوله جفی جهتله نکاحلری منفسخ اولور ایسه ده
والده مدخول بها اولدینی جهتله زوج . انک سود قزینه بعده
اعاده عقد ایده بیله جگی گی ارضاع بعد الطلاق اولدینی تقدیرده دخی
قزک نکاحی ذاتاً منفسخ اولیوب شو قدر که هرا یکی صورتده
قزه عقد . واقع اولغله والده مؤبدأ حرام اولور.

ذکر اولنان مسئله ده زوجة کیره مدخوله اولدقجه مهره
مستحق اوله ماز چونکه فساد قصدیه صغیره سی ارضاعندن طولای
مفارقه کندوسی سببیت ویر مشدر.

صغیره هه هنوز مدخوله اولدینی جهتله نصف مهر
لازم کوب اگر کیره نکاحه و صغیره سی ارضاعله نکاحک فسادینه
عالمه اولدینی و مجنونه و یا نائمه اولیوبده عاقله و بیدار بولندینی
حالده صغیره نك جوع و هلاکیتی دفع صورتیه اولیوبده مجرد
فساده بناء کندی رضاسیله ارضاع ایلمش ایسه زوج . نصف
مهری صغیره هه بعد الاعطا کندوسی آلق اوزره کیره هه مراجعت
ایلر.

لکن مفارقه سببیت کندی صنعیه اولیوبده مثلاً کرها
و یا نوم حالنده صغیره سودینی امسه و یا کیره مجنونه بولنسه یا خود
بری افساد قصدی اولیه رق کیره نك سودینی آلوب صغیره نك
آغزینه آتمقله جوقنه داخل اولسه بونده کیره نك سوء فکره
مبنی بر قصوری اولدیغندن مذکور نصف مهر ایچون زوج .
کیره هه مراجعت ایده من.

بر کیمسه لبی کندوسندن اولان سودلی خاتونی تطلیق
ایدوبده بعد تمام العده مزبوره دیگر براره واروب حامل اولدینی
حالده برولدی ارضاع ایلسه بونک حکمی سود صاحبی بولنسان
زوج اول ایچون ثبوت بولور یعنی سودک زوج اولدن اولدینی
متیقن وزوج نائیدن اولدینی مشکوک اولوب شک ایسه یقینی
ازاله ایده مامک قاعده سنه بناء رضیع . زوج اولک سود اوغلی
و کندوسی انک سود پدری اولور و مزبوره چوجق کتوردکده
سود . زوج نائیدن ثابت اولغله حمل مدتنده قادینک امزیردیگی
ولد . ایکنجی زوجک ربیبی عد اولور.

بر کشتی کندی زوجیه سی حقنده (شو خاتون بنم سود همشیره مدر)

دیوب بعده (بن وهم ایتشم واقع حال بنم دیدیگم گبی دگلدر)
دیهرک قولندن رجوع ایتسه ارضاع . امور خفیه دن اولدیغندن
بو تناقض . دعواسنه مانع عد اولمیهرق سوزی تصدیق اولنور
ومیانلری تفریق ایدلمز اما زوج . قولنده ثبات واصرار ایدرسه
آرالی تفریق ایدیلور .

برقادی اولجه برارکک ایله وقوع رضاعی اقرار و مؤخرآ
نفسی تکذیباً انکار ایدهرک (بن خطا ایتدم) دیوبده اوارککله
زوج ایتسه جائزدر . نتکیم قادی کندی تکذیب ایتکمزین
ارککک انی زوج ایتسی وقادینک سوزنده مصره بولمسی
صورتنده دخی جائزدر .

مرأه رضاعده اصرار ایدوبده رجل انکار ایلسه قادینک
قولنه اعتبار اولماز .

رضاعی ارکک وقادین ایکیسی بردن اقرار بعده کندولری
تکذیب ایله بز خطا ایلدک دیسه لرده صگره اوارکک بوقادینی
زوج ایلسه صحیح اولور .

نسبه کی اقرار دخی رضاعده کی اقرار گبی اولدیغندن رضاعله
اقرارده هر نه لازم ایسه نسبه ده عینی لازمدر .

مقراولان شخص اقراری اوزرینه مصر اولورسه نکاح .
باطل اولور ومصر اولماز ایسه باطل اولماز .

مثلاً بر رجل نسبی معلوم اولمیان برمرأیه (بو بنم همشیره
ویا والده مدر) دیدکن صگره (بن وهم ایلشم) دیسه کندوسی
تصدیق قلنور . لکن بوقولندن رجوع ایتوبده مصر اولورسه
میانلری تفریق اولنور .

رضاع مالک اثباتنده اولدینی گبی ایکی رجل عادلک ویا بر رجل
عدل ایله ایکی مرأه عادلک شهادتاریله ویا زوجینک تصادقیله
ثابت اولور .

شاهده لردن بری مرضعه اولسه هر تقدیر نفسنک فعلنه شهادت
ایسه ده تهمت محلی اولدیغندن شهادتی قبول ایدیلور وشهادت .
حق عبد اولان یا ابطال یا خود حل نکاحی متضمن اولمغه فرقت .
همان واقع اوله میوب بلکه تفریق . حاکم شرع . طرفندن اجرا
اولنور .

رضاعک ثبوتی قادینک دعواسنه توقف ایتز چونکه حقوق
اللهدن بولن حرمت فروجی تضمن ایدن بلا دعوا شهادت
یعنی شهادت حسبیه کافی اولور . نتکیم طلاقه وعتق امیه ووقفه .
شهادت دخی بویله در .

بر خاتونک کندی حضورنده ایکی عادل کیمسه کلوبده
زوجیله میانلرنده رضاع اولدیغنه ویا زوجنک مزبوره بی طلاق
ثله ایله تطلیق ایلدیگنه شهادت ایلسه لر و صگره شاهدلر وفات
ایلمش اولسه یا خود حضور قاضی به رفع دعوا اولنقسنزین شاهدلر
غیوبت ایتسه لر زوج . هر تقدیر منکر اولسه ده مزبوره نک انکله
اقامتی واجرای معامله زوجیتی جائز اولمازه وبه یفتی خلاصه
عن در مختار وطحطاوی ورد مختار

جزؤ ثانینک قسم ثانسی اشو قسم اولی ولی ایده جکدر .